

ВѢНОЧОК

ДЛЯ ПОДКАРПАТСКИХ ДѢТОЧОК.

Выдае

ШКОЛЬНЫЙ ОДДѢЛ ЦИВИЛЬНОѢ УПРАВЫ

ПОДКАРПАТСКОѢ РУСИ.

РОЧНИК Ш.

РОК 1921/22.



УЖГОРОД 1922.

СОДЕРЖАНЯ ІІ. РОЧНИКА ВЪНОЧКА.

КАЗКИ:

	Стор.
<i>Езоп</i> : Казки	182
<i>Немцова Божена</i> : Як пас Иванко кобылу	139—42

НАРОДНИ КАЗКИ:

Баронскій сын в Америцѣ, из Земплина	66—8, 81—5
Джаворонок царем птицъ, из Волосянки	124
Дурни люде, из береж. жупы	106—8
Дѣдо и смерть, из Пастѣлок	146—8
Королевич и ремесло, болгарска	89—90
Кривенька уточка, украиньска	129—32
Лисиця на зимовѣ у приятелѣв, украиньска	36—9
Невдячне курча, ческа	76—8
Про хлопця, что сидѣв сѣм лѣт у колодязи, из Земплина	20—24
Про что сердиться пес на кошку а кошка на пса	150
Пышный цѣсарь	101—5
Розумни люде	106—8
Соловій е его кум	114—5
Як бузьок помилив мыш з жабою	124

ПЕРЕКАЗЫ И ОПОВѢДАНЯ:

* * * В лѣсѣ	159
<i>Де Амичіс Е.</i> : Першій день у школѣ	7—8
<i>Ковалѣв Стефан</i> : Колядники	56—63
<i>Немцова Божена</i> : Як бабонька старалася про звѣрат	9—10
” ” Зимови радости	45—77
” ” Иванко	99—101
” ” Буря на старом Валилѣ	152
” ” При потоцѣ	156



Выходить 15. каждого мѣсяца окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдаѣ Шкѣльный оддѣл цивильноѣ управы Пѣдкарпатскоѣ Руси.

Адресь: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. сентембрія (вересня) 1921.

Число 1.

Президент Томаш Г. Масарик в Ужгородѣ.

Давно вже заявив наш пан президент республики, что хотѣв бы нащивити нашу милу краину Пѣдкарпатску Русь. Та велики труды, яки положив наш президент для своего краю ще подчас войны, ослабили его здоровля. Он мусѣв выѣхати аж на остров Капри в Италиѣ на лѣки. Та Бог допомог ему вернути одтам в повнѣм здоровлю межи своих, у свою дорогу Прагу.

Вернувши до краю, постановив пан президент сповнити свое давнѣ желанѣ и поѣхати вперед на Словенско а потом на нашу Пѣдкарпатску Русь.

День 22. септембра був милым и ясным днем для Ужгорода. Сонце пускало свои теплы лучи на землю, вѣтрець утих, а праця вся устала, гей бы свято яке мало быти. Дѣйсно се было велике торжество. Из всѣх домѣв повѣвали синьо-жовти або червено бѣли из синим угольником заставки. Головні улицѣ прикрашѣни, а особливо од дворця желѣзничого аж до жупанату а далѣ и улица Собранецка. У вѣздѣ на улицѣ Собранецкѣй и на желѣзном мостѣ поставлено прекрасно убрани вѣздни ворота, у горѣ котрых были написани слова „Привѣт Вам“.

Около години 10. рано начав народ збиратися вздовж улицѣ, котрыми сподѣвався приѣзда пана президента. Один довгій шнур по обох боках улицѣ тягнувся почавши од ул. Корятовича серединою города аж по конецъ Собранецкоѣ. Зобралися там не лиш всѣ жителѣ Ужгорода, Русины, Чехословаки, Жидаы, Мадяре але також из близьких и дальших сѣл. Приѣхали витати пана президента також из найдальшого


кѣнця нашоѣ краины слави наши Гуцулы. Своею прекрасною одежею звертали они увагу усѣх прохожих. На повитаня выйшла також и вся школьна молодеж из своими учителями и учительками и заняли мѣсце по обох боках улицѣ Собранецкоѣ. Приѣзд пана президента заповѣдженный быв на годину пѣв дванацатоѣ перед полуднем. А мав онѣ хати прямо из Кошиць, куды вже была поѣхала окрема депутація Подкарпатских Русинѣвъ ему на встрѣчу.

Не довго перед годиною дванацатою почали одзыватьсѣ стрѣлы из армат и дзвоны дзвонити у цѣлѣм городѣ. То быв знак, что дорогій гость зближае ся ид городови. Очи всѣх наповнилися радостею увидѣти першого президента чехословенскоѣ республики и освободителя руського народа. Появився первый автомобиль, за ним другій, третій а дальше четвертый окруженный почетною бандерією кавалеріѣвъ. В нѣм сидѣвъ президент Масарик. Из уст всеѣ молодежи и народа роздався радостный голос: Да живет! Слава! Въз из паном президентом котиться поволи, коли тымчасом хор учениць руськоѣ грек. кат. семинаріѣвъ спѣвае гимн Подкарпатских Русинѣвъ.

Перед самым будинком жупаната въз остановився. Пана президента витають вице-губернатор Еренфельд и генерал Парис. По короткѣм привитаню поступають поволи дальше. Переходять попри почетну гуцульску сторож, почетну сотню, котра из своею музикою оддае ему войскову честь и входят у ворота жупного дома. Тут повитае пана президента од имени ужгородскоѣ жупы жупан Желтвай, а панѣ подадутъ ему прекрасну китицю цвѣтѣвъ.

На привитальну бесѣду жупана отвѣтив пан президент ласкавыми словами. Упевнив Подкарпатских Русинѣвъ, что всегда думает за тот руській край, котрый тысячу лѣтъ стогнав у неволѣ, та возвав руську интеллигенцію, абы соединеными силами взялася до працѣ и поднесла так просвѣту народа яки его добробыт. По тѣй бесѣдѣ повѣвъ жупан пана президента на малый одпочинок.

Тымчасом у великоѣ салѣ жупаната збиралися депутаціѣ урядникѣвъ, вѣроисповѣдных громад, просвѣтных заведень, представителѣвъ сѣл и городѣвъ, абы могли еще окремо повитати пана президента и высказати ему желаня цѣлого населеня. Пан президент принимав радо всѣ депутаціѣвъ, звѣдовавъ од них про потреби населеня, а на памятку свого побыта в Ужгородѣ вручив городскому головѣ бѣльшу суму грошей для художных мѣста Ужгорода. С вдоволенем мѣг Пан президент чути од всѣх депутацій, что всѣ усилюють ся працьовати и поспѣшати до одноѣ



Президент Ческословенскоѣ республики Томаш Г. Масарик.

меты а то до подвиження свого народа и забезпеченя ему лѣпшоѣ и тревалоѣ долѣ.

На жаль короткій був час побыта тогого дорого гостя. О годинѣ пѣв четвертоѣ мусѣв рушитися пан президент опять в дорогу до Кошиць.

На улицях народ чекав терпеливо, абы еще видѣти его и при од'ѣздѣ. Знов почувся голос из тысячных грудей: Да живет! Славно!

Поволи котився автомобиль. Пан президент позирав мило на ряды пращающих го, гейбы тяжко му было розставатися из столицею Пѣд-карпатскоѣ Руси Ужгородом и с ѣв народом.



М. ПОГОРЯНКА:

МИНУЛО ЛѢТО.

Ой вже лѣто минуло,
Холодочком подуло,
Вже я досить пас волы
Теперь пѣйду до школы.

Купѣть, мамко, книжочку
И новую табличку,
Щей писальце в skleпаря
Чтоб спознали школяря.

А за тоє я, мати,
Научуся писати,
И нянькови зажену
Письмо аж в чужину.



ГРИБЫ.

Не теперь, не теперь
На грибы ходити.
В осени, в осени
Як будуть родити.

Пѣшов дѣд на грибы,
Баба на пѣпеньки,
Баба собѣ посущила,
Дѣдови сыреньки.

Як идете на пѣпеньки,
Кличте нашу Сеньку,
Наша Сенька не слѣпенька
Видить де пѣпенька.



КАНТАТА

на честь вѣсокодостойного пана президента МАСАРИКА при-
готовлена з нагоды Эго приѣзду до Ясѣня, дѣтьми дер. гор.
школы в Ясѣню.

Andante.

S. I.
S. II.
A.

f Сла-ва. Сла-ва. Сла-ва. Сла-ва. *mf* Сла-ва, Пре-зи-

ден-ту, Ма- са-ри - ко- ви. Сла-ва, за- щит-ни-ку во-лѣ й прав- ды.

p

Сла-ва, О- сво-бо-ди- те-лю на-шо- му. Сла-ва Йо- му. Сла-ва Йо-

pp *p* *pf*

му, Сла-ва Йо-
f му. Сла-ва Ма- са-ри-ку, Сла-
ff ва Йо-му.
p

Solo

Сла-ва Йо- му. Сла-ва по- кро-ви-те- лю о свѣ-
p *f*

tutti

ти. Сла-ва Йо- му, Сла-ва Йо- му, Сла-ва Йо- му, Сла-
f

ва, Йо- му, Сла- ва Йо - му.
p *pp* *ppp*

ЗЛАДИВ ИВАН УСТИЯНОВИЧ
учитель дер. гор. школы в Ясѣню.

Е. ДЕ АМІЧІС.

Першій день у школѣ.

Сегодня першій день у школѣ. Минули як бы сон тѣ три мѣсяцѣ лѣтнього одпочинка на селѣ. Сегодня рано мамка одвела мене в городску школу и записала у третю класу. Я все ще думав про село та ишов туды неохотно. Всюды улицями ишли школярѣ, а в двох книгарнях повно было людей, отцѣв и матерей школярѣв и куповали зшитки и книжки. Перед школою набралось такого народа, что сторож с полиціантом насилу вдержовали людей, обы не заступали двери. Пиля дверей я почув, что ктось торкнув мене в плече. То быв мѣй учитель из минувшого року, завсѣгды веселый, завсѣгды из побуреным волосем. Он казав менѣ:

Так мы розсталися с тобою, Енрико, на вѣки? Сесе я и сам знав, а од его слѣв менѣ стало иде сушнѣйше.

С трудом перебилися мы у школу. Панѣѣ, паны, жоны работников, офицеры, стари бабусѣ, наймички — кождый одною рукою держав за руку своего хлопця, а в другѣй руцѣ держав посвѣдчєня про тоє, что хлопця записано у высшу класу. Людей повно было и в свѣтлицѣ и на сходах, всюды гомонѣло гей в улію. Менѣ приємно было стояти у сѣй великѣй свѣтлицѣ нижнього поверха, — три роки я проходив тут мало не кождого дня. Учительки ходили туды и сюды серед глоты. Моя учителька ще из першоѣ класы кивнула менѣ головою, стоячи на порозѣ у своѣй класѣ и сказала:

— Енрико, сего року ты будеш на другѣм поверсѣ. Не увиджу тебе хотьбы тогды, коли будеш проходити — тай подивилася на мене сумно.

Директора обступили жоны, дуже засмучени, что не было вже мѣста их сынам. Менѣ здавалось, что у директора борода стала сивѣйшою, як была минувшого года. А хлопцѣ — товариши повыростали и потовстѣли.

На кождѣм поверсѣ вже подѣлили дѣтей, кого куды належало. Там были таки хлопятка з первоѣ класы, что не хотѣли входить в класу и опинялися як ослята; треба было тянути их силою. Инши, коли видѣли, что их нянь ало мамка идуть домѣв, починали плакати. Родичи их мусѣли вертатися, чтобы их потѣшити або забрати из собою домѣв; учительки аж за голову бралися, не могучи дати собѣ рады с такими дѣтьми.

У десять годин мы всѣ были вже в класѣ; пятьдесят и чотыри, а з них тѣлько пятнацятєро або шѣстьнацятєро из давнѣйших моих

товаришѣвъ; серед них и Дероси, котрый всегда бере першу нагороду.

Якою тѣсною та сумною здалася менѣ школа, як я згадав про лѣсы та горы, серед котрых прожив я лѣто! Ще згадав я про свого торѣшнього учителя из другоѣ класы: он такий добрый був и все смѣявся с нами, и такий маленькій був, что здавався нашим товаришем. И менѣ жаль было, что я вже его не буду видѣти. Наш новый учитель без борода, с довгим сивым волосем. На чолѣ у него одна велика зморщка; голос мав товстый. На всѣх нас дивиться пильно, гей у душу зазирає. Он нѣколи не смѣся.

Я подумав: — Се першій день. А ще девять мѣсяцѣвъ! Скѣлько ще треба учитися, працювати, здавати исныты! И так менѣ хотѣлося, чтобы у ворот при выходѣ зо школы чекала на мене моя мамка. . . — Она там по правдѣ и была. Выйшовши, я по правдѣ ю там стрѣтив и кинувся еѣ руку цѣловати. Она сказала менѣ:

— Не бойся, Енрико! Будеме учитися у двоух. И я вернувся домѣвъ веселый. Але нема вже мого учителя и через тоє школа не здаєся менѣ красною як попереду.

Из читанки: Рідна школа.

Читанка третя.



НИКОЛА УСТЯНОВИЧ:

Осѣнь в горах.

Сумно шумѣли боры. Гей лихим товкася западовець*) по тѣсных дебрах та дикиг изворах. До полонины ухопився грубый туман. И сям и там по верхах залях уже снѣг на стале зимованѣ. Небо приодѣлося оловом, лѣсы почорнѣли, а також зелена ялиця потемнѣла, затужила. З борѣвъ коптѣли густы, студени дымы, гей бы пѣвъ свѣта горѣло. Окружали клубами изворы, то ставали над темными вертепами, то подносилися пѣд небо в густы хмары и шумѣли далѣ свѣтами. Всюды не так, як было лѣтом. Нѣ сопѣлка не затужила на веселѣм вершку, нѣ трембита не зазвинѣла з высоких полонин нѣ пташина не защebetала в лѣсочку, нѣ дѣвчина не заспѣвала в загородѣ. Всюды глухо и сумно як в сердцю чоловѣка, что до гробу хиляється. Все вѣщовало, что надойшов уже до Верховины покvapный гѣсть: довга, студена и безрадостна осѣнь.



*) западовець = западный вѣтер.

БОЖЕНА НЕМЦОВА:

Як бабонька старала ся про звѣрят.

Як лиш рано заскрипѣли двери и бабонька з'явилася на порозѣ. в тѣй хвилѣ загеготали гуси, в хлѣвѣ зарохкали свинѣ, корова зарычала, куры затрепотали крылами, кошки (мачки) зѣдкись прибіѣжки и ласкаво пригладжовалися коло еѣ ноги. Пси выскочили из буд а простягнувшиися одним скоком были вже у бабоньки. Если бы ся не была охоронила, были бы ю певно подрапали а кошарик из зерном для дробу из рук вырвали.



Всѣ тѣ звѣрятка дуже любили бабоньку а она их. Боже сохрани, абы была дозналася, як кто без ни даремно знущався, хоть бы то був и червачок. „Что для чоловѣка на шкоду, або на пожиток, а муситься тото забити, то Бог най одпустить-заб'єся, але мучити не свободно“.

Але одного раз розгнѣвалася она дуже на оба пси, Султана и Тырла. А было про что гнѣватися. Ото підкопалися до хлѣвця и рознесли за одну нѣч десять малых качат, тых малых жовтых. Бабоньцѣ аж задервѣли руки, коли отворила рано хлѣвець а гуска с трьома

оставшими качатами вийшла на двѣр, геготаючи хриплым голосом, як бы нарѣкала за забытыми качатами, котри высидѣла замѣсть их непосидючоѣ матери-качки.

Бабонька мала на первѣй думцѣ шкодника — куну, але пересвѣдчилася послѣ стопы, что то зробили пси. Бабонька аж очам не хотѣла дати вѣры, что то могли учинити тѣ вѣрнѣ пси. А еще прийшли и ласкалися як бы нич не зайшло, а то бабоньку дуже розгнѣвило.

„Геть од мене, вы голото! Что вам учинили качатка? Маєте може голод? Нѣт: лиш из свавольности вы так зробили. Проч од мене, анѣ вас видѣти не хочу“. Пси взяли хвосты пѣд себе и пѣшли до своих буд. Бабонька жаловалася о тѣм газдѣ, в той, абы учинити послѣ права и справедливости, взяв бука и пѣшов дати за се псам добру памятку. Бабонька ам заткала собѣ уха, коли почула из вонка крик, але подумала собѣ: „Что ся належить, то мусить быти, най собѣ попамятають!“

Минула одна година а потом двѣ а пси не вылазили из буд. Бабонька пѣшла подивитися, чи часом за богато им не досталося. Подивилася до буд а пси скавулячи дивилися на ню жалостно и поволи высувалися на животах идѣ ногам.

„Теперь вже жалуете, видите? Так все бывае псотникам. Памятайте собѣ то! — Пси того собѣ пимятали. Коли небудь гусята або качата бѣгали по двору, звертали свои очи радше в другу сторону, або одходили и так знов привыкли до привычок, якѣ любилися бабоньцѣ.

А чому-же тѣ всѣ звѣрята мали бабоньку так радо? Раз длятого, что бабонька не скривдила нѣ одного звѣрятка, всегда на них памятала. Як коли кусочок хлѣба лежав где небудь, або дѣти не доѣли шкорки, то бабонька все ховала. Потѣм сыпала то все за оболоч потятам, котрѣ там злѣталися и кормылися тым. Як коли ишла понад воду, метала окрушки рыбкам.

В зимѣ сыпала дробинки або зерно на дощинку прибиту до колика а хоронену од хижих птицѣ малым дахом. Як то злетѣлося сейчас птацтво, як почало мило цвѣркати! — аж бабонька мусѣла хвилину задержатися и послухати.

Тота хвилинка была наймилѣйшою для неѣ из цѣлого дня. Анѣ найгѣрши бурѣ нѣ морозы не завернули ю од тоѣ дороги. Говорила собѣ: Та я бы спати не могла, колибы тѣ бѣднята мали терпѣти голод.“ Тых добрых дѣл учила бабонька також и дѣтей.



ЛИСИЦА МѢРЯЛЬНИКОМ.

(Из „Лиса Микиты“ Ивана Франка — пѣсня I.



Надойшла весна прекрасна
 Многоцвѣтна, тепла, ясна,
 Як дѣвчина у вѣнку;
 Ожили луги, добровы,
 Повно гамору, розмовы
 И пѣсень у чагарнику.

Лев, что царь є над звѣрями,
 Пише листы с печатками,
 Розсылає на свѣт весь:
 „Час настав звѣрного збору
 Скоро до царского двору
 Звѣрина вся най зойдєсь“.

Ось идуть они товпами,
 Гей на одпуст с заставками —
 Олень медвѣдь, рыба и рак;
 Лиш один гей и не чує
 В своѣм замку там ночує;
 Лис Микита, гайдамак.

Ой не даром он ховаєсь!
 Знать сумлѣня обзываєсь;
 „Кривдив ты звѣрячий люд!“
 Тымчасом в своѣй столицѣ
 Царь засѣв поруч царицѣ,
 Чтоб творити звѣрям суд.

Першій озвався Вовк Несытый.
„Царю, — каже, — вже и жити
Лис не дасть нам сей злодѣй
Дѣтей моих бѣ, кусає,
А вовчицю обмовляє
Сяк, что повѣдать годѣ!“

„Ай мене — хиб-ж то чесно?
Як ѓн хитро и облестно
Мало в грѣб мене не вгнав!
Се было ще того разу,
Як я з царского приказу
Сельским судією став.“

„От до мене вбѣг Микита!“
„Вовче, справа знаменита!“
Чотыри бараны є тут.
Им лишилася по батьку
Гарна частка поля в спадку,
И на твої здаються суд.“

„Видиш, почали свариться,
Анѣ руш им подѣлиться —
Мѣрляника в них нема.
Я веду их в свою нетру:
Будь ты за геометру, —
Праця буде не дарма.“

„Втѣшивсь я — нема что казати.
Бачте, Баранѣв мирити
Дуже я люблю над все:
Як зроблю им справу в поли.
То вам жаден з них нѣколи
Вже рекурсу не внесе.“

„От я скоро збираюся,
С Баранами витаюся —
Хлопцѣ повни, як стручки!
„Но бо, хлопцѣ, поспѣшѣме,
На той спорный грунт ходѣме!
Маєте пальки, дручки?“

„Все тут, — кажуть, — все готове!“
Выйшли в поле Баранове,
Стали мѣрять — нѣт не йде!
Тут за много, там за мало,
Вшир не хочуть, вдовж не стало,
Бо тут лѣпше, там худе.“

„Далѣ каже Лис Микита:“
„Тут одна лиш стежка бита
Вас до правды доведе.
Вовче, стань по серединѣ,
А з них кождый в сѣй хвилинѣ
На кут нивы най иде.“

„Станьте и стоїте там спокійно,
Кождый увежай подвойно!
Як я крикну: раз, два, три, —
То з вас кождый без уговку
Як найскорше к пану Вовку
Что лиш силы просто дри!“

„Кто найскорше дочвалає
Вовка з мѣсця геть зопхає,
Мати — буде бѣльшу часть,
Зрозумѣли?“ — „Зрозумѣли!“
„Ну, ставайтеж, и я цѣли
Най ваш Бог добѣгти дасть!“

„В серединѣ став я радый,
Не домѣрковався зрады,
А Микита на межи
Аж у собѣ радость тисне —
Як не гаркне, як не свисне:
„Раз—два—три! А враз бѣжи!“

„Ледво крикнув Лис Микита, —
Гей, як рушили з копита
Бараны у той сам час!
А як збилися до купы,
То вам як бы чотыри ступы
В мене гопнули нараз.“



„Чотыри Бараны од разу
Мои кости на логазу,
Здається ми потовкли;
Я лиш зѣпнув, закрутився,
Тай на землю покотився,
Очи кровю заплыли.

„Та прокляти Бараниска
Не вважають, что смерть близька,
Что зомлѣлый я лежу:
Сей рогами з ђдси пхає,
Той в противный бок штовхає
Чтоб посунути межу.

Довго ще так правовались,
Что хвилины розбѣгались,
Тай рогами в мене бух!
А Микита той собака,
Реготався, аж лазив рака,
Что так з мене перш дух.

„И булиб за нюх табаки
Там на вѣчну ганьбу таки
Вовка вбили Бараны,
Та дав Бог, моя Вовчиця
Там надбѣгла подивиться, —
Аж тогды втекли они.“

Хоть як жалобно сю повѣсть,
Гей сумную дуже новость
Вовк цареви голосив,
То цариця хихоталась,
Тай царь, чтоб не знявся галас,
Ледвы в собѣ смѣх дусив.



Крук велика птица.

Скоро.

На музыку уложил училель Стефан ЧАЙКОВСКІЙ.



Жив, жив, жив, жив со - бѣ ко - лись на свѣ - тѣ



крук, ве - ли - ка пти - ца, звык, звык, звык,




звык со - бѣ он ти - хо жи - ти тым та сим жи - вить - ся.


Слова подани в 2. числѣ „Вѣночка“ за минувшій школьный рок.

Могила под Бардіовом.

До походу. Уложил на музыку уч. Стефанъ ЧАЙКОВСКІЙ.



З над си - нью - го До - - - ну ко - зак вы - ѣ -



зжа - е Свой ро - ди - мый край ко - за - цкій



дум - ко - ю пра - ща - е. э.

Слова подани были в 2. числѣ „Вѣночка“ за минувшій рок.

Переписка „ВѢночка“ из читателями.

Загадки из 5. числа ВѢночка одганули цѣлком добре Бачинска Катерина ученица III. кл. в Черногоровах. Выйшли они так: 1) яйце, 2) оборѣг, 3) слимак, 4) рѣк, мѣсяць и тѣждень, 5) дым, 6) мак.

Зато одержала она красну книжочку с образками: Котик и пѣвник.

Одгадки надослали многи читателѣ, но звычайно не одганули одноѣ. „ВѢночок“ надѣся, что помѣдени в сѣм числѣ загадки одгануть всѣ добре.

Читателям из Перечина: ВѢночок дякуе красно Яромирови Яцкови и Ганѣ Богдан за их стишки. ВѢночок постарася, обы они чим скорше были напечатани.

Також дякуе „ВѢночок“ Ганѣ Довбей, Маріѣ Керецман и Анастасіѣ Умур за присланѣ красни загадки. Их помѣститъ ся в найближшѣм числѣ, ци други читателѣ их одгануть.



Вѣсти из жита дѣтей.

Ученики и ученицѣ руськоѣ горожаньскоѣ школы в Ясѣню закончили свѣй школьный рѣк дуже торжественно. Они одиграли п екрасну штуку зо спѣвами „Коза-дереза“. Выступали в тѣй грѣ Коза-дереза, Лисичка-сестричка, Зайчик-лапатчик, Вовчик-братчик, Мелѣдь-товстолап и Рак-неборак.

Рѣч дѣялася у лѣсѣ коло лисиччиноѣ ямы.

За тымишла друга гра „Сила молитвы“. Дѣти представляли як молитва дѣточек купця, котрого напали опришки, збавила го од смерти. Ватажок опришкѣв почув молитву дѣтей купця, что вышли были за город молитися до образа Преч. Дѣвы Маріи, и сердце ему змякло, так, что не рушав купця а пустив его живого во всѣм маетком.

Доходятъ вѣсти до „ВѢночка“, что многи школьны дѣти приготавливаются до гри „Святой отецъ Николай на Подкарпатской Руси.



Загадки:

1) Ни рак, ни рыба; ни звѣрь, ни птиця; голос тонкій а нѣс довгий; кто его убо, тот свою кров пролле.

2) Мене часто просять и чекають. а як тѣльки покажуся, то всѣ од мене утѣкають.

3) Поля склянни, а межи деревляни

4) Хата, не хата, окон богато ; в куда влѣзти, та нѣкуды вылѣзти.

5) Мету, мету, — не вымету ; несу, несу, не вынесу ; пора прийде, — само выйде.

Кто до 15. децембра пришле всѣ добри одгадки, тот достане нагороду даскѣлько зшиткѣв до писаня.



Содержаня:

Президент Томаш Г. Масарик в Ужгородѣ	стор.	1— 4
М. Пѣдгорянка: Минуло лѣто	стор.	4
Грибы	стор.	4
Ив. Устѣянович: Кантата в честь през. Масарика	стор.	5— 6
Е. Дѣ Амѣіс: Першій день у школѣ	стор.	7— 8
Никола Устѣянович: Осѣнь в горах	стор.	8
Божена Немцова: Як бабонька старалася про звѣрят	стор.	9—10
Иван Франко: Лесиця мѣряльником	стор.	11—13
Стефан Чайковскій: Музыка до 1) Крук велика птиця,		
2) Могила под Бардіовом	стор.	14
Переписка Вѣночка из читателями	стор.	15
Загадки	стор.	15—16
Содержаня	стор.	16



ВѢНОЧОК

ДЛЯ ПОДКАРПАТСКИХ ДѢТЮЧОК.

Выходить 15. каждого мѣсяця окрѣм юлія и августа.

Редактор: Др. ИВ. ПАНЬКЕВИЧ. Преплата Кч 12.— на рѣк. Поодинокѣ число Кч 1.20.


Выдае Школьный отдѣл цивильноѣ управы Подкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. октября (жовтня) 1921.

Число 2.



Иванникій Базилевич первый дѣписецъ Подкарпатскоѣ Руси.

Иванникій Базилович первый дѣеписецъ Подкарпатскоѣ Руси.

Маленька наша краина Пѣдкарпатска Русь має много славныхъ мужѡв, котрыми може передъ свѣтомъ хвалитися. Тотѣ славни наши люде здобули собѣ сю славу великою працею надъ своимъ просвѣщенемъ, бо просвѣтивши себе, могли просвѣщати и дальши поколѣня. Такихъ просвѣщенныхъ людей жило у насъ наибѡльше в XVIII. столѣтїю т. є. бѡльше якъ столѣтъ тому назадъ. Коли завели тутъ церковну унїю, епископы наши, а то головно Ольшавскїй, Брадач и Бачинскїй, поклали велику вагу на то, обы священники руськи были высоко просвѣщенни. В тѡй цѣли высылали они молодыхъ студентѡв на науку до великихъ городѡв а головно до Тирновы, Кошиць, а навѣтъ до Вѣднѣ. Вертали из ѡдтамъ вже людьми учеными, яки приносили славу Пѣдкарпатскимъ Русинамъ не лишъ в краю, але и по за его границями. Многи стали професорами у высокихъ школахъ у Львовѣ а навѣтъ в Петроградѣ.

До такихъ славныхъ мужѡв належавъ такожъ и Иванникїй Базилович, протоигуменъ мукачевского монастыря. Уродувся ѡнъ року 1742 в селѣ Хлѣвищахъ ужгородскоѣ жупы изъ убогоѣ родины. До школы ходивъ пильно. По сельскоѣ науцѣ пѡшовъ в Ужгород, а по сконченїю школъ пѡѣхавъ еще на дальшу науку до Кошиць. Тамъ одержавъ високу освѣту, котра помогла ему у дальшѡй его працѣ для славы Пѣдкарпатскихъ Русинѡв. Повернувши изъ Кошиць, вступивъ Базиловичъ року 1782 до монастыря в Мукачевѣ и прожївавъ тамъ ажъ до смерти т. є. до 18. октобра 1821 року.

В монастырѣ переводивъ Базиловичъ часъ не лишъ на молитвѣ, але посвятивъ всѣ свои труды науцѣ. інъ поставивъ собѣ за задачу списати у книгу исторїю мукачевского монастыря, а с тымъ и исторїю руського народа пѡдъ Карпатами. И дѣйстно достигъ Базиловичъ великого успѣха. Ему удалось зобрати множество старыхъ грамотъ и на ихъ основѣ списати велику исторїю мукачевского монастыря, котрый заложивъ в р. 1360 руськїй князь Теодоръ Корятовичъ. Списавъ ѡнъ сесе дѣло на латинскѡй бесѣдѣ, якъ то было звычайемъ у тодѣшнѡмъ часѣ и выдалъ у шѣстьохъ великихъ книгахъ в Кошицяхъ. Перши три книги вышли в роцѣ 1799, четверта в р. 1804, а пята и шеста в р. 1805.

Сеся книга остала ажъ до найновѣйшихъ часѡвъ одинокою учительскою руськоѣ исторїѣ. В нѣйъ вспоминає Базиловичъ о тыхъ Русинахъ, котри еще до приходу Корятовича жили в Карпатахъ и колись зайшли сюды изъ Галичины и Киевскоѣ Руси. Коли Татары опустошили в XIII. вѣцѣ нашу землю.

прийшли сюды Русины у великом числѣ под проводом князя Корятовича из Подоля и ошѣли под горами около Мукачева аж по Маковицю. Князь Корятович построив сейчас на горѣ пиля Мукачева монастырь, котрый мав служити як огнище просвѣщеня и культуры для Подкарпатских Русинѣв. Из него и выйшов Иванникій Базилович.

Тогдашній свѣт умѣв оцѣнинити працю Базиловича. Братчики выбрали его игуменом монастыря, а потѣм став ѣн протоигуменом чина св. Василя на цѣлу Подкарпатску Русь.

Окрем великоѣ исторіѣ мукачевского монастыря писав ѣн еще много религійных книг, котри по большѣй части остали ненапечатани.

Як высоко держали Базиловича сучасни ѣму люде, видиме нынѣ из образов, яки представляют его як чоловѣка ученого окруженного книгами. Також представляют его и лежачого на смерти серед книг, из котрыми не розлучався по конецъ своего жита.

В день 18. октября сего року минуло 100 лѣт од его смерти. Вспоминаючи на сей день, мы гордимся на нашу давню славу. Но с тым маеме измагатися, обы мы достыгли нашою працею такоѣ самоѣ славы, як наши предки тому 100 рокѣв назад.



В. МАСЛЯК.

Н А У К А.

Учися, дитино, бо вчитися треба,
Учися, голубко, най розум не спить
Нам сердце и воля и дух росте в силу,
Для жита, для свѣта треба ся учить.

Учися дитинко, бо свѣт сей не батько,
Широкій, розлогій мов поле в степу.
Знайти в нѣм дорогу—той лише зможе,
Кто много а много учився в житю.

Учися, голубко, Бог буде з тобою,
Ушанують люде, полюбить тя свѣт,
Чого научишся—вода не забере,
Не озме розбойник, огонь не спалить.



Про хлопця, что сидѣв сѣм лѣт у колодязи.

У одного чоловѣка были три сыны. Одного разу лягли они собѣ спати, а коли рано встали, яв отецъ звѣдати найстаршого: Что тобѣ, сыну, снилося?

Каже найстаршій: Менѣ снилося, что пѣд нашою хижою выросло дерево и были бы из него гуслѣ.

— Може быти! — каже отецъ.



Звѣдуе тогды другого середучого: А что тобѣ, сыну, снилося?

Каже середучій: Менѣ снилося, что в нашѣй загородѣ выросли два дерева, та были бы на яку потребу.

— И се може быти! — одповѣв отецъ.

Звѣдуе на конецъ наймолодшого: Теперь кажи ты сыну, что тобѣ снилося?

А тот не хоче казати. А ему было сѣм годѣв. Имив отецъ, бѣ. На тот час надѣхав царь красным возом. Царь приказав слугѣ зазвѣдати у чоловѣка, за что бѣ хлопчища.

Чоловѣкъ каже: Не хоче сказати, что ему снилося.

Тогды царь возьме хлопчину на вѣз и повезе до себе. Дав ему окрему хижу и послав до школы. Хлопец рѣс и учився. А у того царя была донька и они дуже полюбилися с тым хлопцем. Коли хлопцеву было сѣмнацять годѣвъ, царь го зазвѣдав: А теперь скажи менѣ, что тогды снилося тобѣ, як еще быв ты у нянька.

Легинь одповѣв: Я вам не скажу.

— Як менѣ не скажеш, то тебе дам загубити — сказав царь.

А легинь таки не сказав.

Повелѣв тогды царь копати великій колодязь. Як выкопали колодязь, казав его муровати. Мурники колодязь мурують и царѣвна подойшла до них и почала казати: Муруйте менѣ попѣд землю из того колодязя до моеѣ хижи, абы царь не знав нѣчого. Дам вам за те, что хочете.

Мурники послушали. Як было вже все готове, прикликав царь хлопця и казав его спустити у той колодязь. Та дав ему до того свѣчку, столик и столецъ, цугарь вина тай колач. Хлопец сидѣв там, поки всего не зѣв. Потѣм пѣшов попѣд землю до дочки царя, взяв собѣ ѣдѣня и вернув опять у колодязь. Так тяглося тото довгий час.

А в седмиградскѣм краю жив тогды Поган-царь, а мав дванацять голѣвъ. Одного разу прислав ѣн до сього царя три ровни качѣлки, однаки на обох концях, обы царь угадав, котрый конецъ грубшій. Як не вгадае, то Поган-царь згубити его всю землю.

Попозирав царь на качѣлки тай дуже запудився, бо не годен угадати. Прийшла до негѣ донька тай звѣдуе, чого такій сумный. Царь оповѣв. Прийшла царѣвна до легиня тай оповѣдае, что царь дуже сумный. А легинь каже: Иди повѣж отцеву, най вкине качѣлки у воду, что стоить тихо, а най уважае, котрый конецъ зачне потапати. Котрый конецъ буде падати у долину, тото буде товщій конецъ.

Зробив царь, як донька порадила. Угадав царь и загнав качѣлки Поган-царю.

Посылае тогды Поган-царь три однакови лошаки и каже угадати кѣлько котрому лѣт.

Царь знов посумнѣв. Тогды пѣшла царска дочка до колодязя и оповѣдае легиневи. А легинь каже: Скажи всыпати до одного жолоба половы, до другого пшеницѣ, до третьего овса. Котрый лошак побѣжить до половы, тому буде рѣк; котрый до пшеницѣ, тому буде два; котрый до овса, тому буде три роки. Най тогды царь назначить их и одониле до Поган-царя.

Зробив усе царь, як радив легинь. Тогды Поган-царь верг до того царя одну оловяну кулю, что мала ваги трицять сотнарѡв и выслав таке письмо : Коли тоту кулю не вержеш менѣ, то тогды тебе загублю.

Напудився дуже царь. Журиться велико. Приходить до него донька и звѣдує : Чого вы няньку такій сумный ?

— Як не маю быти сумный ? Загнав Поган-царь кулю и завтра до полудня мушу єѣ веречи опять. Инак мене загубить.

Пѡшла од него донька дуже сумна. Зайшла до колодязя и оповѣдає легиневу, что зайшло.

Тогды ѡн каже : Иди и скажи своему отцю, что тот, котрый сѣм годѡв теперь у колодязи запертый, годен веречи оловяну кулю Поган-цареву. Але най справить цареву сильне ведро и читавый ланц, коли єго хоче вытягти из колодязя, та най отець упряже тотѣ конѣ, что не везли нигда никого, та такій най жене их вѡзник, что ще нигда конѣ не гнав.

Пошла царѡвна до няня и каже : Няню ! Менѣ снилося, что як бы вы вытягли з колодязя того хлопця, котрого вкинули перед сѣмома роками та як бы єго привѣз вѡзник, что не повозив еще николи и такими кѡньми, что николи не ѣхали, то он бы мѡг веречи тоту кулю Поган-цареву.

А царь єѣ каже : Того хлопчища у колодязи не є, бо уже давно тот погнив.

А царь не знав, что хлопець каждого дня ходив попѡд землю до хижи єго доньки. Царь послухав свою доньку, бо видѣв, что переже радила єму добрѣ. Думає собѣ : Мои конѣ не возили никого, а поганяти мушу я !

Пѡшли мурники одкрывати колодязь. А легинь пѡшов попѡд землю до хижи царѡвны, взяв один колач, пугарь вина, столик, столець та свѣчку тай сѣв собѣ так, як сидѣв сѣм лѣт тому, коли царь вкинув єго туды. Одкрыли колодязь, заглядає царь, легинь сидить. Здивувався царь. Такого дива и чуда ще не видѣв. Спустили ведро, вытягли єго, посадили на вѡз а царь яв сам поганяти конѣ. Приѣхали до палаты. Царь у страху, бо вже находить дванацята година, а не знати, ци парубок верже кулю на час.

Насходилося богато людей, зобралося усе войско, будуть приглядатися, як легинь буде метати ту кулю. Схопив легинь кулю и верг нею, а куля лиш загучала и полетѣла.

А Поган-царь засѣв саме тогды за стѡл обѣдати. Надлетѣла куля, вдарила в дѡм, пробила побѡй и упала на стѡл.

Побачив Поган-царь, что у сего царя мусить быти якійсь витязь. Написав до него письмо, обы тот витязь прийшов ид нему на войну.

Зобрався легинь, прибрав собѣ ще двоих товаришѣв и пѣшли ид тому поганинови. Своим товаришам наказав: Я прииду ид цареви, та буду подавати ему руку; та обысте и вы подавали, та не буде знати, котрый витязь. Дале буду подавати пугарь вина, обысте и вы брали.

Прийшли до царя, подае он руку, подають и они всѣ нараз. Наливае им пугар вина, берутъ его всѣ три нараз. Не може пѣзнати, котрый витязь.

Каже мати Поган-царя: Запри их на нѣч до пивницѣ; котрый рано прииде без шапки, тот буде витязь. — А мати его была вѣдьма (босурканя). Она перекинулася в ночи на якусь бѣду, протислася незаметно до коморы и взяла витязеву клѣбаню. Тѣ стають рано — клѣбанѣ не е. Они пѣдпалили папѣр та спалили и тѣ обѣ шапки, что лишилися. Приходить Поган-царь, не годен пѣзнати витязя. Розлютився и казав им точити саблѣ, бо будутъ битися. Мусять усѣ три згинуты, коли не хотять дати себе пѣзнати. Каже витязь: От лѣпше попозирай еще на сесь свѣт, бо не знаєм, як буде.

Яв Поган-царь позирати по свѣтѣ, а витязь выйме саблю, махне и оботне дванацугу голову, а за тою усѣ пѣодтинав. Коли клав свою саблю попила себе, утяв собѣ мало перста. Так вернув домѣв. Увидѣв се той царь, что выймив его з колодязя, здоймив свою ширинку з шиѣ и завив ему перст. Стягнув свѣй перстень и заложив ему на палець правоѣ руки. Потом яв дяковати, что побѣдив его ворога та вырятовав его од бѣды.

Пресвѣтлый царю! — каже витязь. Памятаете, як мене бив отець за то, что я не хотѣв ему сказати, что менѣ снилося, коли вы мене взяли до себе и вкинули до колодязя за те саме? Менѣ снилося тогды, что вы вложите свѣй перстень на мѣй палець та что здоймите з шиѣ ширинку и завяжете менѣ перст. Сего не хотѣв я сказати, бо боявся, что мене стратите.

Выслухав царь сих слѣв, притис его до грудей, повѣнчав зо своею донькою та записав на него все свое царство.



М. ПОДГОРЯНКА.

З И М О Ю.

Вѣтер свище в поли
Завѣяна дорога,
А я сиджу у школѣ
Мов за дверми у Бога.
В школѣ чисто, тепленько
Беру книжку у руки,

И падутъ у серденько
Слова тепли науки,
И здається — весна близше,
Як так сиджу и читаю.
Най собѣ вѣтер свище,
Я прото не дбаю.



Як жиє карпатскій бук.

Довго походив старый бук, зяки мѡг найти собѣ таке добре мѣсто для себе, як наши бескѣдски Карпаты. А было то дуже давно, в часѣ, коли еще людска нога не заходила в тѣ стороны, а панамы тых сторон были лиш дерева, дики звѣрѣ та птицѣ.

Подобалася сеся краинка найбільше букови. Сонце огорѣвало его листья из всѣх бокѡв, високи верхи Бескѣда хоронили его од пѡвнѡчных вѣтрѡв, а многодайный дождь розпускав поволи тверду землю, обы корѣня могли найти собѣ поживу у нутрѣ землѣ.

С часом так полюбилися букови стоки наших Карпат, что почав дале выганяти из лѣсѡв царя дуба тай бѣлу березу, а смерѣчка и не пробовала вести с ним борбу, сама перенеслася на другій бѡк Карпат, де и доси живе спокѡйно.

Запановав бук майже по всѣх верхах, збочах и изворах. Розпустив свои голузя широко, даючи тѣнь земли и всѣм хижим звѣрям, яки тут крылися. Наибольшу користь из того мали дики свинѣ, бо достарчав им поживы на цѣлый рѡк своим смаковытым насѣнем.

Так минѡли роки а потѡм и вѣки. Бук рѡс, старѣвся, а знеможенный и знищений черваками падав на землю, гнив и своим тѣлом давав поживу молодым букам, котри чекали на свое мѣсто в тѣни розлогого старого бука.

По многих а многих лѣтах зайшов сюды чоловѣк. Запудженный без межною гуцавою кликав собѣ до помочи своих товаришѡв, обы помogli перейти цѣле море лѣсѡв та достатися в концѣ на доли, де мѡг быти спокѡйнѣйший од всякого хижого звѣря. Ишов вперед здовж рѣчки, а коли сеся завела его межи високи скалы, брав чоловѣк сокиру и огонь и проломлював собѣ дорогу. Тогда первый раз почув ста-

рый бук ту страшну силу, яку має чоловік в руках. Но еще не потребав его бояться дуже, бо много всѣлякого дерева лежало на земли. Мог прото чоловік ужити его на топленья а на малу потребу коло его земляноѣ хижи.

По якѡмсь часѣ, подумав собѣ чоловік: Чому маю я жити в земляноѣ норѣ, коли Бог дав так много лѣса и всякоѣ деревини. Поставлю собѣ хижу из дерева, справлю собѣ хлѣв та инши будинки. Взяв про то сокиру и почав рубати лѣс. Бук за буком почав класти их на землю. В лѣсѣ запановав страх, бо и найсильнѣйши дерева не могли перед острою сокирою оборонитися. На першу чергу ишли тотѣ, котри росли близше долин, де чоловік поселився, або де повстали перши села. Од того часу вже не было спокою в лѣсах.

Но вже таки бѡлшость букѡв, котри росли выше, в менше приступных мѣстах або подальше од сѣл, жили собѣ и на дѣле спокѡйно и умирали власною смертею т. е. од старости.

По довгих лѣтах намножилося людей богато. По долах повстали тысячи сѣл а потом города. Людям не стало на будову тых лѣсѡв, что росли близько. Они почали шукати за ним дальше. Купцѣ завели их аж у Карпаты. Око купця увидѣло тут велике богатство для себе. Навели работников и ремесельников, та давай стинати одного по другим.

Простѣйши рѣзали на довги колоды, а кривѣ тяли на мали куски и пускали водою до бѡльших рѣк. Довги колоды повяжуть ведно у так звани бокарѣ и женуть их водою долѣ, де ждуть на них пилы. Тут перерѣзують их на дошки або геренды и продають у ремесельни заводы. Там правлять из них всяку мебель, т. е. постѣль, кресла, скринѣ або рѣчи на инши potrzeby.

Одни из тых рѣчей купив недалекий житель, близкий сусѣд букового лѣса. Другу найшли в комнатах городских жителей, а трети повезли знов дальше желѣзницами и чужи краѣ. Декотри опинилися аж в Африцѣ серед великоѣ спеки, од котроѣ его прадѣды утѣкали на карпатски горы.

Од коли почали правити машины, закладати фабрики, од тогды еще больше завзято кинулися купцѣ на букови лѣсы в наших Карпатах. Послали там сотки работников из сокирами, почали чистити цѣли верхи. Мудра голова чоловіка найшла способы, як бы го достати и в наибѡльше неприступном мѣсци. Заставили воду, поробили гати а потѡм пускали го с водою. Дальше почали вже правити желѣзну дорогу и локомотива могла заѣздити в найглубши угли старых лѣсѡв и вывозити из ѡдтам кождоденно сотки колод та сотки порѣзанных сяѡв,

Поставлени пи́лы почали еще с большо́ю силою рѣзати грубезни ко-
лоды, а купецъ брав их сейчас та высылав дальше у фабрики. По якѣ-
мось часѣ вернули тотѣ домки опять до краю але в змѣненѣм видѣ.
Из одних зроби́ли стѣны в желѣзничих возах, други ужи́ли на машины
а то молотилки, кросна, коловороты (куделѣ).

А вже в найновѣйших часах доказуе чоловѣк из ним прямо чудеса.
Не вывозить сотки вагонѣв порѣзаного дерева на топленья из краю, але пе-
ретворюе го у фабриках на хемични продукты. Там у горячих котлах
розпадае́ся дерево зовсѣм на темну масу, а потом на невидими
газы. Из тых газѣв чинять есѣляки продукты: а то головно деревянку
т. е. деревяный спирт, деревяни олѣѣ, а останки из вугляного дерева
перемѣнюють на деревяный уголь. Хемични продукты, а то: деревянку и
олѣѣ дають до других фабрик у чужих краях. Там додають их до есѣляких
выробѣв головно до фарб и пак розвозять их по свѣтѣ. Деревяный уголь
везуть до фабрик желѣза, бо там го потрібно при выробѣ доброѣ и
тврдоѣ сталѣ.



БОРИС ГРИНЧЕНКО.

ЖАБА ТА КОВАЛЬ.

Коваль коня куе
А жаба ногу и собѣ дае:
„Пѣдкуй, ковалю и мене!“
Той молотком як замахне, —
Одбив и ногу всю дурно́й
Що годѣ и в болото лѣзти ѣй.

Так и сконала. . . .

А здавна приказка казала,
И правда се и до сього ще дня,
Як ты не пирѣг то и не пирожися,
Давать кувати ноги бережися,
Коли немає хисту за коня;

А величатися начнеш
То и лиха наживеш.





ЛИС МИКИТА

Ивана Франка.

Пѣвень поносуеся на Лисицю перед царем.

Старый пѣвень перед веде,
За ним по два у ряд иде,
Носятъ мерця на плечах:
Ой там курка бѣдна лежить,
А за ними весь рѣд бѣжить
Плач и лемент, ох и ах!

Пѣвень перед троном царским
Крикнув тенором рицарским:
„Милосердя, царю мой“
Вся надѣя наша вбита,
А убийця — Лис Микита!
Най нас суд розсудить твоѣй.

Мы в монастырѣ святому
Проживали й зла никому
Не чинили. Та нераз
Видѣв я, что попѣд брамы*)
Лис мишкуе, все за нами
Своим хижим оком нас.

*) ворота.



Аж тут раз стук—стук до брамы:
В волосянци перед нами
Став Микита, як монах.
Повитав нас благодатю
Та из царскою печатю
Лист отвертый мав в руках.

„Ось вам, каже, лист безпеки!
Каже царь, чтоб' од теперки
Мѣж звѣрями був спокѣй;
Чтоб' братався вовк с овцями
И чтоб' я на вѣки с вами
Був як друг, як брат, як свѣй!

Бач, пустинником я стався,
И од мяса я одцурався,
Ѣм лиш зѣля и дикѣй мѣд.
Мир вам, дѣди! Жийте с Богом!“
И вклонившись за порогом
Он пошов собѣ у свѣт.

„Ну, — тут дѣтям я говорю —
 Воля, дѣти! Можно з двору
 Нам по стернях погулять!“
 Радость, втѣха, спѣв мѣж нами,
 Всѣ мы рушили за брамы —
 Та не всѣм пришлось вертать.

„Лиш мы вышли, — гульк з укритя
 Як не скочить Лис Микита,
 Тай хахап мою дочку!
 Я як крикну: кукуреко!
 Але он вже був далеко,
 Вже сховався у лѣску.

„Я кричу, мов у дзвоны дзвоню . . .
 Вѣрни пси за ним в погоню
 Кинулись — та, Боже мій!
 Принесли лиш труп бездушный!
 Так той злодѣй непослушный
 Зневажає наказ твой!“



М, ПОДГОРЯНКА:

До зими з тихенька казала земелька
 Земля-мати:
 Бѣлою ряною, вкрый зимо грудь мою —
 Жадаю спочинку, жадаю спокою,
 хочу спати.
 Ярѣ, лѣто и осѣнь было труду досить, невигоды.
 Грудь мою плугами, мотиками зрыто;
 Родила я щедро пшеницю и жито
 И всѣ плоды.
 Ярѣ прийде, птахъ верне, сонечко засвѣтитъ,
 мене збудить;
 Зась будуть плугами груди мои рыти,
 Зась буду родити, чтобы прокормити
 звѣря и люди.

Зарѣчево 9/X 1921.



Ой на горѣ дубина.

Allegretto


Народна пѣсня.



Ой на го - рѣ ду - би - на, чи - я луч - ка



ку - ми - на ей - я гой! Ей - я гой чи - я луч - ка



ку - ми - на.

Йти бы єѣ просити
Чей бы дала скосити.
Ея гой! ея гой!
Чей бы дала скосити.

Моя травка шовкова,
Я дѣвочка попова,
Ея гой и. т. д.

Коси куме кѣлько хоч
Лем ми травку не столоч
Ея гой и. т. д.

До работи плачучи
А до танцю скачучи
Ея гой и. т. д.



Приповѣдки про науку.

1. Учатися николи — не пѣздно.
2. Кто не учиться — не буде знати.
3. Честуй учителя як родителя.
4. Учися азбуки — прийде хлѣб у руки.
5. Учися за молоду — не зазнавш на старость голоду.
6. З ученым розуму наберешся.



Забава на зимовѣ вечерѣ.

Коли вечером засѣли дѣти докола стола, взяв нянько коробку сѣрникѣв*), засвѣтив свѣчку, понадпаловав кончики сѣрникѣв, а потѣм высыпав их всѣ на стѣл.

— Ну, тепер почнеме забаву! Зараз побачите, кѣлько то рѣжно-родных штучок можна выконати отсими дробными патичками. Тѣлько уважайте и будьте терпеливи!

Ось в мене у руках 9 патичкѣв, а я пѣднимаюся зложити з них три и пѣв тузина патичкѣв. Не вѣрите? Ось тут кладу три —а онде шѣсть, се естъ пѣв тузина патичкѣв, чи нема разом три и пѣв тузина?

— Ах, се не штука! — закричали дѣти.

— Не штука! Но то спробуйте вы меншоѣ из тых девять патичкѣв, зложѣть менѣ лиш три цѣли тузины. Ага, не вмѣете? А сеж така проста исторія. Ось гляньте!

И нянько зложив:

XXXVI

Читайте!

— 36!

— А що? нема як раз три тузины?

Дѣти мусѣли се признати.

А теперь дачто з геометріѣ. Ах, яки гарни фигуры можна складати и перекладати з патичкѣв — стало бы заняты на цѣлый вечер.— Та вы певно не знаете, что при помочи патичкѣв можеме ще и перемѣнювати бѣльши звѣрятка на менши и навпаки. От хоч бы з мыши зробиме рыбу, з рыбы миш и. т. д.

— Ах, няньку, як се може быти?

А нянько тымчасом попераломлював патички на половину и зложив на столѣ таке:

Р Ы Б А

— Что се?

— Рыба! — одчитали всѣ дѣти.

— А теперь уважайте!

И знова нянько розобрав патички и зложив их иначе:

М Ы Ш

— А теперь что зробив я з рыбы?

— Мыш! — прочитали у голос дѣти.

*) сѣрники, — шваблики

— Ось бачите, як малым коштом можна забавити ся цѣлый вечер. А теперъ спробуйте сами укладати з пaticкѣвъ узоры и слова.

И пѣдсунув до ных коробку з пaticкками. Дѣти порозбирали их мѣж себе и тихенько забавляли ся, поки мама не покликкала до вечерѣ.



Переписка „Вѣночка“ из читателями.

„Вѣночок“ пообѣщав в минувшѣм числѣ, что помѣститъ мали стишки, яки прислали до него пильни читачи: малый ученик из Перечина—Яромир Яцко надосла нам такий стишок: Моя родина Перечин,

Я тут ся народив
Тут пограв я перви игры
И у школу тут ходив.

Ганя Богдан и Ганя Добвей иченичѣ из Перечина заслали до Вѣночка, абы други дѣти одганули таки загатки:

- 1) Бѣгають хвостанѣ коло колобанѣ.
 - 2) На одной лабочцѣ у червеной шапочцѣ.
 - 3) За горами за лѣсами суха лишка бреше.
 - 4) Четыри пугикари до одного корча стрѣляютъ.
 - 5) Иде до лѣса, обернется дому—иде дому, обернется до леса.
 - 6) Под стрѣхами бѣлѣ орѣхи.
 - 7) У нас є такий обѣд, что сам из пѣд себе гнѣй мече.
 - 8) Бере йойкать, кладе йойкать.
 - 9) У одной шапцѣ є го и молійон.
- А но кто развяже ?



Содержаня:

Иваникий Базилович первый дѣписецъ Подкарпатстой Пуси.	— Стр. 18
В. Масляк : Наука	— Стр. 19
Про хлопця, что сидѣвъ сѣм лѣтъ у колодязи	— Стр. 20
М. Пѣдгорянка : Зимою	— Стр. 24
Як живє карпатскій бук	— Стр. 24
Борис Гринченко : Жаба та коваль	— Стр. 26
Лис Микита Ивана Франка	— Стр. 27
М. Пѣдгорянка : До зимы з тихенька	— Стр. 29
Ой на горѣ дубина	— Стр. 30
Приповѣдки про науку	— Стр. 30
Забавы на зимовѣ вечерѣ	— Стр. 31
Переписка „Вѣночка“	— Стр. 32
Содержаня	— Стр. 32



Выходить 15. каждого мѣсяця окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдаѣ Шкѣльный оддѣл цивильноѣ управы Пѣдкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. новембрія (листопада) 1921.

Число 3.

ИВАН ФРАНКО:

Легенда про св. Николая.

(Чудо з ковром.)

В славнѣм мѣстѣ Цариградѣ сталася пригода.
Проявив Бог славне чудо для всего народа.
На далекѣм передмѣстю там хатина вбога,
В нѣй роботник жив старенькій и жѣнка небога.
Працовали, зарабляли, весь вѣк з горем бились,
Та бѣднѣйших ратували и Богу молились.
Та ще з давна звычай мали: лепта хоч малая
Йшла од них рѣк в рѣк для бѣдных в праздник Николая.
Та змогла их старость, слабость годѣ заробити,
Ледво-ледво выстарчало з дня на день прожити.
Аж ото надходить праздник Николы святого!
Як почитити день той славный, коли в хатѣ вбого!
Журяться стари обое! Жѣнка й промовляе:
Слухай мужу, день Николы ось ось наступае.
Як побрались мы з тотобю, в злѣй, чи добрѣй хвили,
День всятого Николая мы врочисто читли.
Чи-ж на старость мы покинем сей звычай побожный?
Чи-ж наш дѣм на сѣе свято так вже й не спроможный?
А дже-ж нам не довго жити, нѣкому й лишати.
Чи-ж не лѣпше все, й остатне Богу в жертву дати?

Ось гляди, ковер старенькій, ще моеѣ мамы!
На, продай, а буде радость в праздник сей мѣж нами.
Муж послухав сеѣ рады, вельми звеселився,
Взяв ковер и йдучи в город Богу помолився.
До базару путь не близкій, он и послѣшае
Аж ось муж якійсь поважный его догоняе.
Привитався. „Куды дѣду?“ — На базар, панотче,
Сей ковер иду продати. — Що за него хоче —
Пан пытае: „Сѣм золотых за новый давали.
А теперь що ласка ваша. Мы-б не продавали,
Та ось праздник наш, Николы, а в хатѣ убого,
А мы все привыкли чтити день сего святого“!
Каже пан: „Се дѣло добре! твоѣ ковер хорошій,
Хочеш? Ось тобѣ за него шѣсть дукатѣв грошей.“
„Се за много, любый пане!“ став старый казати,
Але пан узяв коверецъ, дав ему дукати.
Дѣд оглянувся: нема пана! На базар спѣшиться,
Та прохожи, базарови стали з него кпиться.
„Що ты дѣду, одурѣв, чи очи проплакав?
Де ты своѣ ковер подѣв? З ким ты тут балакав?
Та-ж при тобѣ не було нѣкого видати!“
Дѣд говорить: Нѣ, був пан, дав менѣ дукати.
Поки дѣд там сперечався, куповав що треба,
Его жѣнка жде на него, як на Бога з неба.
Аж приходит пан старый, их ковер тримае,
И до неѣ ось яке слово промовляе:
„Муж твоѣ, моѣ старый приятель, любый сердцю моему
Он просив мене занести сей ковер до дому.“
Се сказавши, ковер оставив тай пошов из хаты
Поки здужала бабуся хоть слово сказати.
Здивовалася бабуся, жаль ѣй став на мужа:
„От яка душа скупая! От душа недужа!
Пожалѣв ковер продати! А по що держати?
Чи сто лѣт ще хоче жити, чи на той свѣт взяти?
Пожалѣв и за для кого? Для старця якого!
Нѣ, для Господа самого и его святого! . . .
Так мѣркуе в сердцю своѣм щирая бабуся,
И рѣшае: „Нѣ, од нынѣ я з ним розойдуся!
Нѣ, од нынѣ не друг моѣ! По отсѣм коверци

Я пѣзнала, що не має ѡн любви у серци !“
Аж ось муж прийшов, веселый у хату вступає,
Все принѣс, чим день праздничный святковати має.
Е и свѣчка, е й кадило и вино, олива . . .
В тѣм поглянув, а там жѣнка плаче нещаслива.
„Що тобѣ моя дружино ?“ — щиро он пытає.
Тут бабуса жалѣ и бѣль свѣй в словах выливає.
Слухає дѣд, дивується, далѣ мовить : Мила,
Та на Бога, я не знаю, що ты говорила.
Кто тобѣ сказав, що коврик я жалѣв продати ?
Глянь, за него се купив я, щей принѣс дукати.“



„Як то? Ты продав коверецъ? А се-ж по якому,
 Що знайомый твѣй принѣс нам той ковер до дому?“
 „Мѡй знайомый?“ — дѣд аж скрикнув. — Жѣнко, я нѣкому
 Не давав ковра й не мовив, щоб нѣс нам до дому.“
 Тут обое враз замовкли, у обох та сама
 Думка блисла; дѣд докладно розповѣв про пана,
 Що купив ковер; бабуса сплеснула руками.
 „Се-ж той самый, що ковер наш тут принѣс, той самый!“
 „Але, кто се був? — Мѣркують. Поруч як сидѣли,
 На икону Николая разом поглядѣли,
 И пѡзнали те обличе, усмѣх и поставу . . .
 Рознесли ту вѣсть по мѣстѣ Господу на славу.



Лисиця на зимѣвлѣ у приятелѣв.

(Народня казка).

Збудовав свѣѣ вовк на зиму нову хижу, а у лисицѣ была тѡлько стара, розвалена. Прийшла зима, лисиця корчилася, корчилася од студи, а в конци не змогу ѣй стало переносити мороз. Побѣгла она до вовка и каже: Вовчику братчику, пусти мене до себе перезимовати!

Нѣ, сестро, менѣ самому тѣсно.

Та ты позволь менѣ хотѣ у свѣему дворѣ жити.

Бог с тобою, у дворѣ жий.

Побыла она у дворѣ день, тремтить од морозу, аж зубами кланцає. Пѡдошла до хаты и знов почала просити вовка: Вовчику братчику! Пусти мене в хату, бо я зовсѣм залякла.

Нѣ, не пущу в хату, ты будеш менѣ заваджати.

Та пусти мене хотѣ на хвилинку, най обгрѣюся.

Ну, погрѣтися можеш.

Влѣзла лисиця в хижу, розгрѣлася и постановила там жити. Влѣзла на печ и лежить пѡдвернувши хвѡст.

Настала нѡч, вовк заснув, а лисицѣ не береться сон, єд голоду черево ѣй пѡдтягло. Прислухається она, вовк спить. Злѣзла з печи и почала шарити по всѣх кутках. Обнюхала всю хижу, нигде не найшла собѣ ѣдѣня. Выйшла по тихоньки в сѣни, почала и там шарити. Найшла горнець з маслом и двѣ печени гуски. Лисицю зняла оскома, зараз же зѣсти боялася, чтобы вовк не подумав на ню, что то она поѣла. А далѣ положила тѣ ласощи бѣля сѣнных дверей а сама вернулася в хижу, вылѣзла на печ, лягла, храпитъ, як бы нигде не бывала.

Ранком скоро тільки почало зоряти, лисиця встала і каже вовкови: На нині просили мене в куми, тому я задумаю зараз побігти, а до обіду вернуся.

Та то твоє діло, я тебе не держу, біжи коли тобі треба.

Лисиця побігла. Вискочивши з хижі, она захопила з собою масло і гуси тай побігла в хашу. Сиділа там до самого обіду, доки не поїла масло і гуси. В обідню пору лисиця вернулася до вовка. Вовк злагодився обідати, глядає по снігах стравы, а там і запаху не осталось гусячого. Вовкови стало досадно. Сердився, лаявся, сварився і сам



не знав на кого. Лисиця видить, що вовк лютый, почала говорити: Не думай, братчику, на мене. Ты сам знавш, що я до самого ранку лежала на печі, а пітом пішла в куми і тепер тільки вернулася.

Та нїт, я на тебе не кажу нич. Се може Мишка кудлатый нашкодів. Ох, лиха година. Чо ж будеме тепер обідати?

Не журися, вовче, сьогодні пережиєме якось голодни, а завтра, що Бог дасть. Нам голодувати не першина.

Лисиця вилізла на печ, лягла, ноги вытягла, хвіст одкинула і лежала. А вовк голодний корчився і перевертався з боку на бок, а че-

рево бѣдакови аж до самых плечей пѣдтягло. — Переночовали они, а вовк каже: Иди ты, сестро, роздобудь чого небудь на обѣд, бо я зовсѣм охляв, не здужаю обѣдати. В тебе шуба тепла, не так скоро перемерзнеш и ты здатнѣйша до хитрощей.

Лисиця не хотѣла сперечатися, бо не на руку было не послухати вовка. За то мѡг ѡн выгнати ю з хижы. Пошла она на роздобутки. Выйшла в поле, а мороз быв лютый. Пробѣгла она по пути з пѡв милѣ, звернула з дороги, лягла в околѣ, притаилася и ждала. Може так через пѡв години надѣхав мужик до мѣста, вѣз зарѣзаного барана на продаж. Лисиця побачила, что мужик од морозу весь позакугоався, налагоди-лася его обрабовати. Подождала поки мужик проѣхав, догнала го, вы-скочила на сани и почала в них господарювати. Розгорнула верету и нуж выкидати из неѣ куски баранины. Выкинула всю баранину и сама зоскочила. Позбирала всѣ куски до купы, попоѣла добре, остальни ку-ски загорнула в снѣг а обгрызени кѡстки понесла до вовка. Вовк по-грыз тѣ кѡстки, але ними не наѣвся, тѡлько губы помазав.

На другій день вовк знов высылав лисицю на роздобычу, але она сказала ему: Та ты, вовче, теперь сам попробуй роздобути обѣд, бо я собак боюся. А деж ты его береш, что тебе собаки чують.

Та я ходила на село и там у одного чоловѣка видѣла повну комору мяса.

А на что-ж ему мясо?

Та ѡн торгуе ним.

Побѣг вовк до села. Зайшов з городѡв и почав приглядатися, де стоить та комора, что в нѣй повно мяса. По запаху пѡшов до одноѣ коморы и справдѣ несподѣвано наткнувся на таку комору, де высѣла рѣзана баранина. Вовк почав ходити кругом коморы, заглядѡв, де бы найти дѣрку, крѡзь яку мож бы влѣзти в комору. Подойшов до дверей, есть дѣрка. Вовк хоть и догадовався, что не прилѣзе тою дѣркою, а все таки бажав попробовати уткнути свою голову сюды. Пробеуе, голова не влазить. Запах мяса ще лѣпше роздратовав его утробу. Просунув в в дѣру передню лапу и почав нею мацати, шукати мяса. А в коморѣ при самѡй дѣрцѣ стояла лапка. Газда поставив ю, чтобы до баранины не добралася котка. Лапка як клапнула тай имила вовка за ногу. Вовк вырывався из лапки и нич не мѡг учинити. Ранком пѡшов мужик до коморы и увидѣв вовка. Он взяв цѣп и убив его: Осталася тогды лисиця сама газдовати у вовчѡй хатѣ.

На другу зиму не подобалася лисицѣ вовча хижа, она пѡшла до медведа и каже: Пусти мене, Мишко, до себе перезимовати!

А у тебе нема своѣх хаты?

Та была старенька, але розвалилася. Новоѣ не поставила, бо впало на мене нещастя: Чоловѣк умер и тогды было менѣ не до того. Теперь настали морозы и не е де менѣ дѣтися. Пожалуй мене сиротину.

Медвѣдь змилосердився и пустив. Медвѣдь лежав и ссав свою лапу, а лисиця ходила на ловы и ськала собѣ поживы. Одного разу лисиця принесла собѣ пару курок, пѣдложила их пѣд себе, кусала по кускови и ѣла. Медведя взяла зависть, что лисиця чтось жуе и зазвѣдав ю. Что ты, сестро, ѣш?

Та то я свои кишки вытягаю з черева и ѣм.

А хйба они добри?

О, дуже добри.

Ану дай менѣ кусок, я покоштую.

Лисиця дала ему кусок курятины. Медвѣдь покоштовав, и дуже выдалася ему смачна.

А чи мои кишки також таки смачни? — зазвѣдав медвѣдь.

Попробуй! — одказала лисиця.

Медвѣдь погрыз собѣ черево и почав вытягати свои кишки та ѣсти. Тягав, аж поки не здох на мѣсци. Осталася лисиця сама господарювати в медвежѣй хатѣ. Цѣлу зиму ѣла медвеже мясо, а на его шкурѣ спала як панѣ.



М. ПОДГОРЯНКА:

ДѢД МОРОЗ.

I.

У январѣ февралѣ
Ходить мороз по дворѣ,
Гей по долах по горах,
У ледовых бочкорах.
Старый ѡн, сивый ѡн,
З бородою до колѣн.

Як дѣтвака зустрѣтитъ
То очками засвѣтитъ,
То зубами заблнсе
Тай за пальчик потисне.
Старый ѡн, сивый ѡн
З бородою до колѣн.

У бочкорах ледовых
Тай у шатах снѣговых;
Ходить собѣ вандруе,
Мосты з леду будуе.
Старый ѡн, сивый ѡн
З бородою до колѣн.

А дѣточки не дбають
Санки з грунька спускають:
Скоро, скоро, скоренько,
Аж червоне личенько.
Задар ѡн, грозить им,
З биродою до колѣн.

II.

А за дѣдом морозом
 Дуе вѣтер з погро́зом;
 Дуе вѣтер сердитый
 В метелицю сповитый:
 Свище собѣ, гуляе,
 Пѣснь зимову спѣвае.

А як в селѣ ночеу,
 То всѣ пути задуе:
 Горы снѣгу нагрусить,
 Дѣтей в школу не пустуть.
 Свище собѣ, гуляе,
 Пѣснь зимову спѣвае.

А дѣточки не дбають
 Снѣг из пути згорають,
 На час прийдуть до школы,
 Не запознать нѣколи.
 Задар вѣтер гуляе,
 Пѣснь зимову спѣвае.

6/1. 1921. Зарѣчево.



КОРНИЛО УСТЯНОВИЧ:

Сыны царя Нарзана.

У далекѣм царствѣ за сѣмома горами та сѣмома морями жив собѣ царь Нарзан. А той царь быв дуже старый и ослаб на очи. Кличе он своих трѣх сынѣв Перстень, Берла и Меча тай каже:

— Сыны, мои любѣ, сыны мои дужи, витязѣ славни, зачепав я, сыны мои, на очи, а чую, что десь там в свѣтѣ серед темного моря е скляннй остров, а на сему островѣ смарагдовый замок з рубиновыми заборолами*) та из сафировым дахом. У сѣм замку е водиця—живиця. Кто з вас еѣ менѣ принесе, сей буде моим наслѣдником. Идѣте, сыны мои любѣ, а Бог най вас благословить.

Идутъ царевичи, идутъ тай в кѣнци зупинилися на розпутных дорогах. Путь их роздѣлився в три стежки**) . Одна йшла на схѣд сонця, друга на запад, а третя прямо на полудне.

Стали они тай задумалися. В тѣм промовляе словами найстаршій брат до молодых своих братѣв:

— Братя мои любѣ. Перед собою маѣме три пути. Не всѣм нам ити одним, а потреба нам подѣлитися ними. Я пойду в право, другій в лѣво, а остатный пѣйде прямо себе. Каждый з нас най устроить в

*, огорожена, плот.

**) пѣльник.

сторону свеѣ стежки кинжал*) з напоясником. Котрый же з нас верне, вытягне кинжалы и осмотрих их; як узрих чисти, то се знак, что братья в дорозѣ, як не найде их-то братья вернули домѡв. Чій же кинжал заплыне кровю, се знак, що ѡн знаходиться в небезпецѣ и тому треба йти дорогою ему на помѡч.

Розпращалися братья и кождый пѡшов своею дорогою.

Наймолодшій, Меч, пѡшов прямо на полудне. Ёго дорога йшла все лѣсом. Двѣ недѣлѣ йшов ѡн лѣсом, стрѣляв дичину, живився нею, а каждого вечера й рана складав Богови жертву, молячи та просячи Ёго о здоровля очам свого батька.

Третього тыждня почув ѡн страшный рык. Пѡйшов за голосом и побачив медведя, что стояв над приголошненным пустельником. Лапою здер медвѣдь пустельникови шкуру з головы и вже-хотѣв грызти его зубами.

Прискочив Меч до кровю облитого пустельника, якій лежав без памяти бѣля жерела, з котрого выплывала чиста свѣжа вода. Меч зачав змывати з крови нещасного пустельника, перевязав его раны и занѣс его до пещеры, де найшов постѣль из сухого листа.

За якійсь час дав пустельник малесенькій знак житя, одчинив очи нѣжно вдивився в царевича, перехрестив его и сказав:

— Господи Боже, благослови царевича, сына Нарзана, выратовав ты мене од смерти, поможу я тобѣ за се достати водицѣ-живицѣ, по котру пѡслав тебе твоѣй батько.

— Йди теперь на схѡд сонця, за малу милку побачиш себе на полянѣ, серез котроѣ пасеся бѣлый кѡнь. Плесни руками, коник прибѣжит и дасть на себе сѣсти, але держися добре, бо одним скоком стане ѡн у пѡдножа склянноѣ горы, а другим — нѣ разу не ховзнувшись — буде ѡн на еѣ верху и стане перед замком. Проти тебе выскочить из страшным бреханем пес з чотырма головами. Тѣ зернята, что тобѣ даю, кинеш псови в очи; од них пес засне, а ты будеш могти вѡйти в замок. В нѣм буде дванайцять комнат. В десятѡй знайдеш два збанки з водою, переставиш их з мѣсця, бо знай, что в однѡм з них, якій переставиш пѡд праву стѣну, находится водиця живиця, а у другѡм водиця-мертвиця. По сѣм вдариш тричи в дзвѡн, якій буде стояти у новых дверях. На сей клич явиться змѣй, той страшный сторож водицѣ-живицѣ и вязнитель зачарованоѣ царѣвны, яку ты знайдеш в дванайцятѡй комнатѣ. Як будеш вертати, памятай—не оглядайся.

*) нѡж

Царевич вклонился низко пустельникови, уцѣловав його руку, подяковав гарненько тай одойшов.

На полянѣ знайшов царевич коника, приманив до себе, сѣв на него, а той понѣс его аж на замок. Царевич выповнив раду пустельника, а наконець вдарив тричи в дзвѣн. На звук дзвона одчинилися з громом двери и явился страшный змій тай засычав:

— Чого ты хочеш, Нарзанове щеня?

— Водицѣ-живицѣ. — одповѣв смѣло Меч. — Водицѣ для недужого батька.

— Достанеш тогды, — засычав змій — коли мене побореш. От стань там бѣля тоѣ судины, бѣля правоѣ стѣны, а я стану при лѣвѣй — напиймеса з тых збанкѣв и борѣмса — сказав змій. На свое лихо, бо не знав, что збанки переставлени.

Умученый дорогою царевич радо вхопив збан тай напився з него. Вода оживила его. Он вхопив быстро свѣй лук и смѣло выпустив стрѣлу в груди змія, — але стрѣла одскачила од грубоѣ луски, якою было покрыте его тѣло. Змій зареготався тай каже:

— Погоди но, погоди, живицѣ напюся и я. Дораз побачиш, что одною лапою тебе убою и роздавлю.

Сказавши тоѣ, напився из збана. Але як ђн зачудовався, бо на-мѣсть того, чтобы покрѣпити свои силы, почув слабость в своих суставах и почав дрожати.

— Перехитрив ты мене, песику Нарзана и замѣсть тебе, я ту здохну изза твоѣй зрады, але не смѣйся и не веселися дуже, знай, что тебе жде скоро зрада и пѣдла смерть.

И простягся змій на помостѣ й здох.

Царевич боявся все таки якоѣсь зрады, встролив ему меч у сердце, одрубав голову, а сам пѣшов у дванацятий покѣй. Одомкнувши заперти двери, застав там прекрасну дѣвицю.

— Встань. — каже — не мав вже того, что тебе неволив.

Дѣвчина одкрыла очи и зотхнула глубоко.

— Ходи, звѣдси, ходи — промовив царевич. — Змій убитый, а водицю-живицю возьмеш из собою.

Тогды дѣвчина сказала ему:

— Возьми и мертвицѣ, она нам придасться, а з сеѣ скринѣ тых жемчугѣв*) и перел, кѣлько можеш понѣсти.

*) дорогоцѣнни камѣня.

Царевич так и учинив. А коли вышли из замку, взялися попод руки й сѣли на коня.

Але скоро зачали они спускаться в низ, почало за ними гремѣти, лискати, метати камѣнем, а Меч хотѣв вже обернутися, чтобы подивитися, але дѣвчина закрыла ему рукою очи тай сказала.

— Не важся, бо згинеш!

Кѣнь пѣднявся в воздух и за другим скоком станув вже на розпутных стежках. Тут каже кѣнь :

— Злѣзай, царевичу. Дальше пѣд тобою не пѣйду, сивѣй кѣнь пасеться недалеко.

Царевич пустив бѣлого и пригадив собѣ заповѣт даный братом. Выймив ножи востролени на роздорожу, а оба были залити кровю. Тогда свиснув ѣн на своего коня и поѣхав дорогою найстаршого брата.

Ѣде ѣн, ѣде, аж затримався перед воротами мѣста, котрого дома были покрыти чорным киром.*)

— Что сѣ таке? — спытав ѣн переходячого чоловѣка.

— Король вмирає — одповѣв сей — а там суть двѣ вѣшалницѣ. Король приняв двох братѣв-царевичѣв, что сюды прийшли, як своих, а они змовилися Короля строити, а его царство мѣж себе подѣлити. Зраду одкрыто и их мають вѣшати.

Царевич скочив на лобне мѣсце и побачив там много людей, а пѣд двома вѣшалницами своих обох братѣв. И жаль стало ему братѣв дуже и крикнув ѣн на катѣв.

— Не вѣшайте, даруйте менѣ от сих двох, а я вам выздоровлю Короля.

Тогда прискочив до него народ и каже :

— Се якійсь спѣльник. Тамтѣ най повиснуть, а ѣн, як не выздоровить нам Короля, най пѣде за ними!

Та тогда встромила дѣвчина руку в збанок з мертвицею и зачала бризкати на людей. Де найменьша капля водицѣ впала, там завмирали од неѣ люди. Заснули й каты, а царевич розкував своих братѣв и велѣв им ждати на себе за воротами, а сам удався на королѣвскій замок. Тут дав умираючому Королеви напиться водицѣ-живицѣ.

— Ты кто такій? — спытав его Король, якій подужав в однѣй хвилѣ.

— Я сын Нарзана.

— Так ты брат отсих двох, что мене хотѣли строити?

— Брат. Их выпросив я собѣ за то, что тебе оздоровлю.

*) рѣд полотна.

— Бери собѣ их, але й стережися их, бо кто раз за ласку заплатив зрадою, той и в друге се учинить. Вовка, де стрѣнеш, то бий!

Богато обдарований Королем, стрѣтив он своих братѣв за воротами и взяв их на повѣз, запряженный у шѣсть коней, яки подаровав ему Король. По дорозѣ оповѣв братам свою пригоду, и они оповѣли свою и присягалися, что только злоба службы короля и судѣв зробили з них злочинцѣв, а они зовсѣм не настоювали на житѣ короля; король строився рыбами, яких наѣвся за много.

Меч и повѣрив им и в любой згодѣ ѣхали далѣ, аж затрималися в темном лѣсѣ, де была корчма. Тут станули они на нѣч. Дѣвчинѣ приготавила вечерю, а коли наймолодшій брат оглядав конѣ и их наповав, вийшли Перстень и Берло на двѣр и почали шепотом радитися, что им зробити? Кажуть: як найменьшій брат привезе батькови водицю-живицю и тую царѣвну, стане наслѣдником батькового престола и зачне над ними панувати.

— Як же-ж нам его позбутися?

— Не журися — каже Берло до Перстения. — Он має водицю-мертвицю з собою. От мы й даме ему напиться водицѣ-мертвицѣ, то он и вмере, а мы вернеме домѣв, о маєток и о дѣвчину кинеме кѣстки.

— Плохо ты радиш! — сказав молодшій брат, Перстень. Я не хочу убивати брата; он нам лиш добро дѣяв, але, як он засне, бриз-неме на него мертвицею, чтобы ще лѣпше заснув, тогды вынесеме его в лѣс тай кинеме в глубокоу пропасть.

Холод и вогкѣсть пробудили царевича Меча и он побачив, что он є в глубокой пропасти и зо зломаною рукою. Пригадав собѣ все и горко заплакав. Але пригадав он собѣ, что дорозѣ до пустельника выратовав он лиса, на котрого напав великій горскій орел. Лис дав ему на памятку сопѣлку, чтобы засвистав нею, коли буде в великой пригодѣ. Царевич засвистав теперь тричи. По короткой хвилѣ влѣз якоусь дѣроу у его яму лис и каже:

— Здоров був, царевичу! Хватайся мого хвоста, а я вытягну тебе!

Царевич так зробив. Было то вже недалеко мѣста, де царював его отець, Нарзан. Нѣким не пѣзнаный увѣйшов царевич в царскій двѣр, вступив у овчарню и дав пѣзнатися вѣвчареви, а той ему каже:

— Мечу, дорогій наш царевичу, велике тобѣ горе. Ото прийшли твои оба браты, привели из собою панну и принесли водицю-живицю и водицю-мертвицю. Кого хотять, того й выправляют на той свѣт. Твому батькови привернули зѣр и царство має бити подѣлене межи них обох.

На тѣ слова зняв царевич з правоѣ руки перстень, якій достав на замку склянноѣ горы од принцезны тай каже:

Иди подай сей перстень царовнѣ, что з моими братами сюды приѣхала, але не кажи нѣ слова, а скоро вертай назад.

Овчар пѣшов, а царевич ждав его приходу. Аже тут одчинилися двери и показалася Лелія, царѣвна з замку склянноѣ горы и кинулася царевичеви на шню.

Царевич оповѣв ѣй свою пригуду, а она побѣгла до старого царя Нарзана и розповѣла про зраду братѣв. Царь скликав весь народ и звѣдує обох своих сынѣв:

— Сынн мои любн, вы менѣ дали свѣтло очей моих, а за се налечься вам заплата. Межи вас роздѣлю я свое царство, але скажѣть менѣ, что маю я зробити з таким людѣми, что свого брата, якій выбавив их од смерти, кинули в пропасть на жир вовкам и медведям?

— Для таких мало вѣшальницѣ! — каже Берло.

— Таких треба колесовати! — Каже знов молодшій, не знаючи, что ѣн сам на себе выдає засуд смерти.

Цар вернув тогды в свои свѣтлицѣ, взяв за руки своего сына Меча, вывѣв перед весь народ тай одозвався до перестрашенных двох старших братѣв.

— Не хочу я вас колесовати, не хочу я вас вѣшати, але проч з, моих очей, з границь мого царства. Меч и его жѣнка наслѣдять по менѣ мое царство.

Весь народ одобрев справедливый засуд царя. Меч и его жѣнка засѣли по смерти царя на царскій стѣл и стали володѣти. Володѣли володѣли — и ще нынѣ може володѣють.



БОЖЕНА НЕМЦОВА:

Зимови радости.

Тыждень по Задушных днях*), бабочка побудила рано дѣти, и сказала новину, что св. Михаил приѣхав на бѣлѣм кони. Дѣти скоро выскочили з постели, побѣгли ид вызорям — а там! всюды бѣло. Анѣ одного зеленого листочка не осталось на вербах у рѣки и на ольхах коло потока. Тѣлько в лѣсѣ еще зеленѣли смереки, и их голузя погнулися

*) 1 і 2 новембра.

сильно долѡв, бо тяжкій снѣг их нагибав. На орябинѣ, котра стояла близь буднѡв сидѣла ворона, и обгрызала змерзли ягоды.

Дроб на дворѣ стояв тихо и зачудованый позирав на ту новину. Лиш воробѣ скакали весело по заспѣ и збирали, что недоѣвши оставили курята. Кѡтка, котра вертала из ловѡв, отрѣповала при кождѡм кроцѣ лапки и скоро побѣгла на печь. Лиш псы, заснѣженѣ по колѣна, гонили весело по снѣгу.

„Снѣг, снѣг, а то добре, будеме ѣздити на санях“ — закричали з радостею дѣти. Они витали зиму з утѣхою, бо много новых радостей она им приносила. Святый Михаил принѣс им добри булочки з маком а послѣ того зачалися пѣрѡдеры, а потому прятки. Дѣти лѣпше любили прятки, бо мали при тѡм бѡльше свободы. Коли зачалися пѣрѡскубы в кухни при великѡм столѣ, а на нѣм потѡм назбиралася велика копиця пѣря якбы снѣгу, тогды бабѡнька одгоняла Анночку и хлопцѣв од стола дальше, абы пѣря не погубили. Сталося раз, что до тоѣ громады зайшов Иванко. Якій то був крик; то мож собѣ вже подумати. Од тоѣ поры бабѡчка одганяла малых од стола, — ба навѣть не могли собѣ пофигловати порядочно, анѣ пѡдскочити, анѣ вертѣтися коло дверей. Коли вже бабѡнька знесла з горы куделю, дѣти з радости пѡдскочили. З куделею прийшли прядухи а дальше красни казки и весели пѣснѣ. — А як мило было в хатѣ, коли смерклося!

Катерина заперла оконницѣ, в печах трѣщали патики. Посеред комнаты стояв высокій деревянный свѣтыч. На его раменах застромили палаючи смолоскипы а довкола лавиц позасѣдали прядухи. Им бабѡнька все подавала в малѡм кошарику сушеня, абы мало закусили. З якою жадобою чекали дѣти, ци скоро заскрипятъ двери у сѣнях и укажуться прядухи! Бо бабѡнька не скорше почала оповѣдати про прятки, аж зойшлися пряхи.

Заки жоны позагрѣввалися и позасѣдали коло кудель, говорилося про всячину. Сталося дачто котрѡй в газдовствѣ або учула что нового — говорило ся о тѡм. Было яке свято, а с тым святом був споеный якійсь народный обычай або народне повѣрѣе, то говорилося и про се. На прим. вечер перед св. Николаем оповѣдали собѣ дѣти, что кому св. Николай принесе. Про бабу Евдоху говорили собѣ, что ходитъ тоѣ ночи из розпущеным довгим волосем и забирае непослушных дѣтей. А коли бабѡнька зачала оповѣдати казки о королѣвных з золотыми звѣздами на чолѣ, о витязях, принцах, зачарованных в львы або псы або навѣть в камѣня, о орѣшках. в котрых зложени были дороги шатя, то дѣти

сидѣли тихо як мак сѣяв и не рушилися, гейбы были приковани а лиш слухали.

Перед рѣздвянными святами переплѣталися вже казки и спѣв оповѣданьями, як печи святочни колачи, карачун, а дѣти дуже радовалися на дѣда и коляды.



ИЗИДОР ВОРОБКЕВИЧ:

Край дармоѣдов.

Ци чули вы, добри дѣти,
Десь далеко там край свѣта
За высокими горами,
За глубокими морями
Є край, мило в нему жити,
Бо не треба там робити.
И что лиш сердце забажает,
Тоѣ хвилѣ вже и має.
Там хаты всѣ з колачѣв
А плоты всѣ з ковбасѣв,
З медяникѣв усѣ стрѣхи
Золото там повни мѣхи.
Пива, меду и вина
Там тече цѣла рѣка.
Верба родить там грушки,
Висять на хоптѣ булки.
Там в ставку собѣ плыве
Рыба вже печена, жде,
Чтобы ты засягнув руков,
Котру хоч, спожив здоров.
Як у нас росте трава,
Так растутъ там что дня
Сыти*) з мясом галушки,
Вареницѣ, прироги.
Там не треба до млина
Нести зерно; бо мука
З неба гейбы снѣг паде
И сама в корито йде,

*) товсти.

З печи лѣзе як бы мыш
Вже готовый хлѣб и книш.
Там жарени голубцѣ
Просто в рот летять тобѣ,
Серед ночи й серед дня
Приправлене пороса
З хрѣном, начинков бѣжитъ,
Острый нѣж в хребтѣ стремить,
Чтоб собѣ ты одрубав
Найсмачнѣйше й з'ѣдав.
В кождѣй хатѣ з сволока**)
Мож точити молока.
Як камѣне там лежить
Бриндзѣ, масла й сыра склад.
Чоботы и постолы,
Пояс, черес, кожухи
Висять, стрѣхов, лиш сягай
И гарненько ся вбирай!
З овецъ возну не стрижуть,
Не прядуть тай не тчуть,
Гуня шиєся сама
Чорна, сива, ци ряба.
Дармоѣдам там жите,
Яку Бога за дверми;
Шкода тѣлько, что сей рай
Невѣдомый людям край,
Бо хоть свѣт увесь зойшли,
Та его ще не найшли.

**) сволок — стови,

Народни приповѣдки на осѣнну и зимову пору.

- 1) В осени и горобець богатый.
- 2) Прийшла Пречиста — буде по дереву листу чисто.
- 3) Кто сѣе по Покровѣ, выводить по коровѣ.
- 4) Покрова всю землю листом вкрыла.
- 5) В Пилиповку — день до обѣда.
- 6) На Введене зима вводиться.
- 7) Приѣхав Михайло на сивом кони.
- 8) Грудень землю грудить, хату студить.
- 9) Грудневе тепло, як мачошене добро.

Кто из читачѣв „Вѣночка“ знае бѣльше таких приповѣдок най-
зашле до Редакціи „Вѣночка“, то они будутъ напечатани сейчас. Най-
лѣпше най-дѣточки зазвѣдуются дома у своего нянька, потѣм повѣдятъ
пану учителеви в школѣ, а пан учитель зашле вже сам Вѣночки.



Загадки:


- 1) Бѣла як снѣг, надута як мѣх, лопатами ходить, а рогом ѣсть. (вжэлГ)
- 2) Нѣ старому, нѣ молодому, не дасть приступити нѣкому. (ээл)
- 3) Невеличка церковця а в нѣй миру без кѣнца. (жэл)
- 4) Висить гѣсть, та нѣч ѣсть. (шмелГ)
- 5) Все иде, а ще нѣ кроку не зробив, все бѣ, а ще нѣкого не вбив. (жнннлГ)



Содержаня:

Иван Франко: Легенда про св. Николая	стр. 33—36.
Лисиця на зимѣвлѣ у приятелѣв, народная казка	стр. 36—39.
М. Подгорянка: Дѣд Мороз	стр. 39—40.
Корнилю Устѣянович: Сыны царя Нарзана	стр. 40—45.
Божена Немцова: Зимови радости	стр. 45—47.
Изидор Воробкевич: Край дармоѣдѣв	стр. 47—48.
Народни приповѣдки	стр. 48.
Загадки	стр. 48.
Содержаня	стр. 48.

Число. 280



Выходить 15. кождого мѣсяця окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдае Школьный отдѣл цивильноѣ управы Подкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. января (сѣчня) 1922.

Число 5.

А. ПАВЛОВИЧ:

С НОВЫМ РОКОМ.

Уж старый рѣк проминув, а новый настане.
В новѣм роцѣ старѣ сонцѣ на небѣ остане.
В новѣм роцѣ ачѣй старѣ сонцѣ омолодне,
А огрѣв Русинове серденько холодне.
Ой, Ты Боже, что владѣш сонцем и звѣздами,
Кажи сонцю, чтоб нас грѣло, свѣтило над нами.
Просвѣти нас бысьме свою спознали родину,
И щасливу в будучности дожили годину.
Допоможи нам Господи, бы в тѣм новѣм годѣ
Всѣ Русины Подкарпатски жили в любви, згодѣ.
Абы кождый тѣлько дѣлав про народ, як може,
О то просять всѣ Русины Тебе, Отче Боже.
С надѣєю, мили братья, в тѣм то новѣм годѣ
Сѣйме зерно народности у руськѣм народѣ.
Уже идутъ для Русинѣв щастя, славы годы.
Єднайтеся, рѣд милуйте, Русины молоди.



Бароньскій сын в Америкѣ.

(народня казка з Земплина).

Дочувся один бароньскій сын из руського краю, что тріе царѣ посылають людей глядати Америку. Они поскладовалися на триста людей, дали им збудовати корабель та купили хлѣба на три роки. Бароньскій сын сам собѣ узав на три роки хлѣба, бо он ѣхав своим коштом и не хотѣв, абы кто иншій выдавав на него гроши. Бо кто ѣде до Америки на царскѣм хлѣбѣ, той не буде в Америцѣ пѣд своею властею. Тѣ, что не будутъ мати своего хлѣба до Америки, и в Америцѣ не будутъ сами собѣ панами.

Что потрѣбне бароньскому сынови? Двацять пять патронѣв од картачѣв. — Але де их сховати? Треба менѣ одноѣ сокиры, бо без такоѣ рѣчи не идеса в свѣт. Треба менѣ три ножи и один шовковый мотуз. На тот мотуз кляку, чтобы мала три гаки: бо там не буде пана у Америцѣ понад мене. Тых людей высылають царѣ. Коли они найдутъ Америку, то щастя их, а коли не найдутъ, то погинуть марне на мори. Коли найдутъ Америку, то каждому дадутъ выбудовати дѣм и кождый хлоп буде в Америцѣ паном. Але однаково они будутъ мати над собою старшого! А я бароньскій сын, на своѣм хлѣбу, ложу сам на себе и нѣкто не буде менѣ розказовати в Америцѣ.

Як набрали на три роки хлѣба, взяв собѣ кождый пушку на плечи, триста мужа и бароньскій сын, посѣдали с ними три кондукторы, будутъ гнати корабель до Америки.

Бароньскій сын розжаловався, каже: я у своего отца, у барона лиш один сын. Промарнив я враз из своими товаришами двѣ частки маетку, что менѣ лишив мѣй отецъ. Не буду вже бѣльше с товаришами вѣдно. Розхворѣвся я, полишив жену и матѣрь. Жона моя хвора, а я иду в свѣт. Кѣлько утратив я отцевого маетку, то тѣлько мушу заробити в свѣтѣ, коли не умру. А коли я помру у тѣй пути, не увидить мя моя жона, анѣ моя мати, анѣ тота дѣтина, что я за нею у пути тужу.

Выпровалили тріе царѣ тристо мужа на корабель: Идѣтъ и глядайте! Дали им далековиды, чтобы з моря глядали за землею.

Плыли так три мѣсяцѣ водою. У три мѣсяцѣ пѣшли позирати ци много ще хлѣба. Что, Боже, робити? На три роки брали хлѣба, а вже тѣлько зѣдженного, что все не старчить им бѣльше, як на один мѣсяцѣ.

Приказав комендант ити хотѣ котрому на вышній поверх корабля и дивитися далековидом.

Бароньскій сын мав своѣй далековид. Выйшов на третій поверх у

ночи и увидѣвъ на тысячу миль далеко, что в Америцѣ свѣтилося на земли свѣтло. Он зараз крикнув: обернѣть у той бѣк корабель, бо я виджу там на право свѣтло и великій дѣм.

Обернули корабель просто до Америки. Ёли смѣло хлѣб и мясо, пили роскошно вино, бо вже радовалися, что найшли Америку. У мѣсяцъ прийшли ид краєви, бо им не ишов добрѣ корабель через велики скалы.

Приблизилися ид краєви. Ще на яких сто сяг був корабель од землѣ. Коло краю моря був берег магнесовый. В кораблѣ было желѣзо и той берег притяг до себе корабель.

Что, Боже, робити? Чому корабель не йде? Пѣшов комендант краєм корабля, пообзирава, что ему хибить и каже: Товариши мои! Мы тут повмираеме, бо берег высокій на десять сяг, а мы не маеме довгого лазива. Як бы мы мали, то положили бы го на корабель, сперли до берега и повыходили в горѣ на землю.

Повѣдає бароньскій сын: У мене єсть довгій мотуз, а на мотузѣ клюка, на клюцѣ три гаки. Котрый мѣг бы из вас трѣох сот мужа просто в гору метати.

Так не годен нѣкто кинути высоко, хибя один свинарь, бо ѣн най-лекше працює тай легку руку має. Котрый тяжко робить, той не кине просто и клюка не имитья добре берега.

Кинув свинарь клюку и та имилася за берег. До клюки привязаний довгій мотуз. Ну тепер лѣзьме в гору! Котрый мѣг ловитися руками в гору по тѣм мотузѣ, той вийшов на землю, а котрый не мѣг, той остався на кораблях. Плыли чотыри мѣсяцѣ водою роскошно, ёли и пили помного; что на три роки хлѣба мало им достати, то ледва выстало на три мѣсяцѣ. Из тристо мужа и чотырьох не вийшло в гору на землю в Америцѣ тѣлько сто. Знайшли там на деревѣ брески (барацки) и почали ёсти, почали радоватися. Назбирали много, понесли сим до корабля метати, чтобы и тамтѣ з голоду не померли.

Як наѣлися, почали радитися: Ходѣм шукати тутешних, американских людей. Берѣм собѣ свои пушки и саблѣ, абысьмєся мали чим оборонити.

Идутъ они за путем, увидѣли один дѣм и почали межи собою говорити. А чей то церков, бо то дуже дѣм высокій и широкий. Прийшли там ид дверям, двери из дерева на три сяжнѣ высоки. Выдять там одного чоловѣка и той також великій на три сяжнѣ высокій. Подойшов до них и подрывав их до хижы. Дав им ёсти турецки орѣхи. Они всѣ радо ёдять орѣхи, тѣлько бароньскій сын не ёсть.

Он дуже боявся, ци не першій ѣн згине! Покинув таку велику роскош дома та пѣшов шукати собѣ смерти. Вже и готова смерть, бо

Он тому великанови мало что бѣльше сягає понад колѣна. Той великан взяв три рожны, и пошов до тых людей. Як их накормив турецкими орѣхами, пороздыгав их и пообзирава, котрый из них найтовщій.

Показалося, что найтовщій був свинарь, один кондуктор и ще один хлопець. Роздыгнув их и продѣв усѣх трьох рожном, припер о стѣну и наклав огонь посеред хижи на земли, а всѣх инших нагнав до такоѣ загороды, котра была обведена плотом, крозь якій они могли дивитися, что великан из тамтymi робить. Коли огонь розгорѣв, он узав до одноѣ руки двох а до другоѣ одного и так упѣк, як три птахи. Потѣм взяв велику миску, порвав их на куски и положив на стѣл для своѣ челяды, котра мала надойти з роботи. Ледво великан приготував усе, як прийшли ще одинацять таких великанѣв, жон, хлопѣв, позасѣдали за стѣл и он почав оповѣдати, яки заблукали до него овцѣ — и указав им на тых людей у загородѣ. Тѣ всѣ дрожать, а баронскій сын молиться Богу и обѣцяє, что радше умре з голоду а не буде ѣсти, бо як бы потучнѣв, то великан и его надѣв бы на рожен и так спѣк, як тамтых.

По полуденку забрала та челядь у руки мотыки и пошли коло дерева копати. Они копали коло каждого дерева, бо окопане дерево родило дуже добре овочи, а они тѣлько з того жили. Той один, что перше був дома, лишився и теперь. Он пошов до загороды и почав обзирати, котрый тучнѣйшій. Выбрав трьох новых, продѣв на рожен и знов упѣк та подробив на куски, абы челядь мала готову вечерю а сам постелив собѣ коло огню на земли и ляг спати. Баронскій сын почав просити скоро своих товаришѣв: Изтягнить скоро з моих нѣг чижмы. — Они зтягнули, он повыймав из чижм тѣ двацять пять патронѣв, что був сховав и сказав: Теперь выважѣть отсѣ двери, абы мы могли з хижи пойти до того великана, что спить. — Выважили, баронскій сын подойшов тихцем до великана и повкладав ему всѣ тѣ патроны до уха. Потому взяв тѣ три рожны, что великан пѣк на них его товаришѣв, пороздавав своим людям, выймив из кармана такій гнѣт, якими мож было подпалювати патроны и запалив их. Аж нараз выстрѣлили тотѣ патроны тому великанови в ухах! Але бо он ще таки схопився и почав у хатѣ обертатися в кружѣлку. Тогды они вихали ему до очей два рожны, звергли го на землю и почали зо свого оружя стрѣляти. Як его забили, тогды выломилися з хижи та стали утѣкати гет. Як утѣкали, то по дорожѣ промовляли до себе: Ой нещастна Америка наша!

Недалеко они забѣгли, як почало темнѣти, стала нѣч. Они боялися стати на земли, бо гадали, что родина великана, узрѣвши трупа,

почне за ними глядати и може их побити. Тому повывлазили они на велике дерево. Сидять они на деревѣ и поглядають на землю. Дивляться, повзає величезный гад. Прилѣз до них и одразу трьох пожер. Тамтѣ гойкають: Нещастна наша Америка, коли у нѣй таки люде, что нас у долонях подавили бы, та таки гады, что поѣли бы нас так, як мушок. Утѣкайме як найскорше назад, на море, хоть там доведеться певно нам з голоду померти.

Поприбѣгали над берег и попускалися знов на корабель по тѣм мотузѣ, что перше лѣзли горѣ. Тогды и клюку забрали за собою. На третій день повѣдає до них бароньскій сын: Отвяжѣм отсей малый човен!

А комендант каже: — Одвяжѣть шѣсть.

Одвязали и посѣдали в човны, до кожного човна по пять хлопѣв, разом трицять хлопѣв и бароньскій сын с ними. Забрали с собою пушки, а бароньскій сын узав и сокиру. Плыли они так якійсь час по морю и найшли межи водою невелику суху землю. Высѣли там, дивляться, стоит таке велике яйце, что они не знали, ци то дѣм, ци хлѣв, ци яка бѣла скала.

Сказав до них бароньскій сын: Возмѣть мою сокиру и рубайте люто. Як то скала, не буде ничо ити из неѣ; а як чтось живе, то буде ити из него або кров, або вода.

Затяли они тѣлько раз сокирою, почав vyplивати бѣлок: Се братя, яйце. Кладѣм на огонь!

Назбирали патикѣв, розклали докола яйца огонь и спекли его. Трицять хлопѣв наѣлося и ще каждый узав из собою по такому куску, кѣлько годен був двигнути. Посѣдали на човны и вернули назад до корабля. Принесли ѣсти своим товаришам. Ледво они рушили высѣдати з човнѣв, як появилася на водѣ велика тѣнь.

— Дивѣть но ся братя — каже бароньскій сын — звѣдки та хмара суне? —

Они приглядаються, а то не хмара, то летить така велика птиця, та хоче их погубити за те, что они розбили его яйце. Почали они утѣкати на корабель. Из чотырьох човнѣв люде утекли на корабель, а з двох не встыгли. Як велика птиця ударила на них, то човны и люде перевернулися у воду разом с тым мясом, что надерли з того яйца, и потопилися.

Что мають теперь чинити? Нѣ ѣсти не є что, нѣ пити.

Мои товариши! — промовив бароньскій сын. — Я оставив дома велики маетки, лишив жону, что с нею оженился у одного графа. Я мав по своѣм отцю великій маеток, а також за своєю женою и все

те я покинув . . . И вже певно теперь не жив бы, як бы був хоть трохи тучнѣйшій, але я сухій та ничто не хоче мене. Теперь не остав нам инше, только молитися Богови. Як Бог хоче, так нехай нам дасть.

Заграло море, коли почали Богу молитися, піднеслася вода рівно с берегами, почали на кораблѣ класти огонь и корабель рушився. Утекли с кораблем од берега. Почали плыти морем. Хоть знаєм, хоть не знаєм куды плывем, та слава Богу, что корабель плыве. А чей ще колись добемь до родноѣ землицѣ.

(Конецъ буде.)



ИС МИКИТА

ИВАНА ФРАНКА.

КОТ ЦАРСКИМ ПОСЛОМ У ЛИСИЦѢ.

Из пѣснѣ III.

Кот мурлика до дороги
Добре взяв за пояс ноги,
В торбу впахав печену мыш,
И лѣсочком, холодками
Так на пѣдвечерик самый
Вѣн прибув до Лисович.

Стукнув в браму, дожидає . . .
Лис из окна выглядає.
Кѣт Мурлика шапку зняв,
Поклонивсь йому низенько,
Привитав його борзенько,
Тай таки слова сказав:

„Не прогнѣвайся, нанашку!
Не принѣс я жадну фрашку,
Але царскій вам наказ:
Другій раз се царь, наш владця,
Через swojego посланця
На свѣй суд ось кличе вас.

„Що тут довго говорити!
Дуже царь на вас сердитый,
Тож я раджу вам: ходѣть!
Царь поклявся на корону:
Як не ставитесь до трону,
То пропащій весь ваш рѣд.“

„Мурцю! — скрикнув Лис Микита, —
От не ждали! От визита!
Боже милый, як я рад!
Ну, ходи в мои обоймы!
А про те казать не смѣй ми,
Чтоб як стѣй ити назад!

„Таж Лисиця, твоя тѣтка,
Так тебе видає зрѣдка,
Що не пустить нас пѣд нѣч,
А маленьки Лисенята,
Чи ж они пустилиб — брата?
Нѣ, то неможлива рѣч!

„Повечеряєм гарненько,
Проспимо ся, а раненько
Холодком — тай в божу путь!
Я про царскій суд не стою.

А що раз пйду тобою,
Ты про сее певный будь!

„Он з Медведем инше дѣло!
Ты розваж: прийшов Бурмило
Як розбойник у мѡй двѡр,
Тай до мене з криком, фуком,
З величезным в лапах буком —
Я-ж малый, слабенъкій звѣрь!“

„Ой нанашку, — рек Мурлика, —
Ласка ваша за велика . . .
Але лѣпше мы не ждѣм!
Нѡч чудова, мѣсяць свѣтитъ . . .
Прощайте жѣнку й дѣти,
Тай у путь як стой ходѣм!“

„Мурцю, — каже Лис, — май розум!
Нѡч не тѣтка, мы не возом
Будем ѣхати, нѣ лѣтати.
Всяка погань лѣсом лазить,
Ну-ж но кто на нас наважить!
Нѣ боротись, нѣ втѣкати!“

Тѣ слова Кота Мурлику
Кинули у дрож велику
„Ваша правда, — вѡн скакав —
Мушу на нѡч вже лишиться . . .
Та скажѣть, щоб поживиться,
Деб я тутка що достав?“

„Щож, не гнѣвайсь, Мурую дѣльный!
Чоловѣк я богомѡльный,
Пост твердый держу день в день.
Та тобѣ вже я придбаю
Найсмачнѣйше, що лиш маю:
Крижку меду з'ѣж лишень!“

„Меду? Тѣфу! — одрѣк Мурлика. —
Хай Бурмило мед той лика!
Ним мене ты не вкормиш!“

Та у вашому фольфаку
Чей-же є де в закамарку
Хоть одна порядна мыш?“

Лис Микита рек до Мурка:
„Ты жартуєш! Навѣть Турка
Я-б мышми не-трактовав!
Що ты выдумав, небоже?
Мыши їсти! . . . Милый Боже!
Про таке я й не чував!

Та як мышей ты бажаєш,
Мурку любый, — тут их маєш
Що хоть ними гать гати!
Тут у вѣйтовѣм*) будинку
Мышей тьменна тьма, мѣй сынку,
И близенько нам ити!“

Ах, нанашку мѣй наймильшій,
Поведѣть мене на мыши!
Я на мыши дуже звык!“
„Добре! Так ходи-ж за нами!“
И полѣзли бурянами
Аж де вѣйтов бѣв курник.

Там в стѣнѣ дѣра пробита,
Нею часто Лис Микита
Нѣчью в курятник гостив;
Вчора ще пустив вѣн крови
Вѣйтовому когутови,
Аж когут и дух спустив.

Вѣйт зо злости счервонѣвши,
З когута лиш пѣря вздрѣвши,
Крикнув: „Нѣ, вже не стерплю!
Мушу злодѣя зловити“ —
Край окна дав присилити
Мотузяную петлю.

*) вѣйт — сельскій староста.

Лис Микита се пронюхав,
Тай говорить: »Мурку, слухай,
Як там мышки цѣвркотять,
Як выробчики невинни!
А ось тут и дѣрка в глинь —
Только влѣзти и хапать!“

„А безпечно-ж тут, нанашко?
Нынѣ за бѣду не тяжко,
А вѣйты, то хитрый люд!“
„Га, — говорить Лис зрадлиый, —
Хто занадто боязливый,
Най такій покине труд!“

„В серединѣ там не був я,
И про хитрощи не чув я,
Та коли боишся ты,
То ходѣм раднѣш до дому,
Повечеряѣм по своему;
Редьку й медовоѣ сыты.

Кѣт Мурлика застыдався.
„Що гадаєш, я злякався?“ —
До Микиты вѣн озвався. —
„Страх, то не котяче дѣло!“
И у дѣрку скочив смѣло,
И шастѣ-прастѣ! В сильце споймався.

Ой, повис вѣн у воздухах,
Затрепавсь, та по рухах
Шнур ще дужше горло стис.
Кинувсь — вдаривсь до одвѣрка!
А з горы, де клята дѣрка,
Заглядає зрадник Лис.

„Ну, що, Мурцю мѣй наймильшій, —
Каже вѣн, — смакують мыши?
Правда, що за пишный смак!
Хочеш соли? Я покличу,

Або у вѡйта сам pozyчу, —
Ци волиш вже вѣсти й так? . . .

„Ого вже и ты спѣваєш!
Але славный голос маєш!
Тенор! Ах люблю на смерть!
Жалобно аж ллється в душу! . . .
Ох, бѡгме, я плакать мушу
Ну спасибѡг за концерт!“

Раптом двери заскрипѣли,
Вѡйт роздягнений, спотѣлый
З палицею сам впада:
А за ним сыны и слуги,
Сей з ременем, з буком другий —
Ось де Муркови бѣда!

„Бийте злодѣя! — вѡйт крикнув, —
Вчора когута нам смыкнув!
Бийте, поки спустить дух!“
А луп-цуп летять удары . . .
Мѡй Микита з уст нѣ пары,
Мов ослѣп уже й оглух,

„Бийте! — вѡйт кричить и кропить.
В тѡм Мурлика скѡк! Як вхѡпить
Па́на войта за сам нѡс!
Хруп, тай хруп, мов мыш велику,
Костями роздер всю пику,*)
Мов бы гречку грабав бѣс.

„Гвалт! Ратуйте!“ — крикнув з болю
Вѡйт и впа́в як сно́п до долу.
Всѣ до нього. — Гей, свѣтѣть!
Гей воды! Гей губки, ваты!“
Кинулися кров спиняти, —
Вже й не в головѣ им Кѡт.

А в кота тверда натура:
Лиш одса́пав тай до шнура,

*) лице

Взявся грызти и кусать.
 Далѣ шарпнувся що силы,
 Шнур урвався и в той хвили
 Кѣт свободно мѣг втѣкати.

Ну, вѣн мышей одцурався,
 В курнику й не обзирався,
 А задравиш хвѣст, як мѣг
 Драпнув в дѣрку, та до лѣса,
 А лѣсами, мов до бѣса,
 Просто в царскій двѣр прибѣг.



Невдячне курча.

(Ческа народна казка.)

Быв собѣ дѣд та баба й не было у них дѣтей. От якось высидѣла им чорна курочка курча. Бабуся й каже:

Ото и добро; будеме мати что доглядати.

А дѣдо одразу увидѣв, что з того курчати не буде нѣчого доброго.

Но баба не дала ему и слова сказати, взяла то курятко, выкохала го як годиться. Усе ему догоджала, чого тѣлько ему забаглося.

Дѣдусь каже раз, что то курча дуже богато з'ѣдає пшеницѣ, а баба ему одповѣла, что тобѣ таке сниться?

А куря ѣло тѣлько пшеницѣ, что старым вже не выстарчало на книши.

Якось одного дня бабуся сумна сидѣла коло куделѣ а дѣдусь по близу на столѣци. Не хотѣлося им говорити, бо не мали что ѣсти. А ту прийшло курятко и просить пшеницѣ.

— Ты вже у нас все поѣло — сумно одповѣсть ему бабуся, хиба что еще нас поѣш.

И ледво она то промовила, курятко роззявило клюв и з'ѣло дѣдуся зо столѣцем, — дзѣбнула другій раз и з'ѣло бабуся с куделею.

Так им ся одвдячило! . . .



Выходить 15. каждого мѣсяца окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдаѣ Шкѣльный оддѣл цивильноѣ управы Пѣдкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. февруар (лютого) 1922.

Число 6.

Бароньскій сын в Америцѣ.

(Конецъ.)

Плыли водою и зустрѣтили по колькох днях другій корабель. Зараз вывѣсили бѣлу заставу и почали трубѣти, аж другій корабель и его командант зрозумѣли, что они в бѣдѣ, мають загигати. Одчепили од другого корабля малый човен, сѣли на него три моряки и поплыли дивигися, что таке дѣсѣя на сѣм корабли. Прийшли и привѣталися, колиж бо не можуть с ними порозумѣтисѣ, бо то люде не з тоѣ землѣ, одки они, анѣ не з тоѣ Америки, але з краю межи морями. Порозумѣвся с ними аж бароньскій сын. Повѣдаѣ им: — Гинеме! Мы пѣшли, глядати Америки, тай таке найшли!

Тѣ звѣдують: — Чомуж вы не остави там, коли вы сѣ найшли?

Там не добри люде, велики там гады и птицѣ. Тамошній чоловѣк убиваѣ нас так легко, як мушку, так само гад нас пожираѣ и птиця подзабубѣ. Теперѣ сами не знаѣме, куди плывеме.

Ѣдѣте с нами! — кажутѣ тѣ люде з тоѣ землѣ, что межи морями. — Мы вертаѣме домѣв. Дочепѣть свѣй корабель до нашего та Ѣдѣте с нами.

Они учинили так. Тамтѣ дали им ѣсти, пити и розвѣдують: — Яку роботу вы знаѣте?

Бароньскій сын одповѣвся: — Я не знаю ниякоѣ работы, бо я пан, але мои товариши знають.

Не бойтесь ѣдьте с нами, а наш царь вас не погубить, он певно вам якійсь ряд дастъ.

Коли приѣхали до того краю, зголовили их моряки у свого царя. — Мы найшли на мори людей, что заблудили, та не знаютъ де их край.

Мы маеме новинки з усѣх краѣвъ та чей дознаемеса, з ѡдки вы.

Читали новинки, читали, не найшли того краю, з ѡдки тѣ люде: — Вы люде, мабуть из дуже далека, коли вас тут не можемо однайти. А скажѣть нам: Ци вы хочете ще домѡвъ достатися, ци лишитесь у нас жити?

Мы ѡѣдни, не знаеме теперь де наш край; хибѡ вже тут всѣ останемеса.

А я буду для вас царем, бо я тут у сѣм краю каждому за царя. Дам вам землю та будете господарювати. Скажу вам побудовати будинки та дам вам волы и всяку худобу на змаганѣ.

Повѣдаѣ бароньскій сын: Я волѡвъ не хочу, бо я пан, та я волами не умѣю робити. Я в своѣй земли богатый пан, але я выбрався вандровати по свѣтѣ, та найшов собѣ бѣду. Дома лишив я роскоши, а тут робити не умѣю и жебрати соромлюся.

Не бѡйся, як я стаю царем для твоих людей то и для тебе. Я дам им землю, а тебе прийму в своѣм домѣ до якоїсь службы. Будеш писарем або слугою. Котрый легшій хлѣб для тебе?

Та вже волѣю быти слугою.

Звѣдуѣ его царь: Ци маеш жону?

В своѣм краю маю, та колиж бо не знаю, де мѡй край.

Мѡй любый слуго, не знаю и я.

Заглядають до мапы, на котрѡм мѣсци стоить его край, и не можуть найти.

Не так ты роби мѡй любый слуго. Ты вже мабуть николи не вернеш до родного краю. Оженися с моею донькою, будеш по менѣ у моѣм краю за царя. Не будеш служити, але будеш приказовати.

Утѣшився, что так вышло, бо он быв паном дома тай буде паном у свѣтѣ.

Урадовалися тым и его товариши, бо мали с ним погинути на мори. Ачей мы ще зазнаеме щастя, бо наш товариш буде в сѣм краю царем та он не дозволить нам нѣ кривды зробити, нѣ нас погубити.

Оженився он. На вѣнчаню мусѣвъ присягнути, что до смерти буде нерозлучно жити с своею жоною. А сли кто скорше умре, ци муж, ци жона, то мусить себе дати разом поховати с небожиком.

Поженилися и жили собѣ обоє якійсь час добре. Та взялася раз в краю хворѣта. Захворѣла царева донька, жона бароньского сына и скоро померла. Приходять до него и повѣдають, что мусять его с нею поховати.

Чтож я могу в чужѣм краю учинити — думаетъ он, коли тут така установка, что с умершим живого ховають! Заберу с собою хиба дороги рѣчи и золото, сотнар свѣчок и дорогу заправу, кобы докторы дали.

Приобѣщали ему все. Роблять деревище его жонѣ и ему, але его така велика, что не тѣлько он сам мѣг в нѣй помѣститися, але и сотнар свѣчок и на один рѣк хлѣба готового пшеничного.

Дали ему докторы такую заправу, что як приложить собѣ еѣ до носа, то нѣчо ему не воняло.

Як вы будете мене ховати, найяснѣйшій царю? — звѣдує он.
— Ци у землю, ци у пивницю?

Царь сказав: Тут маєме в однѣй горѣ вытесанный льох для цѣлого мѣста. В нѣм розходиться чотыри дороги на чотыри стороны и попри них ховаються люде.

И мене дайте поховати с вашою донькою!

Надойшов час ховати царску доньку, мусѣв и бароньскій сын лягати у свое деревище. Набрав собѣ богато золота и рѣжных дорогих рѣчей, набрав собѣ хлѣба, дали ему докторы всѣляки лѣки и он ляг у деревище. Взяв с собою той мотуз, что привѣз из дому, и свою сокиру. — Не лишу нѣгде своеѣ працѣ, каже, бо я брав собѣ еѣ для помочи. Може мене ще Бог вызволить та менѣ не доведеться умирати!

Завезли его у льох, заѣхали на то мѣсто, де розходяться чотыри дороги и при однѣй царскѣй его поховали. Оставили его там, а сами повиходили.

Скоро все успокоилося, бароньскій сын схопився, запалив свѣчку и почав глядати, де он є. По якѣмсь часѣ найшов дѣрку з другого боку города, де проломився льох. Подумав собѣ, а чейже туды я вылѣзу. Вернувся по рѣчи, бо не хотѣв оставляти дорогих рѣчей, а особливо мотуза и сокиру. Закинув зараз мотуз и ключка имилася землѣ. По тѣм мотузѣ вылѣз на верх и почав утѣкати, абы го кто не видѣв, бо бы зараз розстрѣляти казали. Утѣкав, утѣкав аж прибѣг на край моря, абы сѣсти на корабель.

Прийшов на корабель и звѣдує, до котроѣ краины одходить корабель.

До тоѣ и до тоѣ.

Ѣду и я!

Приѣхав до тоѣ краины, высѣв из корабля, видить на березѣ ходять якись люди. Почав звѣдовати, з ѡдки они.

Они повѣдають: Мы не тутешни, мы з руського краю.

З якого города?

Они кажуть: — з такого и такого.

А ѡн каже: — И я з того города. Добре, что мы стрѣтились тут. Покидайте роботу, ходѣть со мною до касы, поѣдеме домѡв.

Прийшли до касы, ѡн выняв золотѣ гроши, перемѣняв на инши и покупив карты для себе и всѣх людей. Всѣли на корабель и приѣхали до дому.

Прийшов до дому, вклонився своѣй матери и женѣ и заплакав горько. Простѣть менѣ, что я опустил вас и оддався на таки муки, что лиш Пан Бѡг уратовав мене од загибелѣ. Ѣн показав все золото и гроши, яки привѣз из свѣта и хвалился, что вже буде чим жити. Наняв музикантѡв и приказав им, абы грали, доки буде жити. Але ѡн не дуже слухав тоѣ музыки, бо все ему стояло на думцѣ, як то ѡн мало не згинув в Америцѣ, что его великаны хотѣли зѣсти, и что его живого поховали.

Ишов раз бѣдный Иван попри хату бароньского сына. Саме тогды варили ѡбѣд и запах страв доходив аж на дорогу.

Каже Иван: — Боже, яке тут добро чути! Як бы я того покоштовав, богато рокѡв довше прожив бы.

Почув се бароньскій сын и послав за Иванѡм. Кличе го слуга: — Кидайте геть оту сокиру, а ходѣть до мого пана, бо вас кличе.

Казав пан дати Иванѡви дорогу одежу, абы перед ним не ставав у ряндах. Коли станув Иван перед панѡм зазвѣдав го: — Яку роботу робиш Иване?

Ношу тягарѣ од одного склепу до другого. — А сильно Иван напудився.

Не бѡйся Иване! Лишиш ся у мене, я буду тобѣ платити кожного дня тѡлько, кѡлько ты заробляв. Кѡлько того было?

Были таки дни, что я заробляв и по два золоти, — одповѣв Иван. Кѡлько мавш дѣтей?

Шестеро.

Як называются?

Иван сказав.

Переказав бароньскій сын, абы Иваниха ставилася до нього по ѡбѣд. Прийшла. Бароньскій сын выняв два золоти, дав Иванисѣ и каже: — Твѡй чоловѣк буде вже у мене всегда. Кожного дня буде

мати два золоти, а робити не буде ничего, тільки буде сидѣти. Я буду его держати у себе, бо я знаю бѣду и тому не хочу, абы ю кождый мав. Але до своих дѣтей не смѣе ходити, лиш тут мав сидѣти. А ты в кожде полудне будеш приходити по гроши.

Баронскій сын давав Иванови красне шатя, добру ѣду и все мусѣв сидѣти и ничего не робити. Иван сидѣв так два тыжднѣ, поки ему не вкучилося.

Мой любый пане! Я бы хотѣв видѣти свои дѣти — сказав Иван по двох недѣлях.

Коли хочеш дѣти видѣти, то не будеш брати грошей!

Я не дбаю, най тільки свои дѣти увиджу.

И одойшов домѣв.



ИВАН ВАГИЛЕВИЧ:

Мадей.

На высокій Чорногорѣ
Буйни вѣтры вѣють,
На зеленій полонинѣ
Сѣри вовки выють;
Тысяч коней вороненьких
В изворах ирзає,
Тысяч гарных легѣнеков
Коникѣв сѣдлає.
А ватажко сивый Мадей
Зморщив густі бровы,
Чорні очі заблищали
Та жаждою крови.
Поверх коней яснобарви
Прапоры сіяли,
Изворами и дебрами
Ратища мелькали.

*

Мрачно скучно по майданѣ,
Потьма ся чорнѣє,

Огнѣ горять по шалашох
 Легкій вѣтер вѣе.
 Мадей велѣв чатовати
 Густою дебрею;
 Гомон далеко клекоче:
 „Вертайме, Мадею!
 З верх Бескида глухій дубот
 Бором ся шибав,
 Тьмою вихром ѣдутъ Угры
 Дебр ся улягав.“
 — „Нѣт вертаться сив Мадею
 З соромом до дому,
 Глухов пуцов темнов ночев
 Блудити по лому;
 З бесчестными оченьками
 Ясне сонце зрѣти,
 З безчестными губоньками
 Богу ся молити.
 Кѣньми зорю долиноньку,
 Засѣю стрѣлами,
 Переломлю вражи тучи,
 Пролью кров рѣками!“
 Та вже сива бородонько,
 Не тобѣ ся бити,
 Пѣд зеленов муравоньков
 В деревищи жити;
 Не тобѣ вже сыру землю
 Тѣлами стелити,
 Не тобѣ вже вражу кровцю
 Ратищом точити.

*

Трублять роги жуброви,
 Сумно конѣ рзають
 Шумять тучи срѣбных стрѣлок
 Та мечи брязчають.
 А з извора летить скоро
 Острѣе ратище,
 Заточився пѣд Мадейом

Кѡнь на колодище . . .
Люто кликне сивый Мадей,
А дебр заклекоче,
Вовком вержесь у вражи тучи,
Зубми заскрегоче.
Куда мелькне ясным мечем
Кров рѣкою точить,
Куда ратищем засвище,
Кѡнь ѣздця волочить.
И рев лютый, мрак темнѣйшій
По сырѡм майданѣ . . .
Звонять копїи, брязчать мечи,
Тьмать стрѣлы каляни.
А з Мадея девять стрѣлок
Ссуть кровцю теплую,
З бѣлых грудей три ратища
Влекуться землею.
Сивый Мадей утомився
И ноженьки млѣють,
З слѣдѡв кровця выступав,
Груди ся чорнѣють.
Вже за шию ужевками
К мажи привязаный,
За рученьки и ноженьки
Вкованый в кайданы.

*

Вылетѣла зазуленька,
Сѣла на тополи,
Заковала жалобненько :
Мадей у неволи!
Ой, зазуле сивенькая,
Не ковай сумненько,
Не задавай серцю туги —
Й так менѣ тяженько!
Ноги зелѣзо зрыває
И в руки ся в'ѣло,
Кровцьов груди обкипѣли,
Тѣло почорнѣло.

Мои други бѣлогруды
 В Бескидах дрѣмають,
 А вороны чорни крачуть,
 Кровцю попивають!
 Моих вѣрных легиникѣвъ
 Кости ся бѣлѣють,
 Сѣри вовки стѣкаються.
 Трупы рвуть и выють!
 Ой, понесли коваючи
 За темненьки зворы,
 На зеленѣй левадонцѣ
 Бѣлѣются двory.
 Не кажи родному сыну,
 Що мя уковали,
 Лише мене на весѣлѣ
 На силу призвали;
 З студеноѣ кирниченьки
 Медом упоили,
 А пѣд зимну колодоньку
 Спати положили.



Королевич и ремесло.

(Болгарска народна казка.)

В однѣй земли пановав король с королевою. Мали они доньку, а була она красненька й веселенька як та голубка.

Одного разу помандровав король с королевою и донькою морем на великом корабли. Коли вже од'їхали они далеко од берега, почалася страшна буря. Филѣ кидали кораблем як трѣскою сюды и туды. В конци корабель наїхав на скалу и розбився. Король из своєю сѣмєю ледво уратовав свое житє, а все, что они мали, загинуло в морю. Добралися они до чужоѣ землѣ як найбѣднѣйши жебраки. А чтобы в чужоѣ та ще и в ворожѣй земли их не поубивали, та король навѣтъ нѣкому не признався, кто ѣн є.

Алеж як король мав теперь жити, коли ѣн не умѣв працювати? А без працѣ — звѣстно — хоть лягай и вмирай з голоду! Довго ѣн

мѣрковав и сѣя и так; довго довелось таки и голодовати усѣй родинѣ, аж вкѣнци взяли его в одно село за пастуха. З початку се его болѣло, але часом успокоився и навѣть быв задоволенный, что хотѣ так уратовав свое житѣ. А чим далѣ, та королевич полюбив працю.

Минуло кѣлько лѣт.

Пастухова донька выросла на правдиву красавицу. Красшоѣ од неѣ не было в цѣлѣм королѣвствѣ. Про еѣ красу дойшла чутка аж до королевича тоѣ землѣ. И от коли прийшов час глядати ему молодѣ, то кѣлько всяких гарных дѣвчат не бачив той королевич, а не было красшоѣ од доньки пастуха! И ѣн порѣшив, что ѣжениться тѣлько с нею. Сказав про се своему батькови; але король — як король — нѣяк не хоче, абы его сын брав просту пастухову доньку за королѣвну. Однак сын одповѣв твердо, что ѣн цѣлком не ѣжениться, коли ему не позволять еѣ взяти.

Не мав что король робити, згодився и послав до пастуха сватѣв. Так и так — кажуть сваты. Але пастух не хоче отдавати своеѣ доньки за королевича.

— А яке ремесло умѣе королѣвскій сын? — звѣдав ѣн.

— Ремесло? — звѣдують и собѣ здивовани старосты. — Королѣвскій сын умѣе королювати! ѣн має всего достѣ и ему не треба жадного ремесла!

— Все дуже добре, але най ѣн навчиться, якого ремесла, може и оно ему придасться в бѣдѣ! От тогды и оддам я за него свою доньку — одповѣв пастух, прощаючися с сватами.

Старосты все те переказали королевѣ. Король розгнѣвався.

— Той пастух — дурень. Пѣйдѣть та скажѣть ему, абы не выгадавав там якихсь дурниць!

Пѣшли старосты в друге, але пастух одмовив им знов, кажучи:

— Поки не принесете менѣ что небудѣ таке, что зробив королевич власными руками и поки я не пересвѣдчуся, что ѣн выучився якого ремесла, доти не дам за него своеѣ доньки.

Повернулися старосты и знов розповѣли про все королевичовѣ. Не было як сперечатися. Сказав король сынови, что коли ѣн хоче пастухову доньку, то мусить навчитися якогось ремесла, яке вже там ему злюбитися.

Пѣшов короленько до кошикаря и навчився плести кошики. Выплѣв першій кошик и пѣслав пастуховѣ.

— Кто зробив сей кошик? — звѣдуе пастух.

— Королевич! — одповѣли старосты.

— А кѣлько варта отсей кѣш?

— Так з пять корон буде!

— А як довго ђн плѣв его?

— Один день.

— Добре. За день пять корон. За другій день знов кошик и знов пять корон, то вже буде десять! Як коли прийде бѣда, то як буде працювати, то вже не буде голодовати.

И отдав пастух свою доньку за королевича.

Зробили гучне королѣвске весѣля, а вже по весѣлю признався пастух, что ѡн так само король. Тогды его зать дав ему корабель та велики богатства и одослав его королювати до его землѣ.



ДЕ ДВА БЮТЬСЯ, ТРЕТІЙ КОРИСТАЄ.

Сварилися воробцѣ

За зернятко сѣмя

Стали чубитись в клювцѣ

В' голову та тѣмя.

А завзяти бились все,

Аж пѣря летѣло,

Не зважаючи, яке

Лихо ся коило.

Як синичка вздрѣла се,

Скоренько злетѣла

И без труда зеренце,

Вхопивши поѣла.

Бо ось кѣтка з буряноѡв

В мить ся пѣдхопила

И скоренько воробцѣв

Враз обох зловила.

И згадала кѣтка тут:

Правду повѣдають,

Что колися одни бють,

Други користають.

(Из Дзвінка 1913 р.)



Авраам Линкелн.

В Джентривілію, в державѣ Индіяна, в 1816 роцѣ стояла деревяна хижа, без дверей и склянных окон, с погнилою пѣдлогою, с постелею з сухого листа, с столом зробленим из обрѣзкоѡв и с двома або трема стѣльцями. Жили там Томаш Линкелн, чоловѣк доброго серця, а не умѣв нѣ читати, нѣ писати. Ненси Генкс была его женою, слѣда, тихонька, чутливого серця. А дуже зле єѡ было в тѣм бѣднѣм положенію. Мали

они десятилітню дочку Сару и великого, неповоротливого, осьмилітнього сына Авраама.

Родина ся недавно переселилася з подобної хижі в Гардин Кенты, в Кентуки; тут серед глухої гущавини вирубовали собі путь сокирою, а живилися зв'їриною, котру могли собі на пути убити.

Панї Линкелн мала одну книгу — біблію и з тої учила кождодневно свої діти. Авраам був два три місяці в школі, котру одерживало село и научився там читати. Скоро думав, легко запам'ятовав собі и майже усю біблію знав на память; у свого доброго учителя видів всї ті добрі свойства, про котрі говорилося в книзі.

Коли мав десять літ, винула йому дорога мати як та квітка серед кождоденних клопотів житя. Умерла скоро на сухоты а похоронено ю в простім деревищу під деревами пиля хаты. Найтяжше переносила горе дочка, котра в 15. році житя також померла. Хлопець не міг забути на мамку. День в день ходив на гроб, с'їдав там и плакав. На его лиці все був смуток, котрий ніколи в житю не забывали ті, котрі его в тій виділи.

По дев'яти місяцях написав Авраам письмо духовникови Елкінсови, доброму священникови, котрого знали еще з Кентуки; просив его, аби приїхав и держав жалобну бесіду над его матерею. Приїхав майже сто миль*) на коні. Одного рана в суботу, коли зійшлися сусіди з цілої околиці, дакотри на возах, инші на конях, промовив над гробом о дорогийнім християнській житю, котре спало в тій гробі. Рано померла, всеж таки положила основний камінь до одного з найбільших характерів, яки знає історія.

Хлопець, котрий сам був дуже товаришський, дуже любив читати и знати, що єсть за границями фарми, котру засівав. Вызичив собі опис Беніена „Поступ подорожного“, читав го нисколько раз и умів з него много повідати. Потім зичив му ктось „Езопові байки“ и „Робінзон Крузо“ и ті читав с неописаною радостею. Дознався, що за Кентуки и Індіаною простирався широкий світ, котрий ачеї міг бы пізнати колись.

По якійсь часі Томаш Линкелн оженився с вдовою, бывшою приятелькою Ненси Генкс, а та привела до хаты еще троє своїх дітей, а пак принесла письменний стіл, що Авраамови и Сарі видавалося дуже елегантним, — дасколько кресел и постіль. Авраам до тепер спав на підлозі хижі на м'їху, наповненій житною половиною; дійсна постіль выдавалася ему як чось дуже вибагливе.

Діти привитали радо нову маму в безпотишній дом; она стала напrawdę доброю и правою матерею для сиріт. Свому новому мало

*) миль англійська == півдруга километра.

тяжкому чоловікові додала трохи охоти до працѣ а хату спорядила чисто и красно. А что было найважнѣйше, то възбуджовала Авраама все ид читаню и то докладно, абы з того колись чтось выйшло.

Достався ему до рук опис Віма: „Житє Вашингтона“. Книжка ся стала для цѣлоѣ хижї правдивым раєм, бо всѣ слухали с великою цѣкавостею, кѣлько то всего доконав один великій чоловік. Босый хлопець, який носив штаны ледвы до колѣн, все у себе звѣдовав, ци не мѣг бы заняти в свѣтѣ якогось визначного мѣста. Не дивно отже, что коли его мати позвѣдала пѣдчас забавы с своими товаришами, что з него в свѣтѣ може быти, хлопець спокойно одповѣв: — „думаю, что стану президентом Сполученых Держав“.

Одного разу сталося нещастє з его улюбленою книжкою „Житє Вашингтона“. Ото одноѣ ночи затѣк дождь до хижї и замочив страшно книжку. Засмученый Авраам однѣс книжку назад властителям и працював три дни за двацять пять центѣв денно, абы мѣг заплатити шкоду и в той способ одержав книжку опять.

Покончивши через кѣлька мѣсяцѣв школу, имився Авраам до працѣ, рубав, сѣяв, колов дерево для газдѣв а заплату оддавав родичам. День всегда переводив на працѣ, а вечерами читав: „Плутархови житєписи“*) и житє Венямина Франклина. Дуже го любили сусѣды и жителѣ села, бо он умѣв походити коло малых дѣтей, оповѣдати казки, выголошовати стихи а навѣть сам их складати.

Хоть видѣв, что всѣ коло него пють отравни напоѣ, не доткнувся их, памятаючи при тѣм все на науку своеѣ помершоѣ матери. В своѣм серци все чув милосердіє до тых, котри при тѣм тяжкѣм житю нищили свое здоровля алькоголем. Одноѣ ночи напримѣр найшов он с своими товаришами в ровѣ лежачого пьяного чоловіка, майже непритомного а коло него стояв его терпеливый кѣнь. Положили чоловіка на коня и держали го, аж дойшли до найблизшого дому, де Авраам сидѣв над ним цѣлу нѣч, рятовав го и в концѣ привернув до житя.

Коли мав 18 лѣт, найшов собѣ мѣсто в малѣй крамниці; але не вдоволився лиш тым, что мѣг стояти за ладою и продавати; дуже много читав о Вашингтонѣ и Франклинѣ. Коли в пятнацять миль оддаленѣм Джентривілю одбывався час до часу якийсь суд а Авраам мав свободну хвилю, то ишов там, абы прислуховатися, як там судять. Потѣм сейчас позичав книжку „Ревидована устава Индіяны“ и с интересом читав, хоть та книжка для сѣльського парубка тяжка.

*) Плутарх был славный историк грецкій, написав славну книжку: „Житєписи освѣченых мужѣв грецких и римских.“

Одного дня чоловік, котрого судили о убійство, замовив собі славного тогды адвоката Джона Брекирайча, абы го боронив. Авраам прислуховався дуже до его оборонноѣ бесѣды до судіѣв. Адвокатова бесѣда дуже ему подобалася. Коли суд був одрочений, продерся высокій парубок, — на лиці котрого мож было читати великій подив, — до переду, абы адвокатови стиснути руку. Але адвокат мовчки перейшов попри него. Зойшлися они опять аж по 30-ти роках, коли Авраам Линкелн був уже президентом Унії, и тогды желав ему за его вымовность.

В апрѣлю 1828 навинулася ему давно ожидаана нагода погланути на свѣт поза Джентривілем. Один чоловік, котрый знав Авраамову честность и охоту до працѣ, просив го, абы ѣхав с ним човном по рѣцѣ Миссиссіпі до Нового Орлеансу. Доставав тыжднево лиш два доллара и страву; а коли човен не мѡг ити назад проти воды, мусѣв вертати домѡв пѣшки. Великодушный парубок видѣв при тѡй нагодѣ рѣчи, яки нѣколи в житю не мѡг забути: на вевольничих торгах продавали увязаных чорных людей, як скотѡв. То так ему зогидилося, что по лѣтах проголосив знесеня невольництва.

По двох лѣтах, коли вже став повнолѣтным, помагав Авраам перевозити родину отца до Іллиноа; поганяв чотырма парами волѡв, котри везли домашни начиня по болотнистѡй дорозѣ. Пѡтом злучився с своими пасербами, зорав 15 угрѡв землѣ, выставив деревяну хату и пѡшов в свѣт, абы заробити сам на себе, бо до теперь его заробок належав законно отцevi. Не все доставав гроши за свою працю. Нераз, коли набрав собі якоѣ матеріи на одежу, мусѣв довго зато одробляти.

Не мав краму, не мав грошей, а мусѣв робити, что му прийшло пѡд руку. Працьовав цѣлый рѡк раз для того, другій раз для другого газды а вкѡнци наняв его и его пасерба пан Оффут на будову и абы допроводжовали човны до нового Орлеансу. Властитель був так доволенный, что коли Авраам вернувся, достав нараз предложеня, абы приняв мѣсто в крамѣ и в млынѣ в Нью Сілм. Тут его знали пѡд именем „честный абе“ тому, что так честно все справовався. Раз якось продав одної жѡнѣ якийсь товар за два доллара и шѣсть и четверть центѡв. Позднѣйше замѣтив, что о тых дасколько центѡв взяв дорожше. Сейчас в ночи выбрався в дорогу, ишов двѣ три милѣ и вернув жѡнѣ надвышку. Раз знов купила якось жена пѡв фунта чаю. Позднѣйше пригадав собі, что не добру вагу еѣ дав, было за мало. Выбрався в дорогу, найшов жѡну и додав недоваженный чай. Жадав все пошановку для жѡн. Раз якось прийшов до крамницѣ один селянин и зачав грубо говорити. Молодой Линкелн наклонився через пулт и зажадав, абы пе-

ред жонами говорив спокойнѣйше. Коли жоны одойшли, зачав селянин воркотѣти. Было видно, что хоче сважати. Тогда Линкелн зорвался з мѣся и сказав: „Вы хотите за всяку цѣну быти битым; добре, на-товчу вас так добре, як кто иншій — и выплатив му, на что заслужив. Од того дня той чоловѣк був так добрым горожанином, як и други, а потѣм став Линкелновым доживотным приятелем.



Верховино, свѣтку ты наш.

Andante.



Вер - хо - ви - но свѣт - ку ты наш, гей, як у



те - бе тут ми - ло! Мов иг - ры вод плы - ве тут



час сво - бѣд - но шум - но ве - се - ло. Ой не - ма то




кра - ю кра - ю над ту Вер - хо - ви - ну, Там бы ме - нѣ



по - гу - ля - ти хоч од - ну го - ди - ну. Ой не - ма то



кра - ю кра - ю, над ту Вер-хо - ви-ну, Там бы ме - нѣ



по - гу - ля - ти хоч од - ну го - ди-ну.

З верха на верх, а з бору в бѣр
 З легкою в серцю думкою.
 В чересѣ крѣс, в руках топѣр
 Буяе легѣнь тобою:
 Черемоше, Черемоше, чиста твоя вода,
 Дѣвчинонько з Верховины, якаж твоя врода.

Там то бренишь брембиты звук,
 Щебече любо сопѣлка,
 А як звѣра завые згук,
 В челюсти плюне му цѣвка.
 А я тое дѣвча люблю, що бѣле як гуся
 Оно мене поцѣлуе, тѣльки притулюся.



Дѣточа забава в Зарѣчевѣ.

Гуси и вовк.

Ци на городѣ або хоть де знають дѣти так ся бавити. Одно з дѣтей *вовк*, один тот, шо шкиндать, а всѣ дѣти — гусята. Гусята сѣдають на травѣ рядочком навколо, а вовк хоть де в закутинѣ. Тот, что шкиндать коло гусят — (скаче на единой нозѣ довкола них) и газда, каже:

„Шкинду, шкинду попѣд лаз,
 Укусив ня чорный пес.
 Треба бо ми масти
 З дяковоѣ кости.
 Не є дяка дома,

Пѣшов до Ключова,
Ключи купувати,
Церков розмикати.
Кукуріку! — ляжу спати,
А вовк прийде гуся брати.“

Лягає спати коло гусят. Приходить вовк и бере едно гуся, иде с ним дале. Тот что шкиндять (іазда) встає и знов скаче довкола гусят и говорить: „Шкинду, шкинду по под лаз . . .“ знову вовк бере гуся, аж докля всѣ не вынесе. Тогды тот, что шкиндать, каже: „Не є мои гусята!“ Иде глядати. Кличе: „Гусю, гусю!“ Гуси: „Іа—іа—іа!“ Вовк стає на передѣ, гуси за ним. Приходить іазда до вовка: „Ци не видѣлисьє моих гусят?“ — „Пѣшли зеленев путьов!“ И указує хоть куды. Тот иде глядати, скоро вертаєся назад. „Не є их ту! Ци не видѣлисьє мои гусята?“ — „Пѣшли червенов путьов“ — и т. д. Або каже: „Полетѣли понад бѣли (синѣ, чорни) хмары“. Знов кличе: „Гусю, гусю!“ Гуси: „Іа—іа—іа!“ Тогды, тот, что шкиндать бѣжитъ с гусьми за вовком. А як имить то шкробать.

Подав уч. Б. Заглиньскій из Зарѣчова.



Народни приповѣдки на мѣсяць фебруар (лютый)

1. На Стрѣтеня стрѣтилася зима с лѣтом.
2. Мѣсяць лютый, звѣдує ци вбутый.
3. О, той лютый остро кутый.
4. В лютѣм нераз лѣтом пахне.
5. В зимѣ зубате сонце грѣє.



СОДЕРЖАНЫ:

Баронскій сын в Америцѣ (Конецъ)	81
Иван Вагилевич: — Мадей	85
Королевич и ремесло. — (Болгарска народна казка)	88
Де два бються, третій користає	90
Авраам Линкелн	90
Верховино, свѣтку ты наш	94
Дѣточа забава в Зарѣчевѣ — Гуси и вовк	95
Народни приповѣдки на мѣсяць фебруар (лютый)	96
Содержаня	96



Выходить 15. каждого мѣсяця окрѣм юлія и августа.

Редактор: Др. ИВ. ПАНЬКЕВИЧ. Презплата Кч 12.— на рѣк. Поодинокѣ число Кч 1.20.

Выдае Школьный отдѣл цивильноѣ управы Подкарпатскоѣ Руси.

Адресъ: ВВНОЧОК, УЖГОРОД, пл. Корятовича ч. 12.

Рѣчник III.

Ужгород, 15. марта 1922.

Число 7.

ТАРАС ШЕВЧЕНКО:

Чума.

Чума з лопатою ходила
Та гробовища рыла, рыла,
Та трупом, трупом начинала,
И „Со святыми“ не спѣвала;
Чи городом, чи то селом
Мете собѣ, як помелом.

Весна. Садочки зацвили,
Неначе полотном укрыти,
Росою Божою умыти,
Бѣлѣють. Весело землѣ,
Цвѣте, красується цвѣтами,
Садами, темными лугами . . .
А люде бѣдніи в селѣ,
Неначе злякани ягнята,
Позамыкалися у хатах
Тай мруть. По улицях волы
Ревуть голодни; на городѣ
Пасуться конѣ, не выходить
Нѣхто загнать, нагодовать,
Неначе люде тѣ сплять.
Заснули, добре знать заснули,

Святу недѣленьку забули,
Бо дзвона вже давно не чутъ.
Сумують комины без дыму
А за городами, за тыном
Могилы чорніѣ ростуть.
Пѣд хатами помѣж садами
Зашити в шкуру и в смолѣ
Гробокопателѣ в селѣ
Волочать трупы ланцюгами
За царину и засыпають
Без домовины.

Днѣ минають,
Минають мѣсяцѣ. Село
На вѣк замовкло, онѣмѣло
И кропивою поросло.
Гробокопателѣ ходили
Тай тѣ пѣд хатами лягли;
Нѣхто не вийшов вранцѣ з хаты,
Щоб их сердешных поховати, —
Пѣд хатами и погнили.

Мов оаза в чистѣм полѣ
Село зеленѣе,
Нѣхто в него не заходить;
Тѣлько вѣтер вѣе
Та розносить жовте листя
По жовтому полю.
Довго оно зеленѣло,
Поки люде з поля
Пожарище не пустили
Та не запалили
Села того зеленого.
Згорѣло зотлѣло
Попѣл вѣтром розмахало
И слѣду не стало.

Оттаке то людям горе
Чума виробляла!



Б. НЕМЦОВА :

Про Иванка.

Иванко быв малым хлопчиком и жив у одного оленя с золотыми рогами. Олень ходив на пасло, а всягды, коли одходив, приказовав Иванкови, чтобы заперся и нѣкого не пустив.



Иванко всягды запирав, але довго нѣкто до дверей не стукав. Аж одного дня застукав ктось до дверей, а коли Иванко звѣдовав, кто то, озвалися з вонка мили голоса :

„Иванчику, хлопчику,
Отвори нам хаточку,
Лиш два пальцѣ встроиме,
Мало ся загрѣме
Тай собѣ геть пойдеме.“

Иванко не хотѣв отворити, а голоса з вонка ще милѣйше просили.

Иванко быв бы им радо отворив, але боявся оленя. И не отворив. Коли прийшов олень, розповѣв ему Иванко, что ктось стукав до дверей, что мили голоса просили, чтобы им отворив, но он таки не отворив.

„Добре ты зробив, Иванчику, чось не отворив; то были лѣсовички. Колиб ты був отворив, были бы тебе вхопили“ — Иванко був радый.

Другого дня пошов олень знов на пашу, а Иванко замкнувся. По коротком часѣ одозвалися пѣд дверима ще милѣйши голосы, як попередного дня:

Иваночку, хлопчику,
Отвори нам хаточку
Лиш два пальцѣ встроиме,
Мало ся загрѣме
Тай собѣ гет поїдеме!“

Иванко не отворив, хоть радо був бы отворив, чтобы попозирати лѣсовички. Тут почали лѣсовички трястися од студени и так плакали, аж Иванкови стало и жалко. Отворив им трохи двери, так что могли два пальцѣ встромити. Дяковали ему лѣсовички и зараз же встромили межи двери два бѣленьки пальчики, потѣм цѣлу руку тай шустъ и вже были в хатцѣ; — вхопили Иванка и утекли с ним.

Иванко почав тогды кликати:

„За долами, горами,
С золотыми рогами
Де мѣй олень пасе!
Иваника, хлопчика,
Лѣсовичка несе!“

Олень пас ся недалеко, почув голос Иванка, прибѣг и одняв его у лѣсовичок. Иванко пообѣцяв, что вже нѣколи не отворить, навѣтъ, як бы лѣсовички ще милѣйше просили.

Даскѣлько днѣв нѣкто не приходив, аж знов одного дня озвалися пѣд дверима голосы:

„Иванчику, хлопчику,
Отвори нам хаточку,
Лиш два пальцѣ встроиме,
Мало ся загрѣме,
Тай собѣ гет поїдеме!“

Иванко творився, что не чуе, аж як стали од студени дуже трястися и просили, чтобы их пустив лиш трохи огрѣтися — сказав, что их не пустить, бо они бы знов вхопили его. „Не бѣйся, не вхопиме тебе, а коли бы и вхопили, то не маеш чого бояться; у нас было бы тобѣ лѣпше, як тут; мав бысь всего подостатком, а мы бы с тобою все бавилися.

Иванко дався намовити и отворив; лѣсовички мигом скочили до хатки, вхопили Иванка и утѣкли с ним. Иванко кликав знов:

„За долами, горами,
С золотыми рогами,
Де мѡй олень пасе!
Иваника, хлопчика,
Лѣсовичка несе!“

Але того разу кликав задар; олень пас ся далеко, не чув его тай лѣсовички однесли его аж до дому. Иванчикови было там добре, кормили его самими лакотками, але лиш прото, чтобы потовстѣв, а потѡм хотѣли его забити. Замкнули его и нѣ одна ним не бавилася. Коли вже довго у них прожив и много лакоток з'ѣв, прийшли до него лѣсовички, чтобы показав им мѣзинчик, коли показав им мѣзинчик, надрѣзали его трохи, чтобы побачити ци досить товстѣй.

Видався им досить товстѣй, прото роздягнули его, положили до корытка и несли до печи. Иванко був в грѣзнѡм положеню; просив, змилюватися над ним, але они нѣт; тогды почав плакати и кликати:

„За долами, горами,
С золотыми рогами,
Де мѡй олень пасе!
Иванчика, хлопчика
Лѣсовичка несе!“

В тѡм озвалися скоры кроки: прибѣг золоторогій олень, вхопив хлопчика Иванка на роги и погнав с ним до дому. Дома плакав Иванко и пообѣцяв, что все буде послушный и нѣколи вже не отворить лѣсовичкам дверей.

Из ческого переклала: МАРІЙКА ПОДГОРЯНКА.



Пышный цѣсарь.

Быв на свѣтѣ один цѣсарь, котрый из своим богатством страшно ся любив выхвалявати; и не раз казав так: „Не есть надо мною богатшого на тѡм свѣтѣ, не розкаже ми никто, ани сам Пан Бог“!

Раз так выйшов до своеѣ прекрасноѣ загороды полюбоватися красными квѣтками. Страшно тепло было; подумав собѣ, что поїде купатися, так и зробив. Конець его загороды текла велика вода. Пѡшов там

и зоблѣкся. Платя свое лишив на берегу, а сам скочив у воду. Там купався без жадноѣ журбы, весело.

Як ся купле, прийшов ид берегу один жобрак; зняв из себе свое цундря, взяв на себе цѣсарово, а свое там лишив, с тым тихо пошов. Цѣсарь, як вернувся о довгій час з воды, хоче ся облечи, але что видить? Его дорогое платя не естъ там, але мѣсто того цуравое цундря. Что мае робити? Не мѣг иншак зробити, узяв на себе такое, якое было, бо не мѣг нагій пойти нигде. Подумав собѣ, что пойде к найблизшому там бываючому гайникови и розповѣсть му вшитко, як ся с ним стало, буде од него просити даякое лѣпшое платя, бо так цундравый не може пойти до своеѣ палаты.

Прийшов ид гайниковому двору, але там на нього псы напали и почали го за ноги кусати. На тот великій гук выйшов и сам гайник и ледво мѣг одогнати псы. Цѣсарь почав ему розказовати, як ся с ним стало. Гайник лем головою покрутив и каже: „Ты не есь мѣй пан цѣсарь, я тебя не познаю, а кажу ти, чтобысь гнеть отсѣ одойшов, або ты дам заперти!“

Цѣсарь почав ему всяко казати, что он естъ правдивый его пан, что так а так стало ся с ним, але вшитко дарьмо было, гайник тому нич не вѣровав лем го одогнав.

Нешастный цѣсарь, что мав робити? Пойшов, але до своего двора не може вступити, бо анѣ слуга, анѣ его панѣ не спознають го.

Мав он одного сердечного товариша, тот го певно спознасть як му вшитко нешастя повѣсть. Иде там, але уже здалека псы выскочили и почали го витати як то звычайно жебраков витають. Слуги выбѣгли и псов одогнали. Цѣсарь попросив их, чтобы были таки добри, най пошлють пана к нему. Пан выйшов, а цѣсарь му каже: „Дорогій мѣй товарише! Як видиш стало ся со мною великое нешастя. Пошов ем ся купати, а там якійсь жобрак взяв мое платя, а свое лишив мѣсто того. Не можу так пойти до своего двору, ибо ня нѣкто не спознасть. Будь такій добрій, дай ми даякое лѣпшое платя; я ти за твою доброту заплачу.“

„Ты мѣй товариш?“ скричав пан грозно; Ты удурѣв! Мѣй товариш пан цѣсарь, лиш правѣ перше був у мене. Иди од мого двору або ты дам заперти, — почекай злодѣю, повѣм я то своему пану цѣсареви он ты дасть поймати, як ты смѣеш в его имню ходити по свѣтѣ!“

Цѣсарь став злостным, и жаль му было, что го тотѣ не хотять спознати, над котрыми он панув. Знов собѣ инше подумав, пойде просто дому, там панѣ его направду спознасть.

Прийде к своѣй палатѣ, але Боже милый! Стражник го не хоче на ворота пустити. А як то повѣв, что ђн є цѣсарь, слуга грозно закричав: „Не є то правда, бо его пан цѣсарь правѣ теперь быв на прогулку пѡшов из своею панею, теперь же по поворотѣ у свѣтлицы спочиваютъ.“ Цѣсарь, як тоє учув, из злости только что не ударив стражника. Прийшли єму на думку всяки зли мысли; подумав собѣ, что теперь тот жобрак в его платю в палатѣ сидитъ, а ђн муситъ так ходити бѣдовати а еще к тому и не хоче го жадный спознати.

Страшно був розлюченый и розжаленый. Не знав вже что має робити, вже и голод го мучив и трудный був. Як в тых смутных мыслях довго постояв, прийшло му на голову, что в далеком лѣсѣ живє один пустынник, котрый в день и в ночи лем ся молитъ. Пѡйде ђн к нему и повѣсть му вшитки свои горкости и болести. Пустив ся в тую дорогу. Ходив по великих горах, долинах, заклѣ не найшов в одной бѣдной яскинѣ пустынника. Прийшов в яскиню. На сперед него выйшов старенькій сивый чоловѣк, то був пустынник. Сей го дораз спознав, прикликав го в дну, посиловав го сѣсти на один камѣнь, ибо иншакого мѣста не было.

Цѣсарь сѣв собѣ одпочнув и зараз хотѣв почати казати свое нещастя, але пустынник єму то не дав, але казав му, чтобы першій раз высповѣдався а у сповѣди му може вшитко сказати. Цѣсарь клякнув на колѣна, помолився Богу и почав сповѣдатися. В сповѣди повѣв, як ђн раз в загородѣ так и так против Бога хуляв. Дуже тепло было, пошовся купати, а так и так ся с ним стало; теперь же дарьмо ходив к познаемным, дарьмо до своеѣ палаты, нигде никто го не хоче спознати.

Сердечна и жалостна была та его исповѣдь. По сповѣди пустынник его поблагословив и с тыми словами пустив его: „Теперь же с Божою помочєю вернися знов тою дорогою кудась ходив. Зайди до вшитких тых, у котрых єсь був а не хотѣли тя спознати; увидишь что теперь тя спознають. Але кажу ти; чтобысь бѡльше напротив Бога не хуляв и держи в умѣ всегда то, что Бог всемогущій и над тобою є бѡльшим Паном!“

Цѣсарь по тых словах с слезами в очах пѡшов. — Прийде к гайниковому двору, псы на него не брехали; гайник выбѣг, гнить го спознав як своего пана и цѣсаря, але здивовався, что то єсть, что его цѣсарь в таком то цундрявом платю. Як учув, что ся стало, гнить побѣг и принѣс что лем мав найкрасшое платя и подав цѣсарєви.

Сей же облѣкся в тоє платя, пѡшов дале до своего товари а. Той як увидѣв цѣсаря в гайницком платю, осмѣхнувся и звѣдовався,

прочто взяв на себе гайникове платя? Цѣсарь и ему вшитко розповѣв. Пан закликав его до своѣй найкрасшоѣ комнаты, выбрав му найдорожшое платя и подав ему. Цѣсарь подяковавши, облѣкся и пошов далє.

Прииде к своѣй палатѣ, стражник го не хотѣв пустити, але побѣг до комнаты и послушно голосив то цѣсаровѣй, что є туй один пан и проситсья до палаты, каже, что ѡн є цѣсарь. Панѣ не дозволила. Але той цѣсарь, котрый був в дну, позволив, чтобы го пустити.

Стражник пустив вонка стоячого. Убогій цѣсарь, як прийшов в дну, прибѣг ид своѣй пани с тыми словами: „Жоно моя, сердце мое, ты мня не спознаеш?“ Але она скочила и закричала люто: „Что ты хочеш од мене? Ты мѡй муж? Видиш, что мой муж пан цѣсарь ту є коло мене, ты не мѡй муж!“ Кричала грозно, але задивлена позирала то на одного то на другого. Не могла порозумѣти, як то може быти, что тѣ два паны такѣ суть подобнѣ один к другому и не могла жадну розлуку межи ними найти.

Первый встав горѣ, взяв за руки другого и стали перед панею. Тогды первый каже: „Панѣ наша, тепер собѣ выбери, котрый є истинно твоѣй муж?“

Панѣ лиш того первого выбрала, котрый був с нею в покою, бо хотяй они были один к другому страшно подобни, але той первый був облеченый в цѣсарску одежу, а той другій нѣт. Каже, что ты ся од мене такое звѣдаеш? Я не маю крем тебе жадного и не хочу другого лем тебе, ты єсь мѡй истинный муж“.

Тогды первый каже: „Панѣ наша! Я не твоѣй муж; сей є твоѣй истинный муж, правдивый цѣсарь. Он до теперь був за свои грѣхи покаранный.

Хуляв на Бога, убогих не спомогав, був гордым и лукавым, забыв то, что єсть над ним еще и бѡльшій пан, Бог небесный. Теперь же ѡн свои грѣхи обжаловав, за них тяжко покутовав и теперь же его грѣхи суть отпущени. Милуйтєся, будьте ласкави всегда, будьте милосердни к своим ближним и за Бога никогда не забывайте. Жийте благо и милоствиво“. Як сїи слова сказав, зник им перед очима без слѣду.

Переповѣла: Елена Фотул,
захоронница в Ужгородѣ.



ЗОЛОТИ МЫСЛИ ТАРАСА ШЕВЧЕНКА:

Учѣтесе, браты мои,
Думайте, читайте,
И чужому научайтесь
Свого не встыдайтесь;
Бо кто матѣрь забуває
Того Бог карає,
Чужи люде встыдаються,
В хату не пускають; —
Свои дѣти, мов чужіи, —
И не має злому
На всѣй землѣ безконечной
Веселого дому . . .

В своѣй хатѣ — своя правда
И сила и воля!

Страшно впасти у кайданы
Вмирати в неволѣ;
А ще гѣрше — спати, спати,
И спати на волѣ,
И заснути на вѣк-вѣки,
И слѣду не кинуть
Нѣякого! — однаково —
Чи жив, чи загинув . . .

И то лихо
Попереду знати,
Що нам в свѣтѣ зострѣнеться.

ВѢРА В БОГА

Мы вѣруєм твоѣй силѣ,
И слову живому:
Встане правда, встане воля
И тобѣ одному
Поклоняться всѣ языки
Во вѣки и вѣки.



Дурни люде.

Было, где не было, за сѣмдесятьсемою державою, где маленькое куртохвостое поросятко рыло — было одно село. Но дѣточки, я вже дуже много держав иереходив, но еще такого села не видѣв. Один-два люде были розумни, а други всѣ дурни. Межи сими дурными людьми у одного був один розумный хлопец. Задарьмо був он розумный, дурну дѣвочку взяв за жону. То правда, что в селѣ не находилася нѣ одна розумна дѣвочка, бо каждый знав, что все село дурное.

Жили они, жили, час ишов за часом. Раз лиш каже стара своѣй донцѣ:
— Иди, дѣвочко, иди в хлѣв, здѣй корову.

Выйшла донька, сяде пѣд корову, доить, доить, молоко тече в скопец. Раз лиш одна цятка на землю цяпнула.

— Йой! Йой Боже мѣй, Боже мѣй — плаче донька, что будутъ казати в селѣ, если дознаються, что одна цятка молока не в скопец, но на землю впала. А если дознаеся муж! О якій смѣх! О якій великій смѣх!

Падали слезы як дождь, потѣм впала на колѣнки коло коровы руки ламлючи а так молить коровку:

— Коровко моя, коровко любя, дорога коровко, никому не кажи, что из молока одна цятка пала на землю, бо великим смѣхом стануся в селѣ!

Корова и не слухае на такое, токмо стоить спокойно на однѣм мѣстѣ и глупо дивиться на доньку.

Пѣд сим часом не могла порозумѣти старушка, прочто так задовго осталася донька в хлѣвѣ, пѣшла и она в хлѣв. А донька все колѣнкуе и просить корову:

— Коровко моя, коровко! солодка коровко, не кажи никому, что ся стало.

— Что ся стало такое душко? — звѣдае старушка.

— О мамко моя, мамко! и не звѣдайте. Одна цятка молока цяпнула на землю. Загубить мя ганьба, як люде дознаються.

Напудилася и старушка. И она приклякнула коло коровы, руки склчила и так просила корову: не выкажи сѣю велику ганьбу, что ся стало с донькою.

Пѣд сим часом прийшов до дому и старик, глядае жону, глядае доньку, и сына: и одного не найшов в хатѣ. Глядав на дворѣ, и там не найшов. — Може быти, что в хлѣвѣ суть, думав старик и пѣшов в хлѣв.

Там колѣнковали двѣ жоны плачучи и просячи корову.

— А с вами что ся стало ?

Кажуть что.

— Но съому и половка не фигля, — каже старик, и он упав на колѣнки, руки склотив и просив корову, чтобы не выповѣла тую велику ганьбу дакому, что ся стало с донькою.

Прийшов до дому и молодой господарь. Глядає жону, мать и отца, не може их найти нигде. Думав собѣ, что дагде отышли.

Коло вечера зайшов в хлѣв подивитися на корову. А там найшов свою жону, мать и отца. Там колѣнковали всѣ трое, плачучи так, что чудо великое, что стойня не распалася.

— За что вы так плачете ? — звѣдав молодой господарь.

Кажуть, за что.

— Гей, много дурных есть в сѣм селѣ — каже молодой господарь, — айбо не вѣрую, чтобы ще таких трьох дурных можно найти в селѣ. Завтра схожу в село, а если найду таких трьох дурных на-вернуса, а если нѣт, тогды дойду так, что бѣльше не увидить мя.

Так и сталося, як сказав. Другій день иде улицею, видить спереди одноѣ хижи 5 людей напинаючися. Одну довгу геренду хотѣли занести в комнату перекрестно. Правда, что таким способом не могли занести геренду в комнату.

— Перерубайме на двое, — радив один.

— Но менѣ так довгу треба, як теперь — каже властитель геренды.

— Но, если так треба — каже другій — выбийме стѣну с двох сторон коло дверей, так стане.

Сейчас напали на стѣну, били сокирами. Пѣд сим часом прибыв до них молодой господарь и дивуеся.

— А вы что робите ? — звѣдав их.

— Гей велика бѣда есть туй брате. Смотри, хочеме занести сесю геренду и не став на двери.

— Боже ! Боже ! что вы дурнѣ. Имѣть геренду повдовж зараз стане.

Попозирали на ся дурни и чудовалися, як то може быти.

— Так есть, правду має.

Имили геренду повдовж и занесли.

— Но — каже молодой господарь сам до себе, вже найшов ем 5 таких дурных, як домашни, но зато иду дале, може найду и бѣльше.

Иде, иде, выйде на поле, а там увидѣв одного чоловѣка жати пше-ницю. Раз лиш надыйде на пшееницю один вѣл, ходив горѣ долу по пшееници, вѣв и толочив.

Гей напудився господарь. Та сей вѣл теперь помѣсит его дорогу

пшеницю. Зачав думати что ему робити. Недалеко от него 15 людей жало. Прикликав их, чтобы были ему на помочи вывести вола из пшеницѣ.

Зойшлися сусѣдове и почали розсуджати, один одно, другій другое радив, а на послѣд досудили, что из села принесуть один великій мотуз, повяжуть лабы волови и так вытягнуть из пшеницѣ.

Зараз и побѣх один из людей в село, прибѣг с мотузом, перевернули вола и начали вязати.

Молодой господарь дивився из пути, что роблять дурни, потом приблизився к ним и ѡн.

— Дурни Вы! Подайте сюда мотуз.

— Что хочеш с ним? — звѣдали.

— То вы не звѣдайте, что хочу, зараз проукажу

С тым имив мотуз, красно завязав волови на роги и красно вывѣв вола из пшеницѣ за собою.

— Но видите — каже один другому — а сесе нам не прийшло в розум.

— Гей, что ты розумный брате, найти Бог подержить розум на довгий час.

Посему не ишов дальше молодой господарь. Найшов доста — каже — дурных людей подобных до домашних не трое, но дватцятро.

— Сесѣ ще дурнѣйши, каже сам о собѣ. Вже лиш пойду до дому с ними живу, терплю, доколи Бог позволить.

Як сказав так и зробив.

Из уст народа подав: Дмитрій Анталовскій, уч. в Горондѣ.



ТАРАС ШЕВЧЕНКО:

КАЛИНА.

Не сон трава на могилѣ,
В ночи процвѣтае,
То дѣвчина заручена
Калину сажае,
И слезами поливае
И Господа просить,
Щоб послав ѡн дощи в ночи
И дробніѣ росы.

Щоб калина принялася
Розпустила вѣти, —
Може пташкою прилине*)
Милый з того свѣта.
„Зовю ему кубелечко**)
И сама полину,
И будемо щебетати
З милым на калинѣ.
Будем Бога выхваляти
Тихо розмовляти
Будем в купочцѣ у ранцѣ
На той свѣт лѣтати.“

И калина принялася
Вѣти розпустила,
И три лѣта на могилу
Дѣвчина ходила.
На четверте не сон — трава
В ночи процвѣтає,
То дѣвчина з калиною
Плаче розмовляє;
Широкая, высокая
Калино моя,
Не водою до схѣд сонця
Поливаная!
Широкіѣ слѣзы рѣки
Тебе полили
Их славою лукавою
Люде понесли.
Зневажають подруженьки
Подругу свою
Зневажають червоную
Калину мою.
Калиночка червоная
Свѣте мѣй ясный
Повий мою головоньку
Росою умый,
И вѣтами широкими

*) прилине — прилетитъ

**) кубелечко — гнѣздо.

Од сонця закрий!
 В ранцѣ найдуть мене люде,
 Мене осмѣють,
 Широкиѣ твои вѣти
 Дѣти оборвуть.

В ранцѣ рано на калинѣ
 Пташка щебетала,
 Пôд калиною дѣвчина
 Спала не вставала.
 Натомилась молодая,
 На вѣки спочила . . .
 Не сон трава перед свѣтом
 Одцвѣла, завяла,
 То дѣвчина на могилѣ
 Плакать перестала,
 Перестала слёзы лить
 И тяжело любить,
 На вѣк-вѣки на могилѣ
 Слёзами умыта.



Вѣсти из житя дѣтей.

Масарикове свято в горожаньскôй школѣ в Ужгородѣ.

Старанѣм дирекціѣ руськоѣ горожаньскоѣ дер. школы в Ужгородѣ одбывся дня 7. марта 1922. рока о год. 5. п. п. в салѣ керамичноѣ школы з нагоды 72-гих уродин президента чеськословенскоѣ республики Томаша Г. Масарика торжественный концерт из слѣдуючою програмою:

- 1.) Привѣт: М. Григашій, директор школы.
- 2.) Верховино свѣтку, ты наш:—мѣшанный хор.
- 3.) В. Пачовскій: Скарб руськоѣ землѣ.
 декл. Розалія Гольдштайн, уч. III. класы.
- 4.) Л. Штреаббог: Qiseaux de paradis: Солью на клявирѣ: В. Шехтер, ученик I. кл.
- 5.) Реве та стогне Днѣпр широкий: мѣшанный хор.
- 6.) Ал. Павлович: Могила под Бардіовом, декл: Михайло Гірец, ученик III. кл.

- 7.) Г. Бизет: Кармен: Сольо скрипкове, одограм: Александр Блюм, ученик IV. кл.
- 8.) Изидор Воробкевич: То наши любви высоки Карпаты, декл.: Гани Вайс, ученик IV. кл.
- 9.) Бетовен: Menuett, Батор: Danse de magicienne: Сольо на кля-вѣрѣ: Магда Гамош, ученик I. кл.
- 10.) Пѣшли женцѣ жито жати: Сольо в супроводѣ мѣшаного хору: Василь Генцій, уч. IV. кл.
- 11.) Славянські гимны: мѣшаний хор.

Всѣ народы Ческословенскоѣ республики величаво и торжественно святкували 72-ги роковины уродин нашого президента Томаша Г. Масарика. Но не менее торжественно в том дни обходила то свято гор. дер. школа. Директор Михайло Григашиѣ выголосив промову, в котроѣ заявив, что в той празник и он зо своим учительством и учениками пересылає нашому дорогому президентови щирый привѣт и кличе щирым руським сердцем: Най жиє наш президент Масарик на многія и благія лѣта для добра всѣх народѣв Ческословенскоѣ Республики и нашоѣ краины Подкарпатскоѣ Руси.

Концерт удался прекрасно, а всѣ участники дали доказ великоѣ пошаны нашого президента.

На концертѣ появилась предстваники найвысших урядѣв Подкарпатскоѣ Руси, а именно: Вицегубернатор Др. Петро Еренфельд, школьный инспектор Подк. Руси Юсиф Пешек, директор гр. кат. сем. учит. Авг. Волошин, инспектор гор. школ Подк. Руси Кароль Дрож, полковник Гатовинскій, Др. Мих. Брацайко, Стаційна команда поручник Мудрицкій, директор кер. школы Шпаля и друга руська, чеська и мадырска интелігнція. Салѣ керамичноѣ школа была заповнена. Всѣ точки концерту выконани были старанно и похвальне. Диригентом быв п. Михайло Виняр. Аранжерами на салѣ были: п. Алекс. Бляєр, Мих. Грицов и Нандор Ремеш, а при касѣ: Михайлина Долинаѣ з Лавецких и Меланія Фотул.

Треба пѣднести и признати також и заслуги и працю панѣ Григашиѣовоѣ, жены директора, котра пристроила и прикрасила на сценѣ портрет п. Президента.

Чистого доходу из концерта было 937 Кч., котру то суму вложено до банку, як помочный фонд школы. В.

Дѣточа забава в Жуковѣ.

Дня 19-го януара на Богоявленіе 1922. года была по вечерни в Жуковѣ латочанского округа Бережанскоѣ жупы, театральна выставка для дѣтей: „Святый отецъ

Николай в гостинѣ на Подкарпатской Руси.“ Забаву робили каждодневни и повторительни дѣти, а выучив их Іоан Сидор, церковный пѣвцо-учитель. Бавилися дѣти в церковной школѣ с великим и прекрасным успѣхом, понеже забава соклочена была с школьными и народными спѣванками. Для Николая шили и другу одежду, также для ангеликов и чортика приготавлила учителява супруга Паула Скиба. Чортик робив шеляки смѣшши рѣчи на потѣху дѣтей и народа. Ангелики натурально были облечени и свою науку прекрасно преподавали. Василько и Марька дуже прекрасно сказали свою часть, Марька деклемовала верш „Куп ми мамко книжку“ и спѣвала спѣванку „Руська земля наша мати“. На преставленю явилися сельскѣ обывателѣ в большом числѣ и священник Андрей Дудинскій с супругою и вшитким своим семейством. Забава починалася гимном „Подкарпатскіи Русины“ кончилась: „Я Русин был“.

Понеже соклочени школни и народни спѣвы народу и священнику дуже ся любили, священник Анурей Дудинскій гратуловав мѣстному учителю за великій успѣх и побуджав, чтобы и на дальше занимався просвѣщенем нашего народа, на что сельяне радостно заспѣвали „многая лѣта“.

Преставленя играли таки ученики :

- | | |
|------------------------------------|-----------------------------------|
| 1.) Василько—Василь Панько. | 6.) Ангел с трубкою—Евгеній Сидор |
| 2.) І. Ангел—Анца Гогна. | 7.) Николай—Андрей Белла. |
| 3.) ІІ. Ангел—Оленна Белла. | 8.) Марья—Анца Смочко. |
| 4.) Ангел Хоронитель—Гафа Деркач. | 9.) Чорт—Митер Якубич. |
| 5.) Ангел с звоночком—Маря Чорнак. | 10.) Стефенко—Иван Бѣлый. |

НАРОДНИ ПРИПОВѢДКИ НА МѢСЯЦЪ МАРТ.

1. Ще покаже марецъ, что замерзне старецъ.
2. Кто в мартѣ сѣяти не зачинае, той про свое добро запоминае.
3. Март не выйшов з пущения, а березень з паски.
4. У великом постѣ не ходи в гостѣ.
5. При постѣ добре збути гостѣ.
6. У бѣдного что день пѣст.

СОДЕРЖАНЫ:

Тарас Шевченко: Чума	97
Б. Немцова: Иванко	99
Пышный цѣсарь, переповѣла Г. Ф	101
Золоти мысли Тараса Шевченка	105
Дурни люде: Народня казка, подав: Д. А.	106
Тарас Шевченко: Калина	108
Вѣсти из жия дѣтей: Масарикове свято в горож. шк. в Ужгородѣ	110
Дѣточа забава в Жуковѣ	111
Народни приповѣдки на мѣсяцъ март	112
Содержаня	112

ВѢНОЧОК

ДЛЯ ПОДКАРПАТСКИХ ДѢТОЧОК.

Выходить 15. каждого мѣсяця окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдаѣ Школьный отдѣл цивильноѣ управы Подкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. апрѣля (березня) 1922.

Число 8.




Христосъ воскресъ!

Слова Леонида Глѣбова
Муз. Стефана Чайковского.

Христос воскрес!

Скоро



2. Нехай брѣнѣть и пахнуть цвѣты
Нехай почуѣ Божій рай,
Як на землѣ радѣють дѣти
И звеселяють родный край.
3. На нас погляне Божѣ Матѣ
Радѣючи з свѣтых небес . . .
Збирайтесь дѣти но-ж спѣвати
Христос воскрес! Христос воскрес!



Соловій и его кум.

(Народня казка.)

Колись давно соловій мав лиш голову. Раз ишов он на храм тай журился, что не буде мочи нѣчо ѣсти, бо не мав тулуба. Але по дорозѣ здыбав свого кума Клѣща тай каже: „Куме Клѣщу! Позыч менѣ ту-

луба. По празнику оддам тобѣ его!“ — А тулуб подобався ему дуже и он вернув з храму иншою дорогою, чтобы не здыбаться с Клѣщем. Клѣщ чекав, чекав и не мѡг дочекатися. Пѡшов отже до соловія тай просить :

„Ей куме соловію! Оддай менѣ тулуб!“

А соловій закричав на него: „Чи я налазив за тулубом до твоеѣ хаты? Сам добровольно дав ты его менѣ. Не оддам, хибѡ одбереш силою.“

„Силою одобрѡти не можу, але прийду в ночи и выкраду“, каже Клѣщ.

Не такій я дурный, як ты мудрый! — каже соловій.

Я тулуб припну нѡжками до голузя, а як ты прийдеш, то не одорвеш!“

Але в ночи ирийшов таки Клѣщ и хотѣв одорвати тулуб. Соловій прокинувся и перепудженный пѡчав кричати:

Кум Клѣщ — Кум Клѣщ,

Бийте, бийте,

Кум Клѣщ — Кум Клѣщ!

Цѣвігу, цѣвігу, цѣвігу.

Ловѣть, ловѣть, ловѣть!

Пѡтоком, потоком, потоком,

Забѣгай, забѣгай, забѣгай,

Одти, одти, одти, одти

Туда, туда, туда, туда,

За ним, за ним, за ним, за ним,

О!

Од того часу соловій не спить вже ночами, а спѣває, а бѣдный Клѣщ ходить без тулуба.



Скарб царя гороха.

(Из пѣснѣ шестоѣ ЛИС МИКИТА“ ИВАНА ФРАНКА.)

Царь Лев послав еще раз борсука Бабая за Лисом Микитою, абы той ставился перед суд. Бабай привѣв его. Царь Лев дав его судити перед трибуналом, в котрѡм засѣдали стари Цапы и Ослы. Присудили

го повѣсити на галузцѣ. Коли привели Лиса Микиту пѣд дерево, просився ѓн еще дозволити ему сказати пару слѣв, абы мѡг всѣм сказати свои грѣхи а с тым и грѣхи своих товарищѣв.

Скинувши не одну вину на Медведа и Вовка, сказав, что через них быв бы и згинув, коли бы не скарб царя Гороха, котрый мав стати причиною згубы царя Льва. Царь Лев учивши се, приказав сей час Лисови Микитѣ оповѣсти про сей скарб.

Слушайте-ж, як Лис Микита
Цупко, якбы кѡнь з копита,
На брехню пустився й лєсть!
Щоб лиш на гилѣ не згинуть,
Не задумавсь камѣнь кинуть
И на батька свого честь.

„Царю и весь честный зборе!
Превелике, люте горе
По заслужѣ бе мене!
За злодѣйство дам я душу,
Та одно злодѣйство мушу
Розказати вам страшне.

Кѡльканадцять лѣт вже тому,
Як мѡй батько — де, в якому
Мѣсцѣ, кто се зна? — напав
Славный скарб царя Гороха.
Та добра єму нѣ троха
Скарб той клятый не придбав.

Батько мѡй був горда штука.
Финансовая наука
Був его любимый фах.
Льстив царю, мѣняв все фарбу,
Щоб лиш стать министром скарбу,
Он на се острився страх.

Та ты, царю, хитрость скрыту
Проглядѣв, прогнав Микиту,
А министром став пан Рись.

И пѡшов мѡй батько в пуцу
И понѣс ѓн думу злющу —
Одомстити тобѣ колись

В пуци скарб знайшов заклыйтый,
И почав ѓн мѣрковати,
Щоб великій бунт пѡднять,
Щоб паря зопхнути з трону
Славну-ж царскую корону
Щоб Медведеви оддать.

Спѡлку ѓн зобрав велику.
З листом шле Кота Мурлику
До Бурмила: так и так.
Льва мы хочем скинуть з трону;
А як ты его корону
Хочеш взять, пришли нам знак.

Ну, на вѣсть таку Бурмило,
Якбы що его вжалило,
Схоповся и сам прибѣг.
„Братя, — каже — я все з вами!
Або ляжем головами,
Або Льва завяжем в мѣх!“

Батько мѡй и Кѡт Мурлика,
Вовк, Бурмило и велика
Их родня, усѣ зойшлись,
И на бунт, на чорну зраду,
Братовбійчу, люту зраду
Всѣ врочисто сприяглись.

Из околицъ чужоземных
За горохѣв скарб наемных
Мали войск навербувать.
Я пѣдслухав всю их змову
Про страшну еѣ основу
Став я пильно мѣркувать.

Я Бурмила хитру злобу
Добре знав, еѣ основу
Непочестну и смѣшну
Став ровнять с тобою, пане,
И кажу: „Сей опуд стане
Нам царем? Ну, батьку, ну!“

Знав ты скарб знайти великій,
Та бѣда, коли владики
Лѣпшого знайти не вмѣв!
Де Бурмило — пан народа,
Там пропала честь, свобода,
Голос правды занѣмѣв.

И неначе голос з неба
Звав до мене: треба, треба
Завязати зрадѣ рот!
Хоть той зрадник — батько твѣй,
При царю ты вѣрно стої!
Будь, Микито, Патріот!

„Так розмѣркувавши гладко,
Дожидався, аж мѣй батько,
Як була умова знай,
Там у зрадникѣв тых темных,
На вербунок войск наемных
Рушить у сусѣдний гай.

Вже давнѣйше, в переднѣвку
Выслѣдив я ту кривку,
Де мѣй батько скарб сховав;
Нуж теперь безпроволочно
Вносили денно йочно!
Все дочиста я забрав.

„Невеликій час минає,
Аж мѣй батько повертає:
Вже готово войско жде!
Лиш вербунок заплатити,
Генералѣв назначити
Хоть в огонь оно пѣйде!

Не витав родню, домѣвку.
Батько мѣй, лиш у кривку
Просто шасть — и обомлѣв!
Препуста — пуста печера,
Что була ще повна вчера!
Скарб увесь мов кто замѣв.

Що ѣн бѣга, шкребе, нюха, —
Скарбу нѣ слѣду, нѣ духа!
Тут старый ума лишився!
Заскомлѣв, немов на зубы,
Далѣ шнур знайшовши грубий,
На гиляцѣ задушився.

А Несытый и Бурмило
Зрозумѣвши, що постигло
Батька мого, подались:
Страх лояльни поробились,
И служить тобѣ пустились, —
Зрадником остав сам Лис.

„Днесь они пѣдпоры трону!
Я ж, що спас царя й корону,
Батька свого погубив, —
Пѣд гилякою тут стою
И смерть бачу над собою.
Ну повѣсьте! Я скѣнчив:“

Так то Лис в брехнѣ був смѣлый!
Всѣ присутни остовпѣли,
А сам Лев аж затремтѣв.
„От оно що тутка скрыто!
Дякую тобѣ, Микито!
А . . . той скарб . . . ты де подѣв?“

„На высокѣй Черногорѣ,
Де Черемои воды скори
По камѣню в низ жене,
У Говерлѣ просто сердца
Коло третого реберця
Е леговище скальне.

„Только слухай: в добру пору
Ты зо мною в Черногору
Завтра рушити скоро свѣт;
Лиш я сам до того льоха,
Де в скарб царя Гороха,
Буду знати тайный хѣд.“

„Там лежить той скарб неткнутый. . . „Царю, — Лис сказав маркотный, —
Царю, твоѣ он мусить бути,
Я тобѣ его зберѣг!
Жалко тѣлько, что никому
Не сказав я стежки д нюму,
Щоб по моѣй смерти мѣг . . .
З радоѣ души охотный
Я з тобою йти в ту путь.
Та в предсмертну я годину
Шлюбував, коли не згину
За грѣхи покуту збуть.“

Лев не дав ему скѣнчити.
„Хто тут смѣе говорити
Ще про смерть якуюсь днесь.
Царске право е прощати.
Зараз з нього шнур той зняти!
Мы касуем весь процес!“

„Пѣшки до Пелопонезу,
Потом аж до Херсонезу
Шлюбовався я пѣйти.
Як поверну, ясный пане,
Скарб од разу весь твоѣ стане,
Найбогатшим будеш ты!“

Бѣльше маеш ты заслуги
Мѣж звѣрями, нѣж кто другій!
А грѣхи тѣ, що за них
Мав ты высѣть, правду рекши
Всѣ не варти торбы сѣчки
Супроти заслуг цѣнных.

„Щож — Лев мовив, — рѣч побожна!
Шлюбовав — ломать не можна, —
Тож иди й здоровый будь!“



ГНАТ ХОТКЕВИЧ :

Великдень на Гуцулах.

От и Великдень! Великій день.

Минула цвѣтна недѣля. Нахлостовали гуцулки свою вѣмостечку по плечах прутем, приговорюючи шепеляво, як до дѣтины: „Не а бю, бечка бе, од нынѣ за тыждень Великдень“.

А легинѣ с дѣвками так хльоскалися по-пѣд церквою, что кожухи трѣскали. Не одна тай не один пѣшли д' хатѣ с доброю смугою через лице.

Минула и живна середа. Кокуцарѣ бѣгали с галасом та реготом селом, ставали в ряд пѣд хатами и кричали что-духу:

Грѣйте дѣда — дайте хлѣба!

Грѣйте дѣда — дайте хлѣба!

Грѣйте дѣда — дайте хлѣба!

Абы вам овечки!

Абы вам ячнички!

Абы вам телички!

А газды выносили кокуцы та обдаровали дѣтву.

Село принаряджовалося, приоздоблювалося, газды опоряджовали свои осередки назверху: вывовили гнѣй з подвѣря, обкутовали маржину, чистили кошары, назношовали сѣна та нарубльовали дров на цѣли святки, бо як бы рубав дрова пѣдчас свят, то бы птаха кукурудзы рубала.

А газдынѣ давали лад в серединѣ хатѣ; мыли столы, лавицѣ, ослоны, мастили припѣчки, опецки, очѣчковали образы зѣлем, писанками та голубцями. Робили „дѣдѣв“, звязуючи кукурузяни шульки у гущму хвостами та ровненько в низу обтинаючи чивки, потѣм поплѣвши кѣски, завѣшовали на „бегариках“.

Мывся посуд у шафцѣ*) та в намиснику, усѣ тотѣ мыски, глеки, черкасы, боклагы, горщата, пугарѣ, блеховки, колачи, что так выгодно виснуть на руцѣ, абы мож и наливати и выпивати. А газда и собѣ прикрашуе стѣну: вычистив топорцѣ, тобѣвки старосвѣцки бляховани, порошницѣ, гарапники и яки касши дзѣобнѣ; дав порядок отым кресам, пушкам, та пѣстолетам, бо будуть у роботѣ через цѣли святки, а поки что — мають хату закрасити: повѣсив ряд конячій на клинках, тарницѣ с стремениами, абы кожде видѣло, ож не без шкапяти ся жие.

А газдыня вже вчиняе паску, маже рѣдким тѣстом хресты на стѣнах, сволоках, одвѣрках, оконницях. Мѣситъ тѣсто с побожными думками, стараючися гнати од себе всяку злость и нечисть. А як пора уже ставити паску у печ, выходить газда з хаты — не пускати нѣкого входить, бо бы врѣк.

Ще хвилька — и чути то там, то там высрѣлы селом: то газда, заглянувши з надворя у окно, видить, что вже суне жѣнка паску у печ и бавкае тогды з пѣстоля. А газдыня любо приговорюе до паски и просить: „Якась лѣзеш у печ ладна та гладонька, така обысь и вылѣзла“ . . .

✱

Наступила трѣвожна хвиля — вытягати паски. З битем сердца

*) малѣй скринѣ.

вытягали жѣнки в сю хвилю паски по цѣлѣм христіанськѣм свѣтѣ; ворожили на паску не сами гуцулки — отже Анницѣ вже сам Бог простив.

Перехрестившись моого раз, посягла Анниця у печ и тремтючими руками вытягла першу паску.

Все, что было живого у хатѣ, навѣтъ и кѣтка — сунуло до припечка. А на нѣм красовалася пышна, пухка перша паска. Перша паска!

Ой дяковать же Богонькови святенькому, что ми так погодив! — и хрестила ся и тѣпалося сердце од радости.

Е что показати на столѣ, е чим перед людѣми похвалитися, е про что говорити цѣлый тыждень. Уже заранѣ уявляла собѣ Анниця вдокійцине лице — як она увѣйде у хату и насамперед зиркне на паску.

— Ой у тебе, Анничько, паска нѣвроку. А у мене щось сего лѣта не тее.

А у неѣ так что-гѣд. Бо одно не умѣе, а друге нехарна а коло того треба охайности.

Повитягали менши паски, повитягала перепѣчки. Трошка потревожилася была, як тягла паскевник: наткано в нѣм глухим концем яецѣ тѣлько, кѣлько е душ у хатѣ. Та котре яйце трѣсне — та душа мае вмирати сего року.

На щастя, усе было цѣле. Не знала вже Анниця, як того Бога и назвати, что быв такий добрый тай стѣлько добра наворожив. И сама была така добра, что сорочку бы попросив — и оддала бы. Навѣтъ Штефан, завсе суворый и мовчазливый, мов посвѣтлѣйшав и задоволенный сидѣв на лавѣ. Хотѣв курити, але жѣнка не звелѣла: каже, что не вольно.

Пѣшла вынесла паскевник з коморы. Е-то не простый паскевник быв! Брат Анничин таке вдасть, як схоче! А над сим сидѣв бытось мѣсяцѣв чотыри — але бож и выробив! Хоч бы королѣвна сама несла паску до церкви у нѣм, то бы ся не повстыдала! То вже и быв выцвякованый та пацѣорками повыбиваный мудро тай ще раз мудро. Давали барана Анницѣ за сесь паскевник, але де!

Теперь почала его опоряджати. На сам спѣд поклала хлѣба, худобенноѣ паски, сыра букату, ковбасу, ракву с маслом, солонину, яйця, а межи ними сире одно — бо то проти згаги добре. Флашу с тою водою, что ся варили — од неѣ помагае; з боку наткала хрѣну с косицями, часнику и всього-всего что треба.

А упорядивши паскевник, поклала его в одно усе бесаг а в друге — першу паску, перепѣчки, свѣчки, куски солонины, будженцѣ. Штефан важив тото на руцѣ, довго похитуючи, Анниця запытливо дивилася.

Штось сесе переважує, треба чтось докласти.

Аниця докладала, а Штефан знов важив на руцѣ.

Нарештѣ бесаги выважени, завѣшени на кѣлку, хата опоряджена, все готове. Лягають спати. Там того спання буде — от, абы очима клѣпнути. Як у верхах сидять газды, то май о пѣвночи встають, бо доки ся умыти, доки ся прибрати, доки газдыня дѣвкам волося опорядить то вже и час до церкви.

А церковця — уже чистенька, уже прибрана прикрашена: паламарь из своєю челядею сами любуются теперь своєю роботою.

Днина обѣщала быти файною. Добрым свѣтлом розсыпалося сонце по яснѣй зеленѣ трав, грало на свѣжных пупонках смerek; де не де вже й дерева были в листочках, тихо стояли горы, мов говорючи: „Выдѣли мы выдѣли . . . выдѣли не раз . . . Щей не те мы выдѣли. Ого“ . . .

Вже починала з'ѣздитися гуцулія. По всѣх пляях и плаичках зачервонѣлися сардаки, хустки, мов по величезном, зеленѣм мурашковиню порозповзалися черлени комашки. И облича у всѣх радостни, весели, кричать усѣ дзвонко та голосно, цѣлуются mocno зо смаком. Аж нема де коням ставати коло церкви — тѣлько их напираталося.

Паламарь навив цѣлый оберемок витиць и теперь продає; люде купуют, лѣплять на паскевники, обдѣлюются всѣ взаимно дорою*) з приговорками и желаньями всего найкрасшого, цѣлючи одно другого по руках.

А церква вже гуде. З „інієм“ вывалилася вся гуцулія за попом на майдан. Несутъ „святость“, а о. Василь вѣшкою кропить паски. И лиш крапля воды свяченоѣ долетить до паски — бухає гуцул з пѣстоля. То знак дає домашним, что вже ади нашу посвятив. А домашни мають пѣзнавати гук; то наше пѣстоля, то „дядя“ стрѣляютъ . . .

А як лиш посвятилася паска, борзенько збирає газда у бесаги все свое добро, сѣдає на коня и — гонить! Гонить на увесь дух кѣньскій, кѣлько ноги затыгають. Ого! Тут вже покаже гуцул, якій его кѣнь.

Так и теперь. . . Ще половины не посвятив о. Василь, а вже всѣ стежки и дѣрожки засѣялися летучими гордыми постатями гуцулѣв. Каждый летѣв, як мѣг. Богачи, мов царѣ, скакали на сытых своих конях что духу, один наперед другого. Той жене, а тот май ще лѣпше! Бѣдный прихилиться до шкапати и сѣе собѣ дробным маком.

Маруся стояла на узгѣрю и у неѣ аж дух захоплювало. Першій раз в житію видѣла она таку картину.

Але найцѣкавѣйше было ще на передѣ: се два богачи добри сусѣды женуть кѣньми домѣв.

*) дора = проскура.

И что року, як суфды ставлять они паски рядом, разом их пѡп святить, разом завязують у бесаги, разом сѣдають на коней — и от тут вже починаеся.

И хоть усѣ заняты кождый собою, але в ту хвилину, коли тихим кроком выѣздыть Харук с Якубяком — все зупиняється и завмирає. Заповняють цминтар, лѣзуть на воринѣ*), на вербы и то не хлопчища але газды; дерево ломиться, все, що йде-ѣде дорогою, стає осторонь — то значить Харук с Якубяком женуть! Але як! . . . Очи рогом у коней лѣзуть, нѣм они сесь кавальчик до бера**) перелетять.

От и теперь. . . Не спѣшучися, по газовски завязують у хустки богачи свою святость — але моц-но! Бо зараз не буде вже часу дивитися за паскою. А як бы згубив — ого! Смѣху было бы на цѣле село — та де! На цѣли горы!

Завязали. Перекинулись словом — двома — от так, про что будь. Вѡдтак приклякнув кождый, повагом, не кваплючися.

Идутъ. . . Зводятъ коней на дорогу, бо церква по високу. Один другого гречно вперед пропускає.

От уже на дорозѣ. . . Подали один одному руки.

В останне поглядають кождый по своим „рядѣ“, ци все в порядку, ци не сповзне тарниця, ци не станеться прички якоѣ. А потѡм — мов бы сила неземна пѡдкидає их обое — вскакують на сѣдла один с другим. Рвонули конѣ! Камѣня, болото брызнули из пѡд копит. По товпѣ мороз пробѣг. Гейкають, присѣдають, кричать чтось незрозумѣле для самых себе.

А богачи вже далеко. Вросли в сѣдла, пругъ не розбираючи, ци є кто на дорозѣ ци нема: не встиг утекти — сам винен. Зубы им затиснути, руки — аж заклиали на уздах. Летять — мов чорты од воды свяченоѣ.

А люде пѡд церквою задивилися на них, живучи враз с ними.

Е-е-е-е-е голосить якійсь гуцулик, себе не памятаючи. От стоить собѣ у лисѡй киптаринѣ, убогу свою пасчину тримає пѡд пахов; може з роду и не бачив коня на своѣм подвѡрѡ — а горить, усе забыв, нѣ-чого не бачить. Настоптав дѣтинѣ ногу, здусили, змняцкали ему паску локтями а ѡн лѣзе комусь на шию, вытягаєся увесь.

Ой не дайся, не дайся, не дайся — и разѡв з дваццять выкрикує „не дайся.“

— Ой братчику Васи! . . . Ой братчику Васи! . . .

*) плоты.

**) бер = малый мосток.

— Агай на тебе! Табый коня, ббий! И се „ббий“ вымовляється с таким притиском, як бы там сто „б“ стояло.

От уже на заугѣ конѣ . . . От уже може яких пятьдесять до шѣстьдесять кроков до „бера“. А люде забыли про церкву, забыли весь свѣт. То что! Сам пан отецъ забыв про решту пасок та таки застиг с кропилом в руцѣ.

И шарпнулися, кто мѣг выше д горѣ — чтоб виднѣйше. И видять, что лупцюе, лупцюе коня Якубюк, але де! . . . Скок за скоком, поволи, але твердо, невинно, с зелѣзною силою випирае Харук своим конем дорогу. От уже его терѣх коло головы якубюкового коня, от уже фѣст . . . От уже он коло „бера“, але не може повернути — лиш раптом, пѣдскачывши высоко та трѣпнувши обома руками, кричить дико в торжествѣ — дае всѣм, всьому селу, всѣм горам знати, что — он выпередив у сѣм роцѣ! Не дурно кохав коня, выпасаючи его на лѣпших травах, не даючи важкоѣ работы. Будуть сусѣды приходити, дивоватися, чудоватися.

Заревла, загомѣла товпа. Довго ще не могли отямитися гуцулы та кричали, доказуючи чтось один другому.

Вже одспѣвав пѣп молитвы, вже дяк поодбирав до коша, что належне и пѣшли они до церкви, а гицуля все ще непокоилася, мов с хвилюване море, выгукуючи, розмахуючи руками.

И мов зачарована стояла Маруся и дивилася. Ци то сон ѣй снитися, ци то казку лицарску ктось оповѣдае? Але се быв не сон и не казка — лиш гуцульскій Великдень.



ОСИП МАКОВЕИ:

С О Н.

Тихій сон по горах ходить,
За рученьку щастя водить.

И шумлять лѣсы вже тихше,
Сон мали квѣтки колише.

Спѣть мои дзвѣночки синѣ
Дикие рожи в полонинѣ!

Не шумѣть, лѣсы зелени,
Спати йдѣть, вѣтры студени!

Най свѣтоньки сплять здорови,
Най им сняться сны чудови!

Аж на небѣ зазорѣе,
Сонце их малых зогрѣе;

И зогрѣе, поцѣлуе,
И свѣтами повандруе

Тихій сон по горах ходить,
За рученьку щастя водить.



Джаворонок царем птицъ.

(Народня казка.)

Як только засновався свѣтъ; зойшлися птицѣ и радилися, як бы вы-
брати собѣ царя. Та так одни досудили, что тот буде царь, кто есть
межи ними наибольшій и выбрали орла. Друга частка птицъ повѣдае,
что лиш тот може быти царем, кто найвысше пѣдлетить. А джаворонок
як учув, что птахи так досудили, что лиш тот може быти царем, кто
найвысше пѣдлетить, та сѣв орлови пѣд крыло, А там сидѣв поки орел
не зослаб. А як орел зослаб а не мѣг дале летѣти, а джаворонок тогды
выхопився з пѣд крыла и зачав летити горѣ. Но и тогды птахи повѣда-
ють, тот буде наш царь, котрый найвысше пѣдлетѣв. Так джаворонок
став царем птицъ.



Як бузюк помилив мыш из жабою.

(Народня казка.)

Раз посвадилися мыш из жабою и так ся ненавидѣли, что одна
другѣй не дала через пѣшник перейти. И раз говорить жаба: Не мож
ся обойти, обы одна другѣй через пѣшник не перейшла. И говорить
жаба до мыши: Будемся бити, але на смерть! И зачалися бити. Та так
ся били, товкли, что аж-ся земля пѣд ними тряслася. Увидѣв то бузюк
злетѣв на них и вхопив мыш до дзюба а жабу до лабы, пѣднѣся на
свое гнѣздо и там их поѣв.



Авраам Линкелн. *)

(Продовженя)

Пан Пфут скоро однак стратив свій маєток, а Авраам Линкелн став знов без роботи. Тым часом вибухла война меж Блекгуком, начальником Саксв, а крайною илінойскою, в котрій жив Линкелн. Губернатор тої країны зганяв добровольцїв а до них вступив також и наш „честный Абе“, котрого вибрали капитаном. Его жовнїры любили го дуже за то, что думав скорше на них, як на себе. Послї тої войны его кандидовали до державного сойму. Он з початку думав, что его приятелї чинять з него смїх и не хотїв того прийняти, кажучи, что он не є всїм знакомий и тому можуть го не вибраги.

Но его приятелї на се одповїли: „То нич не шкодить. Треба пробовати, будуть вас знати, аж зачнете їздити с бесїдами по краю.

Линкелн пїшов агитовати. Мав з початку гїрку годину, але в концї в 23. роцї житя став выбраний членом уставодавного сойму. Из 200 голосїв в Нью-Салем одержав 170. Быв то великій доказ любви и довїря до него.

Всї од того часу почали говорити: Линкелн не має нич, тїлько множество приятелїв.

Краєвий землемїр потребовав помочника. Звернувся до Линкелна дав ему книжку до науки, абы перед тым обознався в рїчи. Авраам чинив се с охотою. Перейшов книгу, выучився все, что треба, абы его пан був ним доволеный. За шїсть тыжднїв он став его добрым помочником. Коли мав яку годинку свободну, учився законїв и права.

Коли го вибрали до уставодавного сойму, зычив собї грошей, абы собї мїг купити яке платя. До сойму ишов 100 километрїв пїшки. Не говорив много в соймї, але працював пильно в комитетах и займався пильно потребами свого краю.

В р. 1837, коли было му двадцать осьм лїт, став адвокатом и выпровадився из города Салема до бїльшого Шпрїнгфїлда. З початку не мав много грошей, абы мїг найти собї бїльшу квартиру, тому спав у себе у канцелярнї на лавцї.

В р. 1846, коли вже слава про его працю и справедливость розойшлася широко, був выбраний до конгресу великим числом голосїв. Там выступав он проти войны с Мексиком, проти рабства и свою думку всюды смїло голосив.

В роцї 1854 старанєм сенатора Штефана Дугласа прийнято закон, на основї котрого, державы мали рїшити, ци суть за рабством, ци нїт.

*) Початок „ВѢНОЧОК“ ч. 6.

Коли Дуглас вернув до своєї країни, котру заступав, и зазвѣдовав людей, что думаютъ про рабство, не хотѣли люде его слухати. Они говорили: „Треба одповѣсти на его причины, а то зможе лиш сказати Авраам Линкелн.

В державѣ Фаре в Шпрінгфілд в мѣсяци октобру зойшлися велики зборы. Дуглас говорив на них красно. Другого дня промовляв Линкелн три години. Его сердце былося в его словах. Слухали, мовчали як гроб, а коли свою бесѣду покончив, мущины кричали „слава“ а жоны утирали хусточками слезы з очей. Так до сердца умѣв Линкелн промовити. Обѣхавши обидва краѣ, дождалися сего, что закон проти рабства приняли всѣ державы.

Коли нова партія, республиканска, мала у Филадельфіи дня 1. юнія 1856. р. другій зѣзд, одержав Авраам Линкелн сто десять голосѣв на уряд мѣстопрезидента.

А чтобы была сказала на то его мати, Нансе Генке Линкелнова, коли бы была жила и видѣла свого хлопця на такѣм почеснѣм мѣсци, котрого в деревяннѣй хатцѣ учила библии.

В тѣм то часѣ зайшла одна пригода, котра его славу еще бѣльше рознесла. При котрѣмсь собраню пѣд голым небом забито якогось чоловіка. Через того зеперли двох молодых людей. Один из них дуже був бѣдный и мав також бѣдну маму. Она знала была Авраама Линкелна ще за молодых лѣт и тому писала ему о своѣм тяжкѣм положеню та просила помочи еѣ вызволити сына, бо знала, что он невинный. Прийшов суд. Всѣ кричали, абы Армстронг, сын бѣдноѣ матери, був повѣшенный. Головный свѣдок свѣдчив, что при свѣтлѣ мѣсяця видѣв, что подсудимый выстрѣлив и убив невинного чоловіка.

Авраам Линкелн на судѣ доказав, что свѣдок говорив неправду и доказав на основѣ календаря, что тоѣ noci мѣсяць не свѣтив. Присяжни судіи плакали при его бесѣдѣ, так умѣв Авраам Линкелн промовити до их сердца. Судіи освободили молодого чоловіка и направили кривду матери. Мати из радости аж умлѣла на руках своего сына.

„Что собѣ думаете, Анно“, сказав Линкелн, коли та жона звѣдалася кѣлько має ему платити за его оборону. — „Ани крайцаря не возьму од вас“. — Мати была добре нагороджена за свою любовь до молодого хлопця.



Синица и ледарѣ.

Синица як кто довго вылежується, любить ему над головою заводити:

Пустый, пустый, пустый! Не-роб!

А на весну коли ще жадна птица на спѣває, она вже каже:

Цѣцѣбі, цѣцѣбі, цѣцѣбі!

Кидай сани, бери вѣз,

А ты бабо, з печи злѣзь!

А но дѣточки, кто из вас знає, як спѣвають други потята?



Великодни забавы.

Лиш в декотрых селах на Верховинѣ а особливо у гуцулѣв задержалися еще стародавни игры и забавы, котрыми звыкли хлопцѣ и дѣвчата розвеселяти себе и старших на Великдень пѣд церквою.

Такою забавою есть игра:

„М А К“.

Дѣвки стають у колесо и имуться за руки, а двѣ ломлять собѣ пачки та сѣдають межи них. Тѣ, что сидять, звутся „макѣвочки“. Дѣвки стоять доокола тых двох и спѣвають:

Ой по горѣ лен, лен,

По долинь мак, мак;

Люби наши макѣвочки

Просили Вас соколички

Орѣть же го так, так!

Тай показывают им як мають робити; тѣ так роблять а всѣ дальше спѣвають:

Ой на горѣ лен, лен,

По долинь мак, мак;

Люли наши макѣвочки

Просили Вас соколички

Сѣйте же го так, так!

Показуючи як се мають робити, спѣвають дальше ту пѣсню кѣлько раз, але при концѣ мѣтсо сѣйте кажуть: полѣть, сапайте, жиѣть, вяжѣть, складайте, возѣть, молотѣть, вѣйте, продайте. При тѣм „макѣвочки“ все показують, як полоти, сапади, жати, вязати, складати, возити, молотити, вѣяти, продавати. Як уже продадуть, тогды так спѣвають:

Горобелю, горобелю,
 Десь бував, десь бував?
 А в садочку, на листочку.
 Щось чував, щось чував?
 Что не видѣв, горобелю,
 Як мак труть, як мак труть?
 Ой я видѣв, ой я бачив,
 Що в долонѣ бють, що в долонѣ бють.

Тогды всѣ дѣвки бють у долонѣ тай розбѣгаються.



Приповѣдки на Великдень.

К великодню сорочка хоть лихенька, абы бѣленька, а к Рѣздву хоть сырова, абы нова.

Паска — божа ласка; меньше вкуситься, скорше проковтнися.



Содержаня:

Христос воскрес	114
Соловій и его кум	114
Иван Франко: Скарб царя гороха	115
Гнат Хоткевич: Великдень на Гуцулах	118
Осип Марковей: Сон	123
Джароновок царем пгиць	124
Як бузюк помилив мыш из жабою	124
Авраам Линкелн	125
Синиця и ледарѣ	127
Великодни забавы	127
Приповѣдки на Великдень	128
Содержаня	128



Выходить 15. кожного мѣсяця окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокое число Кч 1.20.

Выдае Школьный отдѣл цивильной управы Подкарпатской Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. мая 1922.

Число 9.

Кривенька уточка*).

(Народня казка.)

Быв собѣ дѣд та баба, та не было у них дѣтей. От они собѣ сумють, сумують а дале каже дѣд бабѣ:

— Ходѣм, бабо, в лѣс по грибки!

Пѣшли. Бере баба грибки, аж дивиться у корчи гнѣздочко, а в гнѣздочку уточка сидить. Каже баба дѣдови:

— Дивися, дѣду, яка гарна уточка!

А дѣд каже: „Возьмѣм еѣ до дому, най она у нас живе.“

Стали еѣ брати, коли дивляться, аж у неѣ нѣжка переломлена. Они взяли еѣ тихенько, принесли до дому, зробили вѣй згнѣздочко, обложили его пѣрям и посадили туди уточку а сами знов пѣшли по грибки.

Вертаються, аж дивляться, что у них так прибрано, хлѣба напечено, стравы наварено. Давай они до сусѣд: „Кто то учинив, кто то?“ — Нѣкто нѣчого не знае.

Другого дня знов пѣшли дѣд и баба по грибки. Приходятъ до дому а у них вареники зварени. Они знов до сусѣд: „Чи не видѣли кого?“ Кажуть: „Видѣли якусь дѣвчину од кирициѣ водицю несла. Така, кажутъ, гарна, тѣлько трошки кривенька“.

Дѣд и баба думали-думали: Кто то був! Нѣяк не вгадають. А дале баба дѣдови каже:

*) утока = качочка.

— Знаеш что, дѣду? Зробѣм так а скажем, что йдеме по грибки, а сами сховаѣмся тай будеме выглядати, кто то до нас понесе воду.

Так и зробили.

Стоять они за коморою, дивляться, аж из их хаты выходить дѣвчина з коромеслом, така красна, така гарна, лиш кривенька на ногу. Пѣшла она до кирницѣ а дѣд и баба тогды у хату: дивляться, а у гнѣздочку не е уточки, тѣлько повно пѣря. Они тогды взяли гнѣздочко и кинули у печ, а там оно и згорѣло.

А ту иде дѣвчина с водою. Увойшла в хату, побачила дѣда и бабу та зараз до гнѣздочка — а гнѣздочка не е. Она тогды у плач. Прибѣгають до неѣ дѣд и баба и кажуть:

— Не плач, галочко! ты будеш у нас за дочку; мы будеме тебе любити и жаловати як родну дѣтину.

А дѣвчина каже: „Я до вѣку жила бы у вас, як бы вы не спалили мого гнѣздочка та не пѣдглядали за мною; а теперь, каже, не хочу! Зробѣть менѣ, дѣду, куделечко и веретенце я пѣйду од вас.“

Дѣд и баба плачуть, просятъ еѣ остатися; она не хотѣла. Тогды дѣд зробив ѣй куделечко и веретенце. Она взяла, сѣла на дворѣ и пряде. Аж тут летить громада уток, побачили ю и спѣвають:

Он де наша дѣва,
Он де наша Іва,
На метенѣм дворци,
На тесанѣм стовпци,
Куделочка шумить,
Веретенце дзвенить,
Скиньме по пѣрячку,
Най летить из нами.

А дѣвчина им одказуе:

Не полечу с вами:
Як была я в лужку
Выломила ножку,
А вы полетѣли
Мене покинули!

Они скинули ѣй по пѣрячку, а сами полетѣли дале. Аж летить друга громада и спѣвае:

Он де наша дѣва,
Он де наша Іва,
На метенѣм дворци,

На тесанѡм стовпци
Куделочка шумить
Веретенце дзвенить,
Скинѣме по пѣрячку,
Най летить из нами.

А дѣвчина им одказує:

Не полечу с вами:
Як была я в лужку,
Выломалам ножку,
А вы полетѣли
Мене покинули.

Летить третя громада, увидѣли дѣвчину и кличуть:

Он де наша дѣва,
Он де наша Іва,
На метенѡм дворци,
На тесанѡм стовпци.
Куделочка шумить,
Веретенце дзвенить.
Скинѣме по пѣрячку,
Най летить из нами!

А дѣвчина им одказує:

Не полечу с вами:
Як была я в лужку,
Выломила ножку
А вы полетѣли,
Мене покинули!

Скинули їй по пѣрячку, дѣвчина убралася в пѣрячко, учинилася
уточкою и полетѣла с громадою. А дѣд и баба знов остались сами.



БОРИС ГРѢНЧЕНКО:

ВЕСНЯНКА.

„Весна прийшла!	Тепляк**) дмухнув
Тепло знайшла!“	Крылом махнув,
Кричать дѣвчата и хлопчики,	По бородѣ ласкочеться.
„Цвірінь, цвірінь!	Все ожило,
Журбу покинь!“	Все розвило,
Клопочуться горобчики.	И рій дѣтей привѣтненьких
Прибѣг дѣдок,	На той горбок
Злѣз на горбок, —	Несе вѣнок
У хатѣ быть*) не хочеться.	З фіялочок блакитненьких.***)



Казки Езопа.

Безхвоста лисиця.

Лисиця попала в лапку. Втекла из неѣ, але вже без хвоста. Встыдно было їй так жити и она постановила другим лисицям порадити, чтобы поѣшли за єѣ примѣром. Тым хотѣла покрити своє нещастя. Зобрала всѣх своих товаришок и каже им: „Одрубайте собѣ хвосты, — а так мусиме двигати непотрѣбный тягар а помочи з него нѣякоѣ.“ — Як бы се не было тобѣ на руку, сестро, одповѣла їй одна лисиця, ты не подала бы нам таку раду!“

Декодри люде дають рады ближним не зо щирого серця, а задля власноѣ вигоды.

Вовк и кѣнь.

Вовк ходячи по пасовиску найшов мѣшок ячменю. Зѣсти его он не мѣг и лишивши го на мѣсци поѣшов: Небавом здыбав коня. Ходѣм, кличе вовк, я найшов мѣшок ячменю, але не рушив его, а зберѣг для тебе. Дуже я люблю слухати, як ты скрипиш своими зубами при їдѣ.“ — Приятелю — каже єму кѣнь, — якбы вовки кормились ячменем, нѣколи бы ты не лишив го для мене!“

Зрадливому не вѣр, хоть бы он и прикидався твоим добродѣем.

Вовк та овця.

Вовка покусали собаки. Заслаб он и ляг на постѣль. Видить голодный звѣрь, что иде овця. Он просить єѣ: Недалеко одси тече рѣчка,

*) быть - быти.

*) тепляк = теплый вѣтер.

***) блакитный - синій.

принеси менѣ из неѣ воды. Ты лиш напой мене, а ѣду то я сам найду!“
 — „Коли я напою тебе, каже овця, ты закусиш моим мясом.“


Обманецъ старався брехнею отуманити другого.



ИОСИФ КОЖІШЕК.

Мали гратулянты.

Из чеського переложила Марійка Подгорянка.



Йдуть, вивѣрки*) йдуть,
 Ранесенько в дуть.
 Ярочками, груночками
 Скоренько бѣжуть.

*) вивѣрка = бѣлка.

При лѣсочку близь
Зустрѣтили мыш:
„Гей, ты мышко, шкряботушко,
Ци з нами пойдеш?“

Серед густых трав
Старый ѣж стояв;
Вывѣрочкам поклонився,
Д'мышцѣ ся смѣяв.

„Де, кумоньки, де
Путь ваша иде?
Бочком, бочком, холодочком
Де вас заведе?“

И в рядочку став,
В едно поснѣшав;
Лиш жаловав, что парадни
Шапки не убрав.

А як прийшли лиш
До зайчика хиж,
Повитати, пожелати,
Перша стае мыш.

И так почала:
„Я мышка мала,
Желаю, чтоб ты минала
Кождая стрѣла!“

Як скѣнчила, вже
Вывѣрка стае
И желае, чтобы лишка
Спала в ямѣ все.

А друга з ряду
Каже до ладу,
Чтобы песик зайцевого
Не найшов слѣду.

Ѣжак на послѣд
Желае, як слѣд;

, Дай ты Боже быстри ноги
Ще на много лѣтъ!“

А як пожелав,
З боку собѣ став,
На закуску на столику
Мовчки позирав.

Наш зайчик стояв,
Часочок мовчав,
Аж погладив бородочку,
Тогды отвѣт дав :

„Дякую я вам
Сердечным друзьям!
Вашу щиру вѣрну дружбу
За свѣт не оддам.“

Де любов для всѣх
Закон є, не смѣх, —
Добре жити там на свѣтѣ
И в хижках малых!



Розумни люди.

Из народнього подав Д. Анталовскій.

Быв раз на свѣтѣ один чоловѣк. Раз каже своѣй женѣ :

— Слухай жоно, я теперѣ пѣйду и за три дни не вернуся до дому.
А если пѣд сим часом прийде купецъ куповати коровы за менше, як
200 золотых и одним крайцарѣм не дай. Порозумѣлась?

— Розумѣю, розумѣю, казала жона, лем ты иди с Божою по-
мочею.

— Добрѣ, добрѣ, айбо тобѣ там, где розум мѣряли, дуже ся мало
впало, зато ще ты раз напминаю, чтобысь дешевше не дала, як
200 золотых, ибо Бог—Богом ми не буде, если не поламлю на тобѣ
бигарь.

Пѣйде чоловѣк, на другій день прийде купецъ. Смотрячи коровы,
пообѣцяє 300 золотых за них.

Жона не пристала на обѣцянку, ибо ѣй муж то казав, что дешевше обы не продала, як за 200 золотых.

Купецъ дуже радо пристав на 200 золотых, ибо тѣлько коштуе и по братски. Из тым отвязав коровы, вывѣв на двѣр, но и в гадцѣ ему не в платити, а коровы жене.

— Ага, — каже жона — а 200 золотых?

— Так есть, 200 золотых, каже купецъ. Шупаться, но грошей нѣт, остались дома. Чекайте лем жонко, скажу дачто. Пожену 2 коровы, а третя останеся в залог.

Жона с добрым сердцем пристала; где бы нѣт, коли одна корова останеся в залог! Як ся буде радовати муж, як прийде до дому.

Третій день прийде муж и звѣдае:

— Продалась коровы жоно?

— Продала'м, душко, за 200 золотых, обѣцяв 300, но я не хотѣла за тѣлько дати.

— А где гроши?

— Гроши ще не выплатив, ибо дома забыв, но в залог лишив найменшу корову, доколѣ принесе гроши. Ци так, что розумно зробилам. Мала корова меньше ѣсть.

Страшно розсердився чоловѣк! Постав на жену и хотѣв ребра поломати, но зато розмилосердовався над нею и каже:

Заслужила бы'сь, что бым ти на хребтѣ сей бигарь сломав, айбо лишу ты ся; ты глупа жоно, ты! Слухай, выйду на дорогу, там сяду собѣ и буду чекати за три дни, а если пѣд сим часом найду глупѣйшого над тобою, тогды не дотулю ся до тя, но если не найду, так ти ребра поломлю, что до смерти будеш споминати.

С тым пошов на дорогу, там сѣв на один камѣнь и чекав свого чоловѣка. Раз лиш иде одна жона на воловѣм возѣ. Ся жона стояла на серединѣ воза, а в возѣ тѣлько соломы было, что могла и лежати на нѣй, но она стоячи гнала волю. Думае собѣ чоловѣк:

— Но так видно, что ся буде та особа, котру я глядаю.

Скоро скочив с камѣня, побѣг с перед волѣв и так игрив там, як дурный.

— Что робите брате? звѣдае жона. От куда'сьте прийшли, в якѣм дѣлѣ выбрали'сьте ся в дорогу? Я вас нигда не видѣла?

— Як бы Вы видѣли мя сестро, коли я с неба сойшов на землю — каже чоловѣк, а теперь не знаю, як вернутися назад. Не повезли бы Вы мене сестро?

— Нѣтъ, душко, ибо я не знаю дороги до неба. Айбо, если вы з неба сойшли, могли бы́сте ми повѣсти, что робить там мѡй муж, котрый вже три роки, як умер. Видѣлисте его?

— Видѣв ѡм, кождый тыждень сходжуся с ним. Дуже бѣдує там Овцѣ дозирає и цѣлый день бѣгає за ними, через горы, долины, поля, лѣсы. Шуба подерлася на куски, а кравця*) нѣтъ на небѣ, котрый бы другу зробив, бо треба Вам знати, что Святый Петро не допускає кравця до неба.

— О боже мѡй, Боже! — засмутилася старушка, — кто думав бы быв то, что мѡй старик тѡлько бѣдує на небѣ. Если бы́сте так добрѣ были понести одну шубу, подяковала́м бы Вам.

— Понѣс бым я вдячно, — каже чоловік, но святый Петро тогды и мене не допустить до неба.

— Тогды бым дала гроши для него, то положите в кешеню и так никто не стяमितь. Теперь ѡм продала пшеницю, тѣ гроши послала бым старику.

— Гроши? То понесу, — сказав чоловік.

— Но тогды останьтєся туй, по́йду до дому за грошми и зараз вернуся. И не сяду на солому, стою цѣлу дорогу, чтобы волам легче був вѡз.

Жона отойшла, а чоловік остався, а душа так му радовалася, что и сам не знав, что робити.

— Но ся жона глупша, як моя. Якое великое щастя має моя, что не буде бита.

— Не треба было довго чекати, прийшла старушка с грошми, передала чоловікови и дяковала за его послугу. С тым старушка вернулася до дому. В той час прийшов єѣ сын Иванко из поля. Каже сынови, что стало ся с нею. Дивиться Иванко, ибо такое чудо и ѡн николи не чув от коли живє. Любив бы и ѡн с тым чоловіком зыйтися и позвѣдати одно и другое, что стаєся в небѣ. Зараз сѣв на коня, побѣг тою дорогою, котрою ишов небесный чоловік. Як иде, видить при дорожѣ одного старушку рахуючи гроши. Иван и понятя не мав о тѡм, что сей чоловік перебрав от его матери гроши и что ѡн єсть небесным чоловіком, котрого ѡн глядає; и звѣдаєся от него:

— Дѣдику, не видѣли́сьте того чоловіка, что з неба прийшов на землю?

— Видѣв я, тепер вылѣз на ту гору високу, что бы му ближе до неба.

*) кравецъ — той что шие шатя.

— Боже мой, Боже мой! зажурился Иван. Я его не догоню вже. Цѣлый день робив ем, а теперь ты и конь натряс мною — будьте так добри, сядьте на коня и если догоните его, наговорьте го вернуться ид мнѣ, чтобым больше грошей послав моему отцю на небо.

— Ага! — думает собѣ чоловік, так видно, что и сесь глупшій од моеѣ жоны и каже:

— Передай гроши менѣ; если не хотѣв бы вернуться, передам ему гроши, чтобы в небѣ передав отцю твоему.

Иванко передав гроши, чоловік сѣв на коня и пошов на гору з невидимым чоловіком. Иванко сѣв собѣ на камѣнь и чекав до темноѣ ночи, но старик не вернулся.

— Може быти — думает в собѣ, тому чоловікови дуже скоро треба появиться на небѣ и зато не вернулся назад, може быти, что и коня передав ему сей добрый чоловік, чтобы скорее выйшов на небо.

В сѣм успокоився, вернулся до дому и сказав матери, что ся стало, что передав гроши и коня отцю своему.

— Добре'сь зробив сынку — каже мать — ты и так молодой, можеш ходити пѣшо, а отец посему хотѣ лиш с коня буде дозирати овцѣ.

Пѣд сим часом старик пришов до дому, коня привязав в машталню коло худоѣ коровы, потом зайшов до комнаты и каже жонѣ:

— Но жоно, щастлива ты в Бога, могу сказати, бо глупши люде суть над тобою и зато не дотулюся до тя. На мѣсто двух худых ков достав ем доброго коня и много грошей.

Добрѣ платить глупство.

— Ци так, добрѣ, радовалася жона. Не бѣйся мужу, глупою остануся и на дале.

— Останься душко, остань.



ЮРІЙ ФЕДЬКОВИЧ:

БРАТ ТА СЕСТРА.

Не зозуля в лѣсѣ затужила,
Не пташина в лузѣ голосила, —
То сестричка лист писала,
На чужину посылала
Тай до брата слѣзно промовляла:

„Брате милый, брате-соколоньку,
Ты покинув сестру сиротоньку,
А я хожу — покликаю,
Як зозуля в темном гаю:

Ой вернуса з далекого краю!“

— „Сестро моя, сестро моя, руто!
Як я можу до тебе вернути,
Через лѣсы темнесеньки,
Через рѣки быстресеньки,
Через степы ровни — ровнесеньки?“

„Гаєм — маєм, лебедем — Дунаєм,
А степами — швидким горностаєм,*)
А на мое підворенько
Пади швидким соколоньком,
А голубом на мое серденько!“

— Ой летѣв я сѣм день тай годину
Прилетѣв я до сестры в гостину;
Прилетѣв я тай гукаю,
А сестрички не видаю —
Ой, мабуть, я вже сестры не маю!

Сестро-ж моя, лѣлєенко бѣла!
Скажи менѣ, де ты ся подѣла?

— „В гаю, брате, в гаю, в гаю
Та у ямѣ пробуваю,
Все про тебе розмовоньку маю.“



БОЖЕНА НЕМЦОВА :

Як пас Иванко кобылку.

Былы три браты. Наймолодшого Иванка отець любив дуже, але старши братя ненавидѣли его про то и уважали за простака. Нараз умер им отець. Никто из них не хотѣв дозирати его, лиш Иванко сидѣв при нѣм три дни.

Никто так не жалувал за ним як Иванко. Хотѣв ити по смерти отця на службу, але найстаршій сказав му: „Что бы ты простаче в

*) горностай — бѣла ласиця.

свѣтъ робив, таж ты пропадеш. Вперед я иду на службу, а коли менѣ добре будеша вести, прийду по вас“ — Пѡшов.

Коли так иде пустыми долинами и великими лѣсами, стрѣтила го стара баба. „Куды идеш сынку?“ — зазвѣдала го. — „Иду службу глядати — сказав той. — „Зайди до мене, у мене не будеш нич иншого робити, лиш пасти кобылку.“

„Добре, пѡйду“ — одповѣв сынок и пошов с бабою, Прийшли ид малѡй хижѣ глубоко в лѣсѣ — там дала му баба ѣсти и пити, а потѡм привела кобылку, абы повѣв ю пасти. — „Лиш гляди дотрѣ и давай добрый позор, бо як утече, голову тобѣ зотну“ — грозила баба. Сынок взяв кобылку и повѣв ю пасти, привязав ю ид дереву, и сам лѣг и заснув. — Коли пробудився, кобылки не было. — Напудився дуже и пѡшов глядати кобылки. Ходить по лѣсѣ, ходить — але дарма, кобылки не найшов. Прийшов ид однѡй кирничци, а там недалеко од неѣ сидѣв старушок. „За чим глядаеш, сынку?“ зазвѣдав старый. — „Та глядаю за кобылкою“ — одповѣв сынок сердито.

Та бым ти сказав про ню. Але ци не начеряв бысь менѣ из сеѣ кирнички воды. Я старый, немочный. — Я маю доста своеѣ работы — одповѣв сынок и пѡшов дале. Кобылку не найшов, а баба стяла му голову.

Коли братя не могли дочекатися найстаршого брата, пѡшов середущій у свѣт иськати щастя. Иванкови казав остатися дома а як найде дачто доброго, прийде по него.

Янко остав дома а середущій брат пѡшов у свѣт пустыми долинами, великими лѣсами, аж стрѣтив ту саму бабу. Зазвѣдала го куда иде, а коли ѡн ѣй сказав, что глядае службу, предложила му пасти кобылку. Середущій згодився на то и пас так само як найстарший. Привязав ю до дерева, ляг спати, а кобылка утѣкла. Пробудившись почав ю глядати и зайшов до кирнички, при котрѡй сидѣв старушок. Зазвѣдав го за чим глядае и попросив го подати му воды. Середущій одповѣв так само як найстарший, что не мае часу, бо мае своѣ работы досить. Кобылки не найшов а баба стяла му голову.

Коли и другій брат не вертався домѡв, подумав собѣ Иванко: „Е Бог знае, куды пѡшли мои братя, они певно забыли на мене. Иду в свѣт сам службы глядати. Пѡшов.“

Прийшов на пустѣ долины, темнѣ лѣсы, аж стрѣнув ту саму стару-бабу. — „Куды идеш, сынку?“ — зазвѣдала го.

— „Иду службу глядати“ — одповѣв Иванко. — „А ци не хотѣв бысь у мене служити? Не будеш нич иншого робити, лиш одну ко-

былку пасти“. — Та буду, лиш кобы служба была. И став на службу.

Баба дала му ѣсти а потом выпроводила го с кобылкою и напоминала, абы добре доглядава, бо коли утѣче, голову му зотне.

Повѣв Иванко кобылку, спутав ю, а сам ляг под дерево. Дуже хотѣлося ему спати. Задрѣмав але не довго. Позирає, а кобылки не в. Напудився дуже, и побѣг за нею. Иде так, иде, аж прийшов до кирпички, де сидѣв старушок.

„Чого глядаєш“, — зазвѣдав старушок. — „Глядаю кобылки. Задрѣмав я а она утѣкла ми,“ одповѣв Иванко.

„Чи не начерявбьсь менѣ воды из тоѣ кирпички? Я старый и немочный.“

„Вдячно, старый дѣдуню. Таж я мав також такого старого отця, але ми умер,“ одповѣв Иванко жалостным голосом. Зняв з головы шапку, набрав нею воды и подав старушкови. Старушок напився и подяковав Иванкови.

„А цись не видѣв, старый дѣдуню, тоѣ кобылки?“ зазвѣдався Иванко.

„Знаю де она, и про то, чтось менѣ старому послужив, хочу и тобѣ добром одплатитися. Тут маєш сопѣлку, як нею заграєш, кобылка вернєся опять, хоть бы была на край свѣта. А ту маєш лѣскову палицю, як посадин ю в землю на тѣм а тѣм верху и скажеш: палице загуди — то потѣм кобылка буде освобождена“. — По тых словах старушок зник. Иванко тым так зачудовався, что мало не забыв вже про кобылку. Аж таки опамятався и сейчас заграв на сопѣлку. Гоп! Гоп! кобылка стала перед ним. Взяв ю и веде на той вершок, котрый му указав старушок. Коли там вылѣз с кобылкою, встролив скоро палицю в землю и сказав: „Палице, грай!“ Ледво то промовив, загув цѣлый лѣс. В тѣм кобылка трѣсла и стала з неѣ красна панна. Хижа староѣ бабы зникла разом из старою.

Красна панна дяковала Иванкови за то, что ю высвободив, а Ѧн быв тому рад, бо му ся тота панна дуже подобала. А боявся ѣй про то сказати. Але и красной паниѣ подобався Иванко. Так они ся побрали, прийшли до дому и жили щасливо, дякуючи в душѣ старушкови.



Авраам Линкелн.

(К о н е ц ь.)

Коли в року 1860 в Спрінгфилдѣ зобрався великій републиканскій зѣзд, вызвали Линкелна, абы выголосив бесѣду засѣвши на креслѣ бесѣдникѣв. Народу было так много, что достатися там думати не было можно. Тогды Линкелна взяли на руки и перенесли на то мѣсто понад головы. Через 10 днѣв выграв при выборах до народного парламенту в Чикагу запад. Президентом выбрано Авраама Линкелна а то двома милионами голосѣв.

Одходив из Спрінгфилду до Вашингтону сумно. Стара Анна Армстронгова сказала, что вже го николи не увидить. Внутрѣшній голос говорив ѣй, что якійсь ворог убѣ его. На то сказав ѣй Линкелн смѣючися: Анно, если мя убѣ, то вже иншою смертею не умру.

— Одходив без боязни и чув велику одповѣдальность своего становища. Касу найшов порожню, а край горѣв серед борѣбы. Говорив мало, рисы его лица поглубилися, а очи посмутнѣли.

Тяжка была его праця и жура про добро краю. Окрем того и сын его Вілім умер в молдѣм вѣцѣ. Дуже тяжко переносив он на душѣ то велике родинне нещастя. Для того и всегда мав велике сердце для других людей, особливо, коли ишло и их живот.

Одного разу молодый вояк, котрый держав сторожу, заснув. За то засудили го на смерть. Але президент Линкелн одпустив му провину кажучи: Не мог бы спокойно умерти, коли бы мою одежу сплямила кров молодого чоловіка. Не дивно, что той молодець выхованый на селѣ, звыкши ити спати з западом сонця, уснув на сторожѣ. Я не могу згодитися, абы он быв розстрѣлянный.“ — Того то молодця нашли потѣм межи погибшими в бою пѣд Фридриксбургом. На сердце мав фотографію своего заступителя из словами: „Боже поможи президенту Линкелнови.“

Коли прийшов до Вашингтона офицер, абы достати вырок смерти для двадцать чотырьох дезиртерѣв и просив о затвердження того выроку президентом Линкелном, одповѣв ему Линкелн так:

„Пане офицер! Вже за много е плачущих вдов у Соединенных державах. Ради Бога, не жадайте, абы я еще убольшив их число. Думаю, что тѣ молодцѣ лѣпше нам могут служить на земли, як пѣд землею.

Одного разу знов зайшла до него жона в старѣм обношенѣм шатю и просила го оставить еѣ одного сына из чотырьох, котрых покликано на войну, бо не ма кому старатися о ню. Линкелн учинив сейчас то, о

что просила, но стара мати не могла тѣшиться одпущеным сыном, бо зайшовши за ним у больницу, нашла его мертвым. Тогда вернулася зо смутком до Линкелна. Коли прийшла, перебив ѣй Линкелн тыми словами: Знаю чого прийшлисьте; зроблю се и без вашоѣ просьбы: одпущаю Вам другого сына.

Со слезами дяковала стара мати Линкелнови и желала му много лѣт.

За цѣлый час борбы, яка горѣла у всѣх частях краю пѣдчас правлѣня Линкелна, стало очевидно, что вже раз мусить прийти конец рабству. Линкелн ждав на слушный час, хоть его дорадники противилися тому говорячи, что освобожденя од рабства погубить армію. Але Линкелн не дався вже звести з правоѣ дороги. В октобрѣ 1862 р. выдав он незабутню оголоску про зверженя рабства и сяким способом чотыри миліоны людей одержало свободу. Быв то найбѣльшій учинок его правлѣня и велике дѣло, яких XIX. вѣк мало знав.

По уплывѣ 4 лѣт выбрано Линкелна на ново президентом на дальшу добу. В тѣм то часѣ и покончилася довга война межи бѣлою и чорною расою а народ збирався по храмах и дяковав Богу за поконченя великого лихолѣтя. Из уст всѣх чути было имя Линкелна. А найбѣльше дяковали ему бывши рабы а теперь освобождени Негры.

Одного разу прийшла до Бѣлого дому*) стара Негришка и стрѣтивши там президента зазвѣдала, де могла бы видѣти Авраама Второго.

А кто був Авраам первый? зазвѣдав президент.

О первѣм читаеме в библіѣ а второй есть наш президент, одповѣла Негришка.

То он тут стоить перед Вами — продовжав президент и одвернувся, абы не видѣла его слез.

Пять днѣв послѣ здачи генерала Ліа, котрый довго боринився проти державным войскам, пѣйшов Линкелн до театру, абы мало одпочати.

Пѣдчас gry приступив до него артист театра Джон Найлкс Бус и выпалив му до головы кульку. Потѣм скочив опять на сцену театра и кричав: Так все бывае с тиранами.

Линкелна вынесли сейчас до сусѣдного дому, де и скончив свое житя дня 15. апрѣля 1865. Буса постигла заслужена кара, бо за 20 днѣв був розстрѣляный.

Народ весь упав у великій смуток. Смерть проуказала всѣм, якій чистый характер мав той, кто правив краєм пѣдчас войны. Тѣло Лин-

*) дѣм де жие президент державы.

келна перевезено было до его родного мѣста Спрингфилду. Коли тѣло спускали у гроб спѣвав численный хор послѣдню пѣсню а епископ Симплон говорив прощальну бесѣду наводячи слова Линкелна: Перед небом, перед лицом свѣта присягаю вѣчну вѣрность справедливой справѣ так як я ю розумѣю, землѣ свого жита, своѣ свободы и своѣ любви.

Жите Линкелна то рѣдкій случай в исторіи. Его жите то велика книга, из котроѣ мож черпати науку и заохоту на добрѣ дѣла. Из неѣ читаємо божѣм провѣднню и о поступѣ людского поколѣня.



Театральна забава в Жуковѣ, латор. округа.

Дня 23. апрѣля т. р. на Фомину неделю была выставлена в народнѣй школѣ, в Жуковѣ театральна выставка: „Добродѣтель превышает богатство.“ Забава дуже дячилася народови, понеже склучена была из народными спѣванками и из музикою.



НАРОДНИ ПРИПОВѢДКИ НА МѢСЯЦЪ МАЙ:

1. Коли прииде май, то за себе дбай
2. Почекай маю, ще тобѣ уха обшмигаю
3. Три в маю дощи добрых, дадутъ хлѣба на три роки довгих.
4. Май холодный, рок хлѣбородный.
5. На Юрія сѣна кинь тай вола закинь.



СОДЕРЖАНЯ:

Кривенька уточка	Стр. 129
Борис Грѣнченко : Веснянка	Стр. 132
Казки Езопа	Стр. 132
Йосиф Кожішек : Мали гратулянты	Стр. 133
Розумнѣ люди	Стр. 135
Юрій Федькович : Брат та сестра	Стр. 138
Божена Нѣмцова : Як пас Иванко кобылку	Стр. 139
Авраам Линкелн	Стр. 142
Театральна забава в Жуковѣ, латор. округа	Стр. 144
Народни приповѣдки на мѣсяцѣ май	Стр. 144



Выходить 15. каждого мѣсяця окрѣм юлія и августа.

Редактор: Др. ИВ. ПАНЬКЕВИЧ. Предплата Кч 12.— на рѣк. Поодинокѣ число Кч 1.20.

Выдае Шкѣльный отдѣл цивильноѣ управы Пѣдкарпатскоѣ Руси.

Адресъ: ВѢНОЧОК, УЖГОРОД, пл. Корятовича ч. 12.

Рѣчник III.

Ужгород, 15. юня (червня) 1922.

Число 10.

МАРІЙКА ПОДГОРЯНКА:

ДѢТИ И ЛАСТОВКА.

Ластѣвочка черно-бѣла
Пѣд стрѣхою гнѣздо вила
И на дѣтей позирала,
Над головками лѣтала.
Звѣдувала ся сердечно, —
Чи бувати тут безпечно?

Люба, мила ластѣвочко
Нич не бѣйся, вий гнѣздочко.
Мы и мачку накажеме
И песика привяжеме,
Одженеме воробчика
Й розпустного збитѣчника.

Лѣпи гнѣздо скоро-духом,
Вистеляй мяленьким пухом.
Наша низка, родна стрѣха
Схоронить тебе од лиха.



Дѣдо и смерть.

Народня легенда.

Колись — нѣколись в давных вѣках, межи красными Карпатами — межи великими горами, на малѣй рѣвнѣй долинь, было одно богате село а в том селѣ межи прочими жив один дже худобный а ще май старый дѣдо. Его хижонька не находилася в селѣ вѣдно з другими, но внѣ села — не дже далеко, але цѣлком самотна, — маленька, бѣдненька, так что кто лише попозирав по нѣй, увидѣв и вганув, что там жие ктось дже бѣдненькій. При хижѣ був и малый садок — были там грушки, яблоньки, сливки черешнѣ, орѣхи а старый дѣдо дозирава то там, як очи на головѣ, но все таки не годен був нѣколи вдозирати. Ибо дома дѣдови не было з чого жити, принужденный був ходити по жебраню и жив з того, что ему милосерднѣ люде надавали.

А мали и бѣльши дѣти, школярѣ и нешколярѣ все вычекали, коли дѣдо пѣшов з дому на жебраня — а тогды зайшли в садок и спокойно, як бы из свого нарвали собѣ всяких овочей, наѣлися, забавилися в садѣ аж до вечера а лише тогды порозходилися до дому с повными кешенями.

И теперь, так, — дозирава дѣдо — загороду, дозирава, доки не зголоднѣв, но як зголоднѣв, запер двери, взяв бигарь и кобѣлку и пѣшов до села.

За годину вже садок повный був из дѣтьми. Велика радость, забава, ибо не є дѣда дома! Нарвали — зо сяких овочей — наѣлися и порозходилися!

Сонце смеркає, приходить трудовый дѣдо до дому, але чтось з недобрым предчувствієм, та йде прямо в садок. Найшов там на подкотрых деревьях лише порожне листья, а ту не ту и то хибилло! Засмутився дѣдо а од гнѣву твердо и горько розплакався. Уже темный вечер а дѣдо ще все сидить смутно перед хижонькою и жалуеть прекрасный до третины оборванный садовый плод!

Раз лише приходить один ще старшій дѣдо:

Добрый вечер, дѣду!

Добрый вечер!

Дорогий дѣдику, — говорить старик, похолодив я по цѣлѣм селѣ — просив всюды нѣчлег на переспаня а нѣгде не дали, темна нѣч — в селѣ незнатый, старость не радость — ноги трясуться пѣдо мною од далекоѣ пѣшоѣ пути — псы не дають мирно прийти путем, ци не мѣг бы я у тебе переспати?

Худобный я дуже — отвѣчае дѣдо, комнатка моя маленька, постѣль одна а пѳдстелена лише листем. Но если то Вам буде способное, пойте попозирати. Я собѣ розстелю на земли — а вы выпочивайтесь в постели. Так и вчинили! Переночовали спокѳйно, а коли заранѣло, повставали и гѳсть старик почав прощатися од дѣда:

Благодарю тя любый дѣду за твою вдячность, я пращаю ся, але переже скажи менѣ, что я маю тобѣ за твою добродушность заплатити!

Недовжни Вы менѣ нѣчого — отвѣчае дѣдо, мы однако бѣдни, чтобы я мѳг от Вас прияти, або жадати? Переспалисьте спокѳйно, не беру жадноѣ оплаты.

Знаю я, каже старик, что не приймеш од мене грошей, бо я их ани не маю, но я за доброе хочу добрым заплатити. Вѣдь я вчера вечер прохѳдив не одного газду, просив ся до многих на переспаня, але всѣ як видѣли, что я ряндавый, цундравый, бѣдный а навѣрное что не маю грошей, не прияти мене, хотя было мѣста. А ты твоѳ скрѳмный бѣдненькѳй пѳглег подѣлив зо мною. Скажи что желаеш — исповнено буде!

Роздумуе дѣдо — роздумуе, чтобы такое просити и каже:

Як Вы, любимый гѳстю, так всемогучѳй, не желаю нѣчого великого лише то, что кто зайде в мѳй садок а вылѣзе на дерево, чтобы не мѳг злѣзти, доки я то не дозволю.

Добре дѣду, так буде, як ты зажелав! — сказав старик тай с тым пропав.

Чудовався дѣдо чудовав, но и радовався, что по сѳому вже спокѳйный буде его живот.

Прийшов другѳй, третѳй день и дѣдо все дома, дѣти дарьмо чекають одход дѣда — дѣдо не рушася з дому. Раз на шестѳй день забрався дѣдо з дому, лишив хижку и садок и пустився до села. Ледва чекали то дѣти! Дакотрѣ ани до школы не пѳшли, ибо переже хотѣли забѣгнути в дѣдов садок! На коротко зобралося около десять дѣтей тай идутъ до дѣдового садка овочи збирати.

Повлѣзали по деревьях, наѣлися, нарвали и для других товаришѳв. Хотятъ злѣзти та не мож. Пробуютъ раз, другѳй раз, третѳй раз — не мож. — Зачали по деревьях плакати — кричать про помѳч, но нѣкого.

Вже полудня, дѣти ще все по деревьях а други тогды выѳшли из школы тай видятъ дѣда в селѣ. Даскѳлько безрядных зговорилося, тай бѣгом в дѣдов садок! Прибѣгнути там и лѣзутъ на дерева. А з дерева кричать: не лѣзьте, бо не злѣзете! Котрый мало вылѣз, пробуе злѣзти, не може. Запугалися други — повтѣкали из садка тай бѣгом до села сказати чудо, яке твориться в дѣдовѳм садку.

За одну годину цѣлое село там было а помочи нѣкто не може!
 Страх великій, родичѣ плачутъ тай бѣжуть глядати дѣда!

Приходить дѣдо тай видить цѣлое село в садку — подивить ся по деревьях и збачить там нечестни, непослушни дѣти, котрых пан учитель задарьмо, что учив в школѣ, ож чужое не рушай. Поганьбив дѣдо дѣти и дозволив им злѣзти. Позлѣзали дѣти тай так утѣкали, что в зад на дѣдѣв садок не смѣли пообзиратися.

Сидить другій день дѣдо перед хижкою, раз приходитъ смерть и каже:
 „Но, час вже дѣду вмирати!“

Напудився дѣдо и зачав упрошовати смерть, говорячи: „Знаю смертенько, ож ты справедлива. Тобѣ одно и царь и Иван, и молодой и старый, но зато много раз и лукава ты, бо посиротиш многих дѣтей. Я бы тебе просив, лиши ты мене жити — лише доки плоды оберу з моеѣ прекрасноѣ садовины! Ану пой зо мною звидиш, як прекрасный садок маю! Зайшли в садок а дѣдо говорить дальше! Позирай, яки красненьки грушочки — а ще якого то превосходного смаку. Ну лише вылѣзи на дерево — та покоштуй! Вылѣзе смерть на грушку, ба злѣзти вже не може. А дѣдо ся засмѣяв, лишив смерть на деревѣ а сам пошов.“

Мине один, два, три, пять рокѣв а смерть ще все на деревѣ, а дѣдо ходитъ по селах и смѣся з смерти. Но бѣда, не вмирає нѣкто! Стари люде проклинають смерть, зачто не бере их, лѣкарѣ по городах голодуютъ, не є з чоґо жити, не хворѣе нѣкто — бо смерть на деревѣ сидитъ, не потрѣбни нигде. Раз иде один лѣкаръ через село, доходить ид дѣдѣвѣй хижцѣ смутно и холодно тай увидить смерть на деревѣ!

Знаю я зачто ты там смутный, говорить смерть до лѣкаря, не є доходку, бо не хворѣе никто. Освободи ты мене з дерева и станешся богатым! Бѣжить лѣкаръ в село кличе людей з балтами рубати грушку. Втинають люде сокиры до грушки, но выняти не могутъ.

Сокиры всѣ позоставали в деревѣ.
 Видить смерть, что не може спастися, прикличе дѣда и просить го:
 „Дѣдоньку солодкій пусти мене долу, можеш жити доки хочеш!“

Тай спустив дѣдо смерть з дерева, — не боиться вже за свой садок, бо дѣти вже не идуть про овочи до єґо садку але ани до другого ибо навчилися, что учителя всегда треба послухати а чужое не рушати.

Из уст народа подав: Юлій Ривай.



И. П. ВАСКОВ:

МАЛЫЙ КОЗАК.

Чим пак будеш, як виростеш
Сыноньку мой любый ?
Козак буду мамко моя
Козак смѣлый, храбрый.

Та что будеш дорогій мой
Козаче чинити ?
Пред Русином кланятися
Свѣт сей буду вчити !



МАМИН СИБИРЯК :

На малинах.

Малины вже дозрѣли. Дѣдо Остап ступав осторожно по стоцѣ горы повном корчами, обсыпаными черлеными ягодами и збирав их до кошарика из деревяноѣ коры. Добра то рѣч тотѣ малины, а особливо коли их засушить на зиму. Також помагають од хворт. Навариш сушеных малин, напешся горячого вару и сейчас загрѣе тебе на цѣлом тѣлѣ.

Дѣдо Остап приступив до великого корча и рвав. Нагло чуе, аж по другой сторонѣ корча також ктось ходит и збирае малины. Думава, что то якась баба ходит збираючи ягоды. Розгорнув малиновый корч и аж лячно : На другой сторонѣ стояв на задних лабах великій медвѣдь и передними лабами згортав малины. Як узрѣв чоловѣка, хвилю на него позирав прямо в очи.

„Но, чого стоиш и дивишся ?“ крикнув наконец напудженный Остап. Медвѣдь змѣрковав, спустился на переднѣ лабы и неохотно спускался по стоцѣ. Два разы оглянувся и забурмотѣв.

„Я ти дам“ погрозив му старец пестуком. „Таку роботу собѣ найшов есь ?“

Медвѣдь станув, поглянув на дѣда еще раз и поволи зник в густой лѣсной травѣ. Остап был дуже налякався. Ледво дойшов до своеѣ лѣсноѣ хижи. Дивився смерти в очи. Коли бы медвѣдь лиш раз его мацнув лабою, была бы з него зараз душа вышла. Анѣ бы не гойкнув.

Тарас Семенич, котрый жив пару кроків дальше, смѣявся из свого товариша и поясняв ему: „Если бы медвѣдь видѣв, ож ты маєш пушку в руцѣ, быв бы тобѣ конецъ. Звѣря есть розумне, видять, ож чоловік не умышленно блудить по лѣсѣ и не доткнесь тебе. Колись мене за пів години супроваджав. Я пѣшником, а он з боку за мною.“



И. КОЖІШЕК:

ВЕЧЕР В ЛѢТѢ.

Сонце за горы ся клоңить,
Вѣтрик хмарки спати гонить,
Пташка постѣль дѣтям править,
Роса падає на травы,
Жайворон з небес вертає,
Лѣпшій день в смерку згасає.

Звѣзда цѣкава, дробненька,
Звѣдуєся мѣсяченька:

„Чуєш, няньку, красно прошу,

Чи вже вийти из тѣми можу?“

Мѣсяць каже: час вже, час,

Звѣн вечерный кличе нас!

Из чеського перевела: Марійка Подгорянка.



Прочто сердиться пес на котку, котка на мыш?

(Л Е Г Е Н Д А)

Давно-давно, коли лиш Адам и Єва и их дѣти жили на свѣтѣ, як согрѣшили и вийшли из рая, переходили через прекрасни поля. Все прекрасно зеленѣло и цвѣло.

Видѣвши сю красоту, узвалася к мужу своему Єва и то сказала:

— Позирай Адаме, якое прекрасное поле. Не журися, что выгнав нас ангел из рая и так буде хлѣба доста, понеже колося на стеблѣ дуже великоє. Позирай! Колося од землѣ аж до верха!

Но тогды явился на полю коло них ангел, попозирав по полю и сказав Адамови и Евѣ:

— Айно, и я вижу, что сѣята прекрасное, а колося од землѣ аж до верха выросло. Но понеже вы непослушни и неблагодарни были к Сотворителю своему, Богу небесному, од которого вы сесь великій дар одержали, зато менѣ даною властію кару напущу на вас и на потомки ваши и уничтожу колос зерна, чтобы хлѣб не родился лиш солома.

Так и робив, як казав. Про грѣх прародителѣв имив колося у руки и хотѣв изорвати. И если тогды ангел хоть лиш один колос зорвав бы був из стебла, то на цѣлѣм свѣтѣ было бы ся не родило бѣльше зерно.

Но Бог всемилостивый, пошкодовав прародителѣв наших и так и нас всѣх людей, и так ангел не изорвав колося из стебла, лиш погладив колос од землѣ до верха и на верху стебла лишив маленькій колосок, чтобы ся родив хлѣб для выживленя вѣрного пса и котки та для Адама и Еви. И то говорят люде, что од тогды родиться малый колос на стеблѣ, из которого не лиш пес и котка, но и мы маѣме кождоденный хлѣб.

О сѣм положеню дочулися пес и котка. Прийшли таже ид Адаму и просили его, обы дав им контракт, ож тото маленькое зерно на концѣ стебла лишено для них за их вѣрность.

Адам дав им письмо. Тото письмо пес передав котцѣ и дуже ѣй наказав, обы мерьковала на контракт, бо коли письмо пропаде, то она буде виновата, если люде не на их но на свое выживленя будуть хосновати зерно.

Котка перебрала письмо и приобѣщала псови, что так буде мерьковати на письмо як на свои очи. Пѣшла котка с письмом домѣв и де бы го спрятати, та захпала письмо у стрѣху. Дочулася о тѣм мыш, пѣшла у стрѣху и погрызла письмо на паздѣря.

Не у довгій час пес прийшов ид котцѣ и запросив од неѣ письмо. Котка пѣшла поглядати письмо, но письма нѣт. Письмо мыш погрызла. Котка вже боялася прийти ид псови и вылѣзла на верх хижи и одтам возвѣстила псови, ож их контракт мыш поѣла.

Од того то часу сердиться пес на котку, а котка сердиться на мыш. Но котка на тѣлько сердиться и днесь на мыш, что де ю лиш попаде, там ю схватить и поѣсть.

Но, та ци не правду маѣ котка? Правду. Бо начто рушала мыш то, что не ѣ было!

А люде и днесь, понеже мыш письмо поѣла, та они уродившоёе зерно не лиш на выживлєня пса и котки, но для себе и своего хосна ужувають.

Ож ци сесе истинно так ся стало, ци нѣт, то бы мѡг сказати пес и котка, кобы знали говорити.

Подав: Михаил Вадас
управитель школы в Гедьфарку.



В. СОКОЛОВА:

ПРЯДѢЛЬНИК.

А що ты паучку дѣлаєш?
На що тонку нитку мотаєш?

Мотаю я нитку на сѣти,
Комара и мушку имити.

Смѣялася мушка: бзу-бзу-бзу,
Не скоро я в сѣтку полѣзу.

А комарь за нею иш-ш, иш-ш, иш-ш,
Не скоро мя в сѣтцѣ увидиш.

Паук засмѣявся на послѣд,
З'ѣв комара й мушку на обѣд.

Из чеського перевела: Марійка Пѡдгорянка.



БОЖЕНА НЕМЦОВА:

Буря на Старѡм Валилѣ.

Рано было парно. Стари и молоди працювали на поли, абы хоть то звести у пелевнѣ, что вже сжате. Сонце пекло аж земля трѣскала. Духота велика, цвѣты вяли, птицѣ лѣтали при самѡй землѣ, а скотина глядала тѣни. Вже од рана выступали на краю неба хмары. З початку лиш мали слѣды бѣляви ту и там розбити. Чим дальше день, тым бѡльше их прибывало. Нагромаджовалися, пѡдходили высоко, збивалися

в едно, краска их ставала темнѣйша — а коло полудня цѣла западна сторона покрыта была чорною, тяжкою мракою. Зо страхом позирали женцѣ на хмару. И кто хоть трохи мав духу, бѣг до працѣ, абы дачто вхопити.

Бабуня сидѣла на порозѣ. Недовѣрчило позирала на хмары, котри вже висѣли над хижою. Хлопцѣ и Анночка бавилися за хижою. Так горячо им было, что ради были бы из себе все зметати и скочити до потока, если бы бабонька лиш была позволила. Анночка зѣвала, не мала охоты бавитися, а на конци и очи почали запиратися. Також и у бабоньки очи были тяжки. Ластѣвки лѣтали низко, а навѣтъ ховалися до гнѣзд. Паук, на котрого бабонька рано позирала, як ѳн ловить и дусить мухи, залѣз у паутину. Дрѣб глядав на дворѣ холоду. Псы лежали у ногах бабоньки, оддыхали скоро вывалили языки. Деревя стояли тихо, а листки анѣ не порушилися.

Пан Прошек з панею прийшли з замку. Панѣ вже з далека звѣдовала: „Людоньки, жене страшна буря, ци все вже в дома?“

Настала мертва тишина. Сонце зайшло за хмару, на дворѣ почорнѣло. Пан Прошек стояв на дорозѣ и розглядався доокола себе.

Почали падати велики каплѣ. Блискавицѣ перекрещовалися по чорном небѣ, громы гуркотѣли один по другом. Дождь ляв, як з коновки. Небо все отвиралося, блиск за блиском, грѣм за громом, гейбы у воздухѣ лѣтали якись скажени силы. На хвилю затихне — та знов блисне свѣтло, нараз гейбы вуж перерѣзав небо на двое, гуркнуло, аж хижя задрыжала. Грѣм вдарив прямо за будинком. Бабонька хотѣла вымовити: „Бог с нами!“ — але слова засѣрягли в устах.

Панѣ Прошкова имилася стола, пан Прошек зблѣд, дѣти почали плакати. Из тым громом почала буря утихати. Гуркот громѣв все ставав слабшій и слабшій. Хмары розходилися, мѣнили краску, и з межи сѣрых хмар почало вызирати синє небо. Перестало блискати, дождь переставав а буря утихала.

Пан Прошек вийшов вон, обойшов будинок доокола — дивиться а стара грушка лежить розколота. Сто лѣт прикрывала своими галузями стрѣху, а тепер ю грѣм повалив на землю. Половина лежала на стрѣсѣ, а половина похилилася ид землѣ. Уже од дасколько лѣт она не родила, але зато ю любили, ож зеленила двѣр од яри до зими.



ПОДКАРПАТСКА РУСЬ В ПѢСНЯХ.

Верховина.

Летѣв ворон з тамтых сторон
 Крылоньками шай, шай,
 Як я пѣйду з Верховины
 Буде комусь жаль, жаль.

Верховина веселя
 Верховина красна
 Про єдну лиш, Верховина,
 Горѣвку нещасна.

Чорногора.

Ба чому вы легиники, бо й не спѣваєте?
 Де вы свої спѣваночки позадѣваєте?
 Ой знаю я товаришу, де я их задѣю:
 Занесу их в Чорногоры, та там их посѣю;
 Та будете спѣваночки по горах спѣвати,
 А я легинь молоденькій по свѣтѣ блукати.

Ой щобы ты мѣй миленькій
 Такій веселенькій
 Як у лѣтѣ в Чорногорѣ
 Вѣтрець холоденькій.

Мараморош.

Якій ярець зелененькій
 На тѣй землі збѣшов,
 Якій хлопець молоденькій
 В Мараморош пѣшов.

Полонина.

Пойду же я в полонинку по зелена сѣно
 В полонинѣ при долини там соненько сѣло:
 Ще менѣ ся, посестрице, таке не здавало,
 Абы менѣ в полонинѣ сонце спочивало.

Гуцулы.

Як Гуцула не любити? У Гуцула вѣвцѣ,
 А в Гуцула поза пояс сами сорокѣвцѣ.

Бойки.

Ой по́йду я межи горы,
Там де живутъ Бойки,
Де музика дробно грає,
Скачуть по легойки.

Ой Гуцулы, Гуцуленьки, десьте Войка дѣли?
Ци вы его испеклисьте, ци сырого з'ѣли?
Нѣ мы его испеклисьме, нѣ сырого з'ѣли,
Лише ишов через гору, та го вовки з'ѣли.

Ясѣня.

Иду я геть на Ясѣня,
Стежарь городити,
А чей приїде моя рыбка
Личко холодити.

Рахово.

Куды идеш, пане брате,
Ци не до Рахова?
Кажи моѣй бѣлявици
Най буде здорова.

Верецки.

Ой закукай, зозулечко,
Закукай небого!
Бо вже мого пробываня
В Верецких не много!

Воловое.

Воловое здоровое
Воловое мѣсто,
А в Воловѣм дѣвчати
Як пшеничне тѣсто.

Студеное.

Гей бѣлявко, бѣлявочко,
Бѣлявко небого,
У Студенѣм добрѣ люде
Лиш брехачѣм много.

МАРИКА ПОДГОРЯНКА :

СТАТОЧНЫЙ ШКОЛЯРИК.

Бѣгав, скакав хлопчик в садочку,
 Тай сполошив пташку в гнѣздочку.
 Спудилася пташка маленька, —
 Заболѣло коло серденька. . . .
 Стрепала ид горѣ крыльцями,
 Сховалася межи гильцями.

Ой не втѣкай пташко з садочка,
 Не рушу я твого гнѣздочка.
 Дѣтям твоим кривды не вдѣю ;
 Пташки санувати я вмѣю !

Бо то я школярик статочный,
 А не пустый хлопец збиточный.



БОЖЕНА НЕМЦОВА :

При потоцѣ.

В лѣтѣ коли было дуже горячо, розоблекла бабонька дѣтей до сорочки и вела их до потока купатися ; але у потоцѣ не мало были бѣльше воды, як по колѣнка, абы ся дѣти не утопили. Або сѣла с ними на лавку и дозволяла дѣтям помочити собѣ ноги и побавитися рыбками, котри лѣтали по водѣ як стрѣли. Над водою клонилися темнолистни бѣлки. Дѣти радо ломали прутя, метали их у воду и дивилися, як вода их несе из собою.

„Мусите кинути патичок все дальше од берега на струю ; бо коли зостанеся при березѣ, задержитъ го кожда травиця, кождый корѣнець и довго, довго бы то тревало, аж бы прийшов до цѣли“, поучовала бабонька.

Але по тѣм, бабонько, як приплыне ид гати, ци буде мочи плысти дальше ? озвався Гриць. — „Може“ — сказав Иванко. „Не знаеш, як я кинув раз патик до воды перед самою гатею ? Плив, плыв, аж достався у корыто, потѣм на колесо млынське я вѣдтак впав у рѣку.“

„А де потѣм плыне“ звѣдовала Аннѣчка бабоньку.

Од млына плыне до старого моста, од моста попôд обочѣ на крутѣль, од крутѣля через спад долѣ коло грунька ид пилѣ. Пôд скалою переховзнесе через груби камѣня пôд школу, де на другій рôк будете ходити. Од школы плыне через спав до великого моста на луги а дальша на Яромиръ до Лабы.“

„А де потôм плыне?“ звѣдовала дѣвчина.

„Дальше плыне по Лабѣ, аж прийде ид морю.“

— „Ах, до моря! А де то є море и яке оно?“ — „Море єсть широкѣ, далеке, стораз дальше ид ньому, як ид городови“ одповѣла бабонька.

„А что там стане ся с тым прутиком?“ сумно звѣдала ся дѣвчинка

„Буде колысатися по филях, а тѣ го вымечуть не берег, на березѣ проходжуєся много людей и дѣточок, а котрыйсь из хлопцѣв пôдойме прутик и подумає собѣ: „Одки ты, прутику, приплыв? Кто тебе пустив но воду. Певно там десь сидѣла дѣвчинка над водою, а она тя выломала и пустила на воду“.

А хопчик занесе собѣ той прутик до дому, засадить в землю; з прутика вырасте красне дерево, пташки будутъ на нѣм спѣвати и всѣ будутъ радоватися.



ВАСИЛИИ ПЕТРЕЦКІЙ:

Сôль.

Кождому чоловѣкови звѣстно, что сôль в газдовствѣ єсть дуже важным предметом. Анѣ один чоловѣк не поѣсть страву без соли. В добрôм господарствѣ газда змагаєся також на то, абы и єго скот тоѣ соли мало достав.

Сôль в натурѣ находимѣ в двоякôм видѣ, а то як камѣнь в земли або розпущену в морских водах. Из землѣ люде в копальнях выкопують сôль, а из морскоѣ воды выварюють. Також часом выварюють сôль на копальнѣ, коли она не чиста.

У нас на Подкарпатскôй Руси находитьсѣ в земли много соли. Од того называєся село Сôль в ужгородскôй жупѣ, а город и рѣка Солява — котру днесъ вже переименовали на Свалява, в бережскôй жупѣ. Но

наибольше соли находиться в мараморошской Солотвинѣ. Тут находиться и копальня соли, звѣдки вывозять еѣ по цѣлѣй нашѣй республикѣ.

Чудно, одки набралася в земли сѣль?

Давно землю по большѣй части покрывало море. Воды морски были наповнени великою силою розпущеноѣ соли, котра поволи, коли море почало высыхати, укладалася на днѣ. Потѣм як море высушилося, остала сѣль скаменѣла. На ню знов дождѣ нанесли з гѣр всяку землю, глину, камѣня и закрыли ю зовсѣм.

Никто не мѣг бы довѣдатися, что пѣд землею находиться такѣй дорогѣй скарб. На то довела людей аж вода, котра вытѣкаючи из студникѣв, была всегда солонa. То быв знак, что туй пѣд землею укрываеася сѣль.

У Мароморошской Солотвинѣ сѣль находиться пѣд землею уже 25—30 метрѣв глубины. Коли почнеме за нею копати, то на самѣм верху покажеся нам чорна земля а за нею глина на 20—30 метрѣв глубоко. Пѣд глиною найдеме твердый камѣнь на 2—3 метры у спѣд званный кремьень, а лиш за ним прийде сѣль. Той твердый камѣнь хоронить сѣль од воды, котру ѣн затримуе и не перепустить до воды.

Чтобы дознатися, ци пѣд землею естъ направду сѣль и ци еѣ естъ богато, роблять люде верчѣня. Пускають у землю свердло и вертятъ доти, доки не покажеся яких 30 метрѣв пѣд землею сѣль. Як вже дѣйсно в тѣй глубинѣ покажеся, вертятъ ще дальше, абы дознатися, як груба естъ верства соли, ци выплатиться еѣ копати и ци та сѣль естъ.

Коли верчѣня здасться, там коплять шахту (глубоку яму), приправляютъ машину из двома скринями и спускають у нѣй роботникѣв. Робѣтники починають копати яму, чтораз ширше, роблять коридоры (ходники), стовпы при помочи котрых пѣдкрѣпляютъ шахту од завалу.

Робота починаеася так: робѣтник мосяжным чеканом вырубуетъ одну чотыриугольную табулу, котру при помочи желѣзных клинѣв одобуютъ. Ту велику табулу роздробляютъ на менши куски, кладуть их на возики, котри на шинах пѣдвозятъ ю аж до пѣдносноѣ машины. Та машина, як сказано, має двѣ скринѣ (кошары), из котрых одна иде в гору, а друга одночасно в низ. Нею то вывозять сѣль на верх.

Так выкопана и вынесена на верх сѣль находиться в такѣм видѣ як камѣнь. Для того называютъ ю камѣнна сѣль. Сю уживаютъ для скота и на газдовски потребы. Для ужитку людей мелять камѣнну сѣль в окремых млинах.



ОЛЕКСАНДЕР КОНИСЬКИЙ:

МИКОЛА.

Жила вдова мала сына	Тай болож то єѣ сыном
Миколою звався;	Як повеличатись!
Что за гарный парубочок	Не одною ѓн красою
Он на диво вдався!	У селѣ пышався, —
Стан высокій, вус чорнявый,	Он роботник, ѓн господарь,
Очицѣ як зорѣ.	Он до всего вдався!
А кучерѣ!... вились, вились,	И не диво, что всѣ его
Як хвилѣ на морѣ.	Щиро поважали,
На все село величалась	Что на все село про него
Миколою мати!	Добра слава стала!



В лѣсѣ.

Иванко и Василько проходилися лѣсною пасѣкою. Горячій воздух прямо дусив, так что тяжело было ити. Иванко стяг чоботы, взяв на палицу, завѣсив на плечи тай ишов босо по травѣ.

„Гад, гад!“ — закричав нараз Василько. Його быстри очи умѣли поѣглянути и найменшу звѣрину, повзаючу поѣ листем. Великій змѣй выгрѣвався до сонця на пѣшнику, а теперѣ зываючися бѣг у черничник.

„Наѣвся“ — говорив Василько „ледво лѣзе, инакше скоро бы уже утѣк“. — Змѣй кѣлько раз ставав, поѣносив голову, хотячи кусати. Але видкочувся за слабый и дале знов почав утѣкати.

„Добрѣ запамятай го собѣ, говорив Василько, абысь поѣзнав як зывається и якій має сѣрканистый и цикакаватый хребет. Удариш раз довгим патиком по головѣ и вже по нѣм.“

И дѣйсно так зробив Василько, и вже было по нѣм. Завертѣв собою, поѣскочив в гору и конецѣ.

Але чому ѓн такой надутой? Хлопцѣ перевернули го. Певно має чтось у собѣ — думали. Василько розорвав го, а з черева вылѣзла обслинена але ще цѣла синиця.

Бѣдна, говорили, певно и не думаса нынѣ рано, як збирала потятям гусельницѣ, что буде колись на закуску.

По тѣй пригодѣ провадив Василько смѣло в лѣс, а тѣнисти дерева закрывали их од жары сонця.



НАРОДНО ПРОСВѢТНЕ ТОРЖЕСТВО В ДЕРЖ. ШКОЛѢ В ОСОѢ.

подав : А. Староста.

Дня 7. V. в недѣлю о г. 3 п. н. (15) одбылося в державной народной школѣ в Осой первое народное просвѣтное торжество для чествованя нашего п. президента при отвореню ново основаной читальнѣ. Осойски школьники дѣти прекрасно исполнили свои точки. Зараз на вступѣ задзвенѣла милым голосочком 8 рѣчна дѣвочка Олена Юричи выголосила стих Т. Шевченка: „Учѣтесь брате мой, думайте, читайте“. Хор дѣточій под управою учителя Ульваньского добрѣ одспѣвав „Верховина“, „Дезгода в семействѣ“. По серед спѣвов упр. школы А. Староста перечитовав отчет про жите п. президента, из которого могли люди много научиться.

Учитель Турянич из Илницѣ сам и разом з девять рочным М. Хорватом грою на гусях проуказовали красу нашоѣ пѣснѣ.

На законченя промовив предсѣдатель читальнѣ О. Ст. Пайкоши, и указуючи як примѣр п. президента провозгласив ему многолѣтвіе, а послѣ одсѣиваня сего желав присутным, абы сесе свято возбудило их до дальшоѣ просвѣтной працѣ.



ПРИПОВѢДКИ НА МѢСЯЦЪ ЧЕРВЕНЬ (ІЮНЬ).

1. На Кирила лѣто починається, на Ілію кѣнчається.
2. Яку житѣ стоколося — буде хлѣба до паса, як зѣонецъ — хлѣ-
бови конецъ.
3. Як лѣтом пролежиш — в зимѣ з торбою побѣжиш.
4. Червень тому зелениться, хто працювати не лѣниться.



СОДЕРЖАНЯ.

Марійка Подгорянка: Дѣти и ластовка	Стр. 145
Дѣдо и смерть	Стр. 146
И. П. Васков: Малый козак	Стр. 149
Мамин Сибиряк: На малинах	Стр. 150
И. Кожішек: Вечер в лѣтѣ	Стр. 150
Прочто сердиться пес на котку, котка на мыш?	Стр. 150
В. Соколова: Прядѣльник	Стр. 152
Божена Немцова: Буря на Старѣм Валилѣ	Стр. 152
Подкарпатска Русь в пѣснях	Стр. 154
Марійка Подгорянка: Статочный школярник	Стр. 156
Божена Немцова: При потоцѣ	Стр. 156
Василій Петрецій: Сѣль	Стр. 157
Александр Конискій: Микола	Стр. 159
В лѣсѣ	Стр. 159
Народне просвѣтное торжество в держ. школѣ в Осѣ	Стр. 160
Приповѣдки на мѣсяцъ червень (іюнь)	Стр. 160

<i>Пасулька Иван</i> : Одки взалося село Ясѣня	78—79
<i>Полек М.</i> : Про гада у селѣ Пастѣли	64
<i>Сибиряк Мамин</i> : На малинах	150
<i>Устїянович Корнило</i> : Сыны царя Нарзана	40—5
<i>Устїянович Никола</i> : Осѣнь в горах	8
<i>Хоткевич Гнат</i> : Великдень на Гуцулах	118
<i>Чехов Антон</i> : Ивасько	51—34

СТАТѢ НАУЧНИ:

<i>Петрецькій Василь</i> : Соль	157—9
* * * Президент Томаш Г. Масарик в Ужгородѣ	1—5
* * * Иванникій Базилович, первый дѣеписецъ Подк. Руси	18—19
* * * Як же подкарпатскій бук	24—26
* * * Авраам Линкелн	90—4, 125—7, 142—4

СТИХИ И ПѢСНѢ:

<i>Вагилевич Иван</i> : Мадей	85—88
<i>Васков И. Т.</i> : Малый козак	149
<i>Воробкевич Изидор</i> : Край дармоѣдѣв	47—48
<i>Гринченко Борис</i> : Жаба та коваль	132
” ” Веснянка	132
* * * Де два бються, третій корыстае	90
* * * Коляда	50
<i>Кожішек Йосиф</i> : Коляда господареви	50—51
” ” Мали гратулянты	133
” ” Вечер в лѣтѣ	152
<i>Конискій Александер</i> : Микола	159
<i>Маковей Осип</i> : Сон	123
<i>Масляк В.</i> : Наука	29
<i>Олесь О.</i> : Ялинка	54
<i>Павлович А.</i> : С новым роком	65
<i>Пѣдгорянка Марія</i> : Минуло лѣто	4
” ” Грибы	4
” ” Зимой	21
” ” До зимы з тихенька	29

	Стор.
<i>Підгорянка Марія</i> : Дѣд мороз	39—40
„ „ Дѣти и ластівка	145
„ „ Статочный школярник	156
* * * Подкарпатска Русь в пѣснях	151—6
<i>Соколова В.</i> Прядѣльник	152
* * * Синиця и ледарѣ	127
<i>Устіянович Николай</i> : Верховино свѣтку ты наш	95—5
<i>Федькович Осип</i> : Брат та сестра	138
<i>Франко Иван</i> : Лисиця мѣряльником	11—13
„ „ Пѣвень поносуеся на лисицю перед царем	27
„ „ Легенда про св. Николая	33—36
„ „ Кѣт царским послом у лисицѣ	68—76
„ „ Скарб царя гороха	115
<i>Шевченко Тарас</i> : Чума	97
„ „ Калина	108
„ „ Золоти мысли	105

Приповѣдки: 30, 48, 78, 96, 112, 128, 144, 160

Загадки: 15—16, 48

ПѢСНѢ З НОТАМИ:


<i>Чайковскій Стефан</i> : Крук, велика птиця	14
„ „ Могила под Бардіовом	15
<i>Устіянович Иван</i> : Кантата в честь президента Масарика	5—6
* * * Бог предвѣчный	63
* * * Ой на горѣ дубина	30

Забавы: 31, 64, 79, 95, 127

• *Вѣсти из житя дѣтей*: 15, 110, 111, 111, 160

Переписка Вѣночка: 15—16, 32





No. IDT411 RT

**If Slimtrim Fasteners are to be included, please specify.
Spécifiez si vous voulez des agrafes Slimtrim.**

**Distributed by / Distribué par:
✱ ESSELTE CANADA INC.**

